


OSCRID.  
VINDICATA  
Nobilitate

△  
53634










Robert Ribaudeau ou Rivaudau valet de  
Chambre de Henri II en 1549 // L'auteur  
dit Doucy du Rades d'une traduction françoise  
des deux livres de la noblesse Civile d'Horio-  
rump i Paris en 1549 in 8

A 53634

DX





HIERONYMI  
OSORII LVSITA-  
NI DE NOBILI-  
TATE CIVI-  
LI, LIBRI  
DVO.


Eiusdem de nobilitate Christiana  
Libri tres.

OLYSSIPONE, APVD  
Ludouicum Rodericum  
Typographum.  
1542.

ad









# HIERONYMVS OSORIVS LVDO-

uico Principi clarissimo Re-  
gis Emanuelis filio.

S. P. D.



Ostea quam beneficio tuo consecutus sum, ut me ad pristina studia reuocarem: in literarum meditatione multo ardentius quam antea uersari cepi. Principio enim natura tantum impulsus, ad earum artium studium me applicabam, quibus instructus, patriæ meæ fructum aliquem meæ eruditionis afferrem. Nunc autem cum humanitate beneficentiæque tua incensus omnes meas cogitationes ad tuam dignitatem et gloriam conferendas esse statuerem: maiore animi impetu mihi erendum existimaui, ut ad aliquem doctrinæ gradum peruenirem. Nec enim id elaboro, ut ingenij aliqua laude fruar: sed ut incredibilem meam erga te beneuolentiam, singularemque grati animi uoluntatem, si non referenda, at saltem prædicanda gratia declarem. Non igitur mihi deero, quandiu aliud præstare non possum, quin saltem isto scribendi

a ij      genere




genere meum in te animum plenissimum pietatis ostend-  
dam: perficiamq; ut me in omni loco memorè gratumq;  
esse cognoscas. Non me fallit quàm id pro meo singu-  
lari erga te studio, quo quidem sum mirabiliter inflam-  
matus, minimum sit. Sed non debent qui magna præ-  
stare nequeunt, parua negligere: & qui in rebus maiori-  
bus usui esse non possunt, ob id, in leuioribus muneribus  
apud eos quos præcipue observant collocandis, diligen-  
tiam remittere: præsertim cum in omni genere officij  
pluris animi uoluntas, quàm muneris magnitudo fa-  
cienda sit. Cum igitur ut commodius tuæ dignitatis  
amplitudini seruire possem, styli exercendi gratia mul-  
tas quæstiones aristotelico more disputandas suscepis-  
sem: tum in primis de nobilitate mihi discernendum esse  
putavi. Et propterea quòd ea materies mihi tanto  
principe digna uisa est, & hi nostri de nobilitate com-  
mentarij erāt paulo diligentius elaborati, eos tibi dica-  
re constitui. Ac eo libentius feci, quo maior quædam,  
ac illustrior in te nobilitas elucet. Nam si genus ad di-  
gnitatem pertinet, nihil in rebus humanis est regio no-  
mine sublimius: & eorum præcipue regum, qui ex  
Christi. O. M. uoluntate res humanas admini-  
strant: quales ij certe fuerunt, ex quorum es stirpe gene-  
ratus. Si uirtute tantum nominis gloria comparatur,  
nihil



nihil est animi tui magnitudine nobilius: nihil laude  
 tuæ liberalitatis illustrius: nihil ingenij tui flore præ-  
 stantius. Ut interim omitam pietatem in fratrem  
 tuum, Regem omnium iustissimum, & optimum pa-  
 triæ parentem: humanitatem deinde in omnes: & po-  
 stremo, quòd caput est, ardens quoddam, & singulare  
 christianæ religionis studium. Sed repri: nam me: nec  
 enim huius temporis esse statuo, animi tui dotes egre-  
 gias debitis laudibus celebrare. A te uero contende-  
 re non desistam princeps amplissime, ut hos nostros co-  
 natus boni & æqui facias: scriptaq; nostra qua-  
 liacunq; sint, pro tua singulari humanitate li-  
 benter legas. Equidẽ si ea tibi non ingra-  
 ta fore intellexero, ad alia maiora  
 gradum faciã: nec ullo unquam  
 labore defatigabor, modo  
 habeam explora-  
 tum, fore, ut  
 hæc  
 nostra stu-  
 dia tibi nõ iniucunda  
 contingant.  
 Vale.









# HIERONIMI

## OSORII DE

### Nobilitate ciuili, Liber

primus.

*Quarta est / contentio inter optimatos atq; plebeios est longe periculosissima*



*Q*uam uariae dissensiones inter eos qui  
iisdem legibus instituti, eademq; iuris  
societate deuincti sunt, frequenter ori-  
antur: tum nulla frequentius uniuersae  
reipub. otium perturbat, ea quae inter  
nobilitatem, & multitudinem concitari solet. Haec  
autem contentio sic quamplurimas ciuitates imperio  
atq; gloria florentes afflixit, ut saepe numero totius  
reipub. statum immutare cogeret: qua quidem re, nulla  
perniciosior communi saluti excogitari potest. Si  
enim ea quae sunt mandata literis, memoria repetamus:  
uix ullam ciuitatem tam bene fundatam reperiemus, quae  
non fuerit hac discordia ciuili, inter primores atq; ple-  
bem orta, nimis saepe conuulsa, et in diuersas partes dis-  
sipata: ita ut modo pauci praessent ciuib; uniuersis:  
rursus uero paucorum imperio sublato, rerum summam  
multitudinis furor occuparet. Quae quidem mutatio-  
nes, neq; sine ferro, et infinita caede fieri poterant: neq;

*prima ratio a minore.*

*Probat ab auctoritate.*

a iij sine



# DE NOBILITATE CIVILI.

sine summa morum pernicie. Nemo enim qui modo  
esset paulo audacior, dubitabat, dum sibi eam reip. con-  
uersionem fructuosam putaret fore, imminuere legum  
grauitatem: instituta maiorum uiolare: omniaq; tãdem  
perturbare, atq; commiscere. Non persequar hic quan-  
tas ruinas ediderit hoc discordiæ genus inter principes  
atq; plebeios excitatum: cum illud constet, quã plurimas  
ciuitates propter hanc partium contentionem funditus  
corruisse. Dum enim populus nobilitatis imperium  
tanq; uiolentum & superbum excindere conatur: rur-  
sus nobiles, uim populi sæuam atq; uehementem armis  
reprimendam, et summa imperij seueritate cohercen-  
dam putant: nullum est adeo pestiferum facinus, ac in-  
humanum, quod non ab utrisq; in repub. suscipiatur:  
animisq; semel hostili odio imbutis, ita dimicant, ut  
etiam publicam salutem, & propriam libertatem ho-  
stibus suis interdum prodere, minime recusent. Idq; est  
eo mirabilius, quod & ciuitatis communione coniuncti  
sunt: & studio uitæ dissimiles: ita ut nihil relinqui ui-  
deatur, quod animorum certamen accendat. Id enim  
quod in ciuitate plurimum ualet, ad beneuolentiam con-  
iungendam, nempe communis periculi, atq; publicæ in-  
columitatis societas ab utrisq; retinetur: quod autem  
non parum offensionis habet in repub. & acerbissi-

Ina bona iustitias autferre.

A. Tooturhois ruremha.

Nahio a ronturij.



mum ciuium inter ciues odium creāte solet: eo quidem <sup>memor.</sup>  
 carent. Simultates enim, atq; inimicitiae, ex inuidia, & <sup>a raris.</sup>  
 emulatione cōceptae, in eos tantum exercentur, qui cum  
 genus idem uitae secuti sunt, eadem omnino concupie-  
 runt. Optimatibus uero cum obscuris hominibus, nul- <sup>obscuro</sup>  
 lum eiusmodi certamen esse posse uidetur, in tanta uitae  
 dissimilitudine, et tam dispari studiorum ratione, atq;  
 uoluntate. Illi enim imperium & gloriam expetunt:  
 hi dum uitae commodis abundant, non ita magnum fru-  
 ctum in decore, & dignitate ponendum arbitrantur.  
 Cum igitur tam diuersa praemia respiciant, nulla causa  
 certaminis atq; odij subesse uidetur: maxime cum neu- <sup>neque</sup>  
 tra pars possit ad ea quae omnibus modis intuetur per-  
 uenire, nisi cum alterius auxilio. Neque enim uulgus ui-  
 tam secure traduxerit, si non fuerit in tutela bonorum:  
 neque boni poterunt ullis ornamentis gloriae illustrari,  
 & amplificari, nisi sit uulgus & multitudo, cuius pa-  
 trocinium suscipiant. Ita ut praesidium multitudinis  
 in clarorum hominum uirtute cōstitutum esse uideatur:  
 & ipsi rursus homines clari, non solum ad opes suas  
 munendas, uerum etiam ad gloriam atq; dignitatem  
 comparandam, auxilio multitudinis indigeant. Haec  
 cum ita, & natura & legibus ad concordiam conglu-  
 tinandam instituta sint: nullum tamen maius odium ex  
 hystorijs



DE NOBILITATE CIVILI.

historijs accepimus extitisse: neq; quod maiores strages  
 ederet rerum pub. quàm id, quod à plebe cōtranobilita-  
 tem, & à nobilitate contra plebem sæpe numero susce-  
 ptum est. Quæ omnia cum animo mecum agitarem, in  
 ea cogitatione uersari cæpi: discordias fere omnes eo-  
 rum flagitio, et improbitate, qui se principes in repub.  
 dici cupiunt, esse concitatas. Quamuis enim nihil sit  
 amentius, neq; magis furiosum atq; turbulētum, quàm  
 corruptæ multitudinis studium: illa tamē ipsa uitia, quæ  
 multitudo cōcipit, summīs uiris ascribenda sunt. Nam  
 cum omnes nobilium imitatores existant, nunq̃ plebs  
 tantis flagitijs seipsam inquinasset, nisi fuisset ad im-  
 mensam luxuriam, & infinitam cupiditatem, exemplo  
 nobilitatis incitata. Ita fit ut ciuium libidines, quas  
 amplissimi uiri uel solo exemplo continentia frangere  
 debuissent, uitæ turpitudine augeant, atq; uehementer  
 incēdant. Vbi uero plebis animi flagitijs, atq; nefarijs  
 cupiditatibus infecti fuerint: nullis legibus, nullius au-  
 toritate, nullo supplicij metu, à furore, & audacia  
 continebuntur: nec ulla ratione prohiberi poterunt,  
 ne erumpant aliquando in totius reipub. perniciem.  
 Omne itaq; malum uidetur à summīs uiris tanquam à  
 fonte defluere: in quorum potestate situm erat, na-  
 scentem populi cupiditatem, & uirtutis exemplo, &  
 legum

hinc itq; seditiones in improbitate  
 iohannis principis quæ multitudinis

a remissionis

a gonore.

a. l. l. l.



legum feueritate refrenare. Venit interim in mentem  
mibi admirari, quibus rebus adducti pleriq; mortales,  
tantum generis splendori tribuant, ut eum summis  
honoribus decorandum, & omnibus ornamentis  
afficiendum esse putent. Nam aut nobilitas natura  
nihil habet amplum, aut magnificum: aut maxima  
pars istorum, qui uulgo nobiles appellantur, quorum  
animi tam multis morbis impediti sunt, longe multumq;  
distant à uera illa germana nobilitatis ratione. Nec enim  
dubium est, quin si nobilitatis studium extaret in uera gloria  
comparanda, multi uirtutem illius amarent: omnes  
autoritatem non inuiti sequerentur. Nam nemo est qui non  
uirtutis admiratione commoueatur: & omnes existimant communem  
salutem clarissimorum hominum uirtute, atq; prudentia  
contineri. Quapropter, non alienum arbitratus sum, ipsius  
nobilitatis uim, rationem, originem, & reliqua ornamenta,  
quæ ueræ uobilitati affixa esse uidentur indagare: ut ijs  
explicatis, quantum instrumenti habeat ad dignitatem, &  
quantum inter illam, atq; simulationem nobilitatis  
intersit, statuere possimus. Cum autem hoc nomen multo  
latius pateat: hic tantum usurpabitur à nobis, ut generis  
claritatem significat.

Primum



# DE NOBILITATE CIVILI.

propositio sive thes.

probat a principio humani intus.

A similitudine Simil.

Si. r. r. m. p. r. e. t. a. s. o. r.

probat ab enumeratione partium.

**P**Rimum omnium illud in dubium uocari potest, sit  
ne nobilitas in bonis numeranda. Multa namq;  
adduci possunt, quibus fiat uerisimile, hanc generis ce-  
lebritatem, nec ullam dignitatem habere, nec ullo mo-  
do posse ad aliquod bonorum genus reuocari. Quan-  
tum enim ad naturam attinet, & humanæ uitæ con-  
ditionem, uix intelligere possumus, quem fructum ferat  
hæc nobilitatis admiratio. Simul enim ut in hanc ui-  
tam fragilem, & calamitosam ingredimur, ita legibus  
ijsdem tenemur uniuerſi, ut nemini detur libertas re-  
cusandi mala quamplurima, quibus hæc mortalis con-  
ditio afflictæ est. Omnes uiuendi principium à lacrimis  
et acerbitate facimus: omnes infinitis miserijs, et anxie-  
tatibus implicati, in metu atq; dolore uersamur: atq;  
tandem uarijs casibus ad mortem imus. Tantum uero  
abest, ut ab ijs pestibus tuta sit nobilitas, ut multo gra-  
uior sit eius conditio: et exitus multo acerbior. Siqui-  
dem ut fumus semper summa petit: sic morbi, cædes,  
insidiæ, & reliqua uitæ mala: eos potissimum perse-  
quuntur, qui sunt in altissimo gradu collocati. Sin au-  
tem animum ad corporis naturam conuertas: ne in  
illo quidem quicquam inesse comperies, quāobrem  
nobilitas sit plebeis familijs anteponenda. Nec  
enim uiribus est ualentior: neq; celeritate pedum uelo-  
cior:



cior: atq; <sup>magis</sup> ualeitudinis firmitate robustior. Imo quo  
delicatus uiuit, eo corpus reddit infirmius: & maio-  
ra morborum cruciamenta pati cogitur. Quod si nec  
in fortuna, nec in corporis præstantia, est id quod ho-  
minum inter homines discrimen facit: & tanquam in  
classes distribuit: certe in bonis animi est id quod à prin-  
cipio ordines hominum uarie distinxit: aut nusquam  
est. Nec enim aliud genus bonorum præter hæc tria  
inuenitur, ad quod hic nobilitatis splendor reuocari  
possit. Cum autem uideamus aditum ad uirtutem  
patere omnibus: & sæpe numero qui claris natali-  
bus orti sunt, ad turpissima flagitia delabi: & igno-  
tos homines interdum ad uirtutis laudem uehemen-  
tius excitari: reliquum est, ut suspicemur, hanc quam  
uulgo nobilitatem appellant, prorsus inanem esse, &  
à sola multitudinis opinione ineptissime constitu-  
tam. Hæc sunt quæ possunt contra generis clarita-  
tem disputari. Attamen, cum uideamus uniuersum  
genus hominum, quam diu est ab animi perturbatione  
liberum, mirifice consentiens ad honores amplissimos  
certis gentibus deferendos, id non temere euenire ar-  
bitramur. Si quidem omnium gentium in re aliqua con-  
sensio, lex naturæ putanda est. Quod quidem ut me-  
lius perspicui possit ab ipsa natura exordium capiemus.

Principio



# DE NOBILITATE CIIVILI.

**P** Rincipio igitur in naturæ uim, & uniuersi con-  
 ditionem intuenti nihil sane occurret, quod non uel  
 cætera uincat dignitate, uel ab alio rerum genere su-  
 peretur. Hoc enim in rebus omnibus incredibiliter na-  
 tura fabricata est: ut cum omnes rerum formæ sint in-  
 ter se dispares, atq; dissimiles, tum in nullis insit eadem  
 omnino uis & potentia: sed alia aliorum impetu, & ui  
 moueantur: alia impellant & moueant. Primum enim  
 si rem ipsam altius contemplari uelis, cælumq; dili-  
 gentissime suspicias, nihil in eo uidebis, quod uel in eo-  
 dem loco reponi, uel eadem uenustatis laude censeretur de-  
 beat. Sydera namq; cernimus non tantum ordine, atq;  
 specie, uerum etiam uirtute, & potentia inter se longe  
 dissimilia: ita ut alia quidem quasi imperium exerçant:  
 & reliquis afferant splendorem & dignitatem: alia  
 uero lucem à præstantioribus accipiant. Deinde uide-  
 mus etiam ignem omnium elementorum facile prin-  
 cipem in summo loco collocatum, cuius ui, subiecta  
 corpora concitantur: quorum rursus eiusmodi ratio  
 est, ut sit inter illa, maxima uirtutis & potentiae dis-  
 similitudo. Quid autem (ut ad hæc inferiora descenda-  
 mus) de plantis aut animantium genere dicam? An  
 in omnibus eadem facultas inest, atq; naturæ bonitas?  
 Et hoc discrimen nō in ijs dumtaxat cernere licet, quæ  
 sunt

*1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846. 847. 848. 849. 850. 851. 852. 853. 854. 855. 856. 857. 858. 859. 860. 861. 862. 863. 864. 865. 866. 867. 868. 869. 870. 871. 872. 873. 874. 875. 876. 877. 878. 879. 880. 881. 882. 883. 884. 885. 886. 887. 888. 889. 890. 891. 892. 893. 894. 895. 896. 897. 898. 899. 900. 901. 902. 903. 904. 905. 906. 907. 908. 909. 910. 911. 912. 913. 914. 915. 916. 917. 918. 919. 920. 921. 922. 923. 924. 925. 926. 927. 928. 929. 930. 931. 932. 933. 934. 935. 936. 937. 938. 939. 940. 941. 942. 943. 944. 945. 946. 947. 948. 949. 950. 951. 952. 953. 954. 955. 956. 957. 958. 959. 960. 961. 962. 963. 964. 965. 966. 967. 968. 969. 970. 971. 972. 973. 974. 975. 976. 977. 978. 979. 980. 981. 982. 983. 984. 985. 986. 987. 988. 989. 990. 991. 992. 993. 994. 995. 996. 997. 998. 999. 1000.*

*aspice.*



Sunt dissimili specie & ratione: sed in ijs etiam quæ eadem natura continentur & forma. Nec enim omnes eiusdem generis arbores, uel eandem in specie uenustatem habent: uel eundem utilitatis fructum: nec omnes equi pari pernecitate <sup>predi</sup> prædicti sunt: nec omnes leones eodem uirium robore muniti. Deniq; nullum genus animantium, atq; adeo rerum est, in quo non extare, & eminere quandam nobilitatis effigiem perspicimus. Hæc autem naturalis excellentia in rebus semperternis semper manet: in ijs autem quæ oriuntur, & occidunt, uirtute quadam seminis in sobolem ipsam infunditur. Quod inquit summus ille poëta.

Fortes creantur fortibus & bonis.

Est in iuuentis, est in equis patrum uirtus.

Virtus.

Ergo cum hæc tanta uis naturæ sit, tantumq; iuris habeat, ut res mutas, belluas rationis expertes, reliqua deniq; omnia complectatur: quid tandem conuenit, eam in homine animantium reliquorum principe fingendo minus efficacem arbitrari? Quid? è quali arbore surculus defringatur, è quali genere sit canis susceptus, aut equus generatus, magni interesse putamus? Qualibus autem parentibus homo procreatus sit, nihil ad rem pertinere existimabimus? Certe, si id contentionis studio

negare



## DE NOBILITATE CIVILI.

*Quod natura tale aliter atq;  
est. a se necesse est potest.*

*Ab exemplis.*

negare uellemus, res tamen ipsa nos aperte cōvinceret. Perspicuum est enim uniuersas ferme gentes, eisdem studijs semper oblectatas, & eisdem moribus præditas fuisse. Quod sane facit indicium, hanc naturæ uim, sic in singulis nationibus esse defixam, ut nulla conditione euelli queat: hominumq; mores ad posteritatem traduci. Cernis gallorum nationem ut amens iracundia, & furore in aciem feratur? eandemq; contra placatu facilem, & ad lenitatem in communi uita propensam? At semper hæc natura gentis fuit, ut facile susciperet inimicitias: & facile deponeret. Germani uero truculenti semper habiti sunt: & qui intrepide mortem oppeterent. Hispanis ut olim, ita etiam nunc industriam ad res strenue gerendas omnes ascribunt: & ad certamen incundum alacritatem. Italæ summum ingenium, & summam facundiam. Nulla deniq; natio est, quam natura non finxerit aliquibus, uel uitijs, uel uirtutibus insignem, quæ uirtute seminis posteritati ingenerantur. Hoc autem multo clarius in certis familijs semper eluxit. Id enim ferme uidemus euenire, ut ij qui illustri loco nati sunt, eas uirtutes studiose persequantur, in quibus sui maiores aliquam laudem consecuti sunt. Ita ut qui hac sunt stirpe generati, sint manu prompti, & insignibus pugnis clari: qui alio  
liberales,



liberales, atq; munifici: alij uerò rerum ciuiliū prudentia cumulatī. Ex qua quidē re, id efficitur, uirtutem non tātum moribus, studio, et consuetudine, sed etiam natura, genere, & ingenio contineri. Id autem nobilitatem esse dicimus, quando quidem nihil aliud est nobilitas, quā uirtutis prestantia, in aliqua gente cōstituta.

**N**obilitatem igitur non opinione, sed natura contineri expositum arbitror. Quòd sic est accipiendum, ut perinde ac agri uberes, & frugiferi, non per se, sed frugum expectatione in summo præcio sunt: sic gentem aliquam præcipue amplectimur, quòd uberem uirtutis frugem sæpius effundat. Sed iam facillimum erit, ipsam rei uim, & naturam intueri. Est autem nobilitas splendor generis, in quo frequenter magnæ uirtutes enituerunt. Sed quoniam non omnem uirtutis speciem amplitudinis atq; dignitatis gloria consequitur, hæc diffinitio uidetur amputanda. Nec enim ij qui sapientiæ studio dediti, coetus hominum relinquunt, & otium persequuntur: possunt ea sapientia splendorem nobilitatis obtinere, quantumuis egregijs uirtutibus cumulatī, & maximarum scientiarum admirabiles existant: quòd scilicet eas artes, quibus probe ornati sunt, non facile conferre queant, in cōmunis salutis studium. Nec enim ulla unquam familia generis am-

per se, quod adferre et fructus a similitudine

Definitio.



plissimi nomen adepta est, quod extiterint in ea permul-  
 ti ingenio singulari, qui cum hominum celebritatem stu-  
 diose uitarent, omnem operam in geometris, uel in phy-  
 sics, uel in musicis contulerunt. Quæ tandem igitur  
 est ea uirtus, quæ gentem claram reddit, & splendidis  
 ritulis insignem? Ea nempe quæ ad communem utili-  
 tatem refertur: quæ desidiæ inimica totam se dat ad  
 hominum coetus colendos, & conseruandos: ut in re-  
 bus bellicis fortitudo: in domesticis iustitiæ, & æqui-  
 tatis studium: adde etiam eloquentiæ magnitudinem,  
 & iuris ciuilibus scientiam, & reliqua eiusmodi, quæ ad  
 ciuilem disciplinam pertinent: et in repub. dominantur.  
 Est igitur nobilitas, dignitas generis, in quo maximæ  
 uirtutes extiterunt, uitæ communi salutare, & com-  
 modæ. Huius autem duæ species traduntur. *Alia*  
*est enim ciuitatis uniuersæ, alia famiilarum singula-*  
*rum.* Sic nobiles *Athenas* dicimus, propterea quod  
 uiros per multos aluerit, qui consiliis, et sapientia repub.  
 regere, et conseruare possent: qui singulari uirtute ani-  
 mi hostes arcerent: imperijq; fines propagarent: &  
 innumeris deniq; beneficijs patriam obstringerent.  
 Hoc modo *spartam* nobilem dicimus: hoc etiam *car-*  
*taginem*: hoc postremo *Romam* omnium ciuitatum  
 quæ unquam fuerunt nobilissimam. Ea propemodum  
 ratio



ratio in singulis etiam familijs considerari solet: ut ea egregie nobilis habeatur, quæ frequentia clarissimorum hominum maxime illustrata est. Ita fit, ut eadem uis in utroq; genere insit, re tamen subiecta distingatur. Ad istum enim modum Fabiorum, Claudiorum, Scipionum, Corneliorum gentem, illustrem, & claram fuisse accepimus. Harum autem partium duarum eiusmodi ratio est, ut qui non fuerit nactus utramq; uix sit in nobilium numerum ascribendus. Nec enim fieri potest, ut in obscura ciuitate familie illustres existant. (Qui potuisset enim ea ciuitas in tenebris delitescere, si lumen aliquod diuinæ cuiusdam uirtutis habuisset? Iam enim non obscura sed illustris haberetur) neq; si aliquis in ea extiterit præstanti uirtute ciuis, poterit facile sese ab illa caligine, qua patria uniuersa demersa est, in lucem atq; dignitatem uindicare. Primum igitur naturæ beneficium est, ut in clara patria natus, & educatus sis: deinde ut clavis parentibus ortus. Scitum est enim illud Themistoclis dictum Tymodemio Aphidneo, in iurgio obijcienti quod non propria uirtute, sed propter splendorem patriæ fuisset à lacedemonijs singularibus ornatus honoribus: recte sane inquit Themistocles. Nec enim ego si Aphidneus essem, tanta uirtus ingenua

b ij      fuisssem



DE NOBILITATE CIVILI.

fuissem consecutus: neq; tu si esses Atheniensis clarus  
esse unquam potuisses. Quòd etiam ad hanc rationem  
transferri potest. Nec enim nobilis esse quisquam po-  
test, in ciuitate clara, ignotis parentibus ortus: nec in  
ignota clarus, quamuis genere sit, ut in illa ciuitate  
præstantissimus. Iccirco ij nobiles in suis tantum sedi-  
bus, & à suis nuncupantur. Absoluta autem nobi-  
litas nunquam loco dimouetur: & ubi uis gentium fue-  
rit, semper altis defixa radicibus animis hæret: &  
eandem apud omnes nationes dignitatem habet. Quis  
enim unquam Romanorum, cum Roma imperio re-  
rumq; gestarum gloria floreret, Ciliciæ uel Bithyniæ  
principes magnopere admiratus est? Contra Bar-  
bari Romanos, quasi quædam numina sæpe uenerati  
sunt. Poterit igitur nobilitas ad hunc etiam modum  
diduci: ut alia sit omni ex parte absoluta: alia uerò domi  
tantum locum habeat. Hæc itaq; in solo tantum patrio,  
& inter suos eminebit, magis opinione uulgi, quàm ue-  
ris dignitatis luminibus illustrata: illa uerò quæ & pa-  
triæ claritate, et uirtute gentis exulta est, apud omnes  
homines splendorem retinebit. Hinc illa Theodectæ  
Helena cum inter alienissimos uersaretur, loqui tamen  
magnifice sibi concessum arbitrabatur: sic enim inquit.  
Vtraq; stirpe maximis ortam deis

Quisquam



Quisquam putet uilem, atq; seruam nuncupet?

Est hoc sane insitum perfectæ nobilitati, ut nunquam in rebus turbulentis animo frangatur: nec ullo uitæ periculo dignitatis obliuiscatur: usq; adeo, ut nulla res magis indicet generis claritatem, quàm animi magnitudo, quæ cernitur in laboribus, & periculis. Quòd sapienter à Virgilio existimatum est: apud quem Dido sic Aeneam singulari laude celebrat.

Credo equidem, nec uana fides, genus esse deorum. Operæ præcium est uidere, quid illi uenit in mentem, Aeneam sanguine, & affinitate dijs coniunctum existimare. Vide quàm rationem assignat.

Degeneres inquit animos timor arguit. Nihil potuit uerius ab illa confirmari. Vt enim generis celebritas, in aduersis rebus, constantiæ atq; uirtutis laude perspicitur: sic gentis humilitas, timiditate & turpitudine seipsam prodit. Tum demum hac oratione laudes Aeneæ concludit.

Hec quibus ille

lactatus fati: quæ bella exhausta canebat?

Incredibile uidebatur, ut qui tantas bellorum tempestates inuicto animo pertulisset, humili generi affinis esset: quod quidem antea ostenderat, formidine, & animi imbecillitate demonstrari. Cum igitur (ut unde sumus digressi redeamus) duplex sit nobilitas, altera, quidem

b iij perfecta



# DE NOBILITATE CIVILI.

perfecta & absoluta: quæ tum patriæ tum generis claritate cõmendata est: et ubiq; retinet eandem dignitatem: nec ab animi magnitudine unquam deseritur: altera uero, quæ domi tantum suspicitur: qualis est earum gentium, apud quas iacent maximarum uirtutum studia: nos illius prioris ornameta persequemur. Atq; ut illius ortum à fonte repetamus, de illius origine alio sumpto principio differemus.

**N**atura in animis hominum fingendis, summam coniunctionis rationem habuisse uidetur. Non in eo solum, quod homines iisdem muneribus mentis et cogitationis ornatos, & generis similitudine, cognationeq; inter se deuinctos, sic instruxit ad eandem uitæ rationem, ut nullum animal magis sociabile reperiri possit: sed in hoc etiam, quod dum eorum in genia uarie distinxit: id effecit, ut homines ad societatem natos, incredibili etiam necessitate colligaret. Cum enim artes innumerabiles existant, ad cõmunis uitæ cultum, et incolumitatem maxime necessariæ: neq; possit unus homo omnibus illis inseruire: id fuit à natura diuinitus excogitatum, ut alios alijs artibus instrueret: alijsq; muneribus præficeret: ita ut dum quisq; præstitisset operam suam: & in commune contulisset: ipse uicissim propriam indigentiam, quàm suis nõ potuisset, alienis opibus sustentaret. Nec enim omnes Hippici Helci similes esse possunt.



*Sunt:quem gloriari solitum accepimus,nihil esse ulla in arte rerum omuium,quod ipse nesciret. Neq; solum eas artes tenere, quibus ingenuæ doctrina, & sapientiæ studia continentur: sed eas etiam quæ in sordida et illiberali ratione uersantur: ita ut anulum quem habebat, pallium quo amictus incedebat, soecos, quibus indutus erat, se sua manu confecisse diceret. Non est inquam facile cuius, tātum ingenio prestare, ut tam multa munera solus sustinere possit: ipsumq; Hippia opinor haud satis cōmode tam dissimilia inter se studia exercere potuisse: qui præter quam quod indecēter liberales et ingenuas disciplinas, cum sordidis et humilibus coniunxit: non omnes artes enumerauit, quorum præsidio uita confirmatur. Nec enim (ut alia omittam) fecit ullam mentionem disciplinæ militaris: in cuius tutela reliquæ omnes acquiescunt. Rei autem militaris studium, nulla ratione poterit ab uno Hippia, præsertim tam multis negotijs implicato, strenue nauari. Est igitur necesse, ut alij quidem principes sint, et restores, qui sapientia & æquitate omnium saluti prospiciant: alij autem uel arma tractent, uel eas artes persequantur, quibus in rebus magnis reipub. usui esse possint: alij postremo sedulo terram colant: aut fabрили artificio aliquid conficiant, eorum, quæ ad communem uitam cultum ué, pertinent. Cum igitur in humana societate sint omnino*



DE NOBILITATE CIVILI.

11 oporteat homines & ordine, & uitæ studio dispares,  
 atq; dissimiles: id providenter egit natura, ut ingenia  
 essent etiam omnino dissimilia. Sic factum est, ut qui-  
 busdam diuinam mentis aciem, & excelsum animum  
 singulari sapientia, & industria præditum elargita sit:  
 quo quid uniuersitati expediret, et uidere prudenter, &  
 perficere constanter possent. Hanc autem ingenij atq;  
 sedulitatis præstantiam, aurum diuinum appellat So-  
 crates in phædro. Cuius auri copia circumfluentes ani-  
 mos, deorum quasi agnatione teneri, et ad regnandum  
 maxime natos esse putat. Hos itaq; collocauit in sum-  
 mo gradu dignitatis ipsa rerum parens natura. Alios  
 autem non tanta uirtute excellentes effecit: alacritate  
 tamen, et inuicto animi robore firmavit, ut possent im-  
 perata strenue perficere: in maximisq; rebus legibus  
 obtemperando, patriam iuuare. Quosdam postremo hu-  
 militate animi depressos ad sordidas et infirmas artes  
 abiecit: quales sunt ij, quos opifices et operarios appel-  
 lamus. Sic enim diuino consilio effectum est: ut dum  
 pro se quisq; cæteris auxilium infert, et uicissim aliorum  
 artibus atq; facultatibus seipsum tuetur, ius illud hu-  
 manæ societatis sanctum permaneat. Hoc autem inge-  
 niorum discrimen, iam inde ab eo tēpore perspectū est,  
 quo genus humanum erat adhuc in montibus atq; syluis  
 dissipatum: cum nullis esset ciuilibus institutis, aut do-  
 mesticis

natura quædam  
 generat?



nesticis moribus excultū. Excelluit enim maxime tunc unus, aut alter, eorum quos natura finxerat ingenio & prudentia præstātes, qui dispersam illam multitudinem unum in locum congregauit: et ex immani agrestiq; uita, ad humanitatem et honestos mores excoluit. Id quod homines doctissimi fictis fabulis memorie prodiderunt: Orphei cantu syluas, ferasq; omnes unum in locum confluxisse, uoluptate illa eximia commotas. Sic etiā traditur amphion, cantus suauitate lapides impulsisse quo uellet, unde aut uellet deduxisse: quo significatur, homines illos agrestes, atq; feros, qui uel ingenij stupore, uel immanitate morum, lapidum atq; ferarum instar haberent, paucorū ingenio fuisse moribus humanis, & ciuilibus institutos. Hoc opere Theseus qui primus athenienses per pagos dispersos in unum locum compulit: et legibus, ac institutis deuinxit: est immortalem gloriam consecutus. Vt nihil interim dicam de illis, qui Theseo longe uetustiores extiterunt, à quibus ciuitates fuerunt initio condite, et constitutæ. Inde igitur coeperunt homines intelligere, quātum generosus animus, et excelsus, humillimis auteiret. Tantaq; extitit uirtutis admiratio, ut quandiu in uita manebāt ij, à quibus beneficiū istud acceperant, omnem illis sui regendi potestatem traderent: mortuos uero diuinis honoribus afficerent: eorumq; liberos omni caritate amplectendos statuerent.

Primum



## DE NOBILITATE CIVILI.

Primum mouebat homines recens memoria principum, a quibus tam multis fuerant obstricti beneficijs: eorumque posteritati gratiam referendam esse putabant. Deinde ubi experientia didicerunt, inesse in liberis paternam effigiem, non tantum corporis lineamentis, quantum animi indole euidenter expressam: iam non solum parentum memoria, sed etiam indolis admiratione prouocati, gentem illam precipue coluerunt: eique reip. gubernacula libentissime tradiderunt. Si igitur tempus quaeris, a quo primum tempore nobilitas esse in honore coeperit, scito, cum primum hominum coetus iure sociati extiterunt, nobilitatem suspici coepisse: idque duplici ratione fuisse consecutos homines summo loco natos: Primo parentum meritis: deinde magna uirtutis expectatione. Fuit enim priscis illis hominibus maxime persuasum, uirtutem paternam in posteritatem infundi: morumque praestantiam esse clare gentis indicem: quod est ab euripide sapientissime dictum.

Egregia dignitatis indoles, nota

Insignis est nobis, generis amplissimi.

Hac autem opinio tantum ualuit apud antiquos, ut qui maximo loco natus esset, eundem continuo sperarent maximis fore uirtutibus exornatum. Quod si cuiusquam uirtus adeo esset admirabilis, ut extra communem hominum sortem posita, et collocata uideretur: is humana cuncta despiciens, seque longe inferiora reputans,  
originem



originem suam ad deos autores referebat. Hoc autem ut posset multitudini persuaderi, non tantum imperitia, atq; superstitio, quibus illa rudis antiquitas obligata erat, quantum uirtutis admiratio faciebat. Fiebat enim illis uerisimile, diuino semine susceptum esse, quem cernerent diuinis uirtutibus esse cumulatum. Hinc illi prisca heroes extiterunt, quibus Homeri Ilias referta est: inter quos, nemo erat, qui non deorum aliquem in suis gentilibus numeraret. Vt Hector ille, quo uno dum uiueret res troiana nitebatur, de quo Neptunus ita grecos alloquitur.

Hac timeo pestem ne grauis inferat hostis.

Namque furens animi, flammamque similimus Hector,

Qui Ioue se natum fert, hac nunc agmina ducit.

Ipsam Priamus eximium confectus angoribus, cum in tenebris et luctu ob Hectoris mortem uersaretur, eius uirtutem incredibilem laudibus in coelum efferens: illum inquit, tam opinionem cunctis ciuibus troianis attulisse, ut uirum tam singulari uirtute praeditum, non humano sanguine ortum, sed diuino semine procreatum existimarent. Quid autem hic referam illas heroum contentiones, quibus ei sui generis celebritatem ostentabant: et eo nomine se cunctis alijs preponebant? Quale est illud Achilles in Asteropaeum Axijs fluminis nepotem.

Sic morere Asteropae graue est, et flumine natis,  
Progeniem Iouis in bello contendere contra.

Sic



DE NOBILITATE CIVILI.

Sis licet ipse satus tam lato flumine, nobis  
 Cede iū: quando est nostrū genus ab Ioue summo.  
 Me genuit Peleus: illi est pater Aeacus ingens:  
 Quem genuit quondam summi regnator olympi.  
 Quid illud? quòd in medio armorum discrimine Tle-  
 ptolemus Lycium Sarpedona cōiūtijs insectatur, quòd  
 falso Iouem patrē nominaret. Quā uanitatīs macu-  
 lam, Sarpedon ille non tātum dictis, quantū factis de-  
 leuit: Tleptolemo uiro fortissimo, & Herculis filio ui-  
 tam eripuit. Nec enim ulla re magis potuisset egregij  
 generis celebritatem tueri, quam illo uirtutis egregiæ  
 documēto. Sed dicet aliquis mihi, quorsum attinet, tam  
 multiplices deorum partus enumerare: et reliqua poë-  
 tarum deliramenta sermoni admiscere, qui fuit uerita-  
 tis inquirendæ gratia susceptus? An est quidquam  
 apud Homerum, ut alios omittamus, quin risus ingen-  
 tes moueat? Apud quem & gemitus deorum exau-  
 diuntur: & turbæ in cœlis nefariæ commouentur: &  
 uulnera si dijs placet, uel potius ut reor, inuitis ipsis  
 dijs sepe infliguntur. Quid igitur cōuenit, inquiunt, eam  
 orationem, quæ ad philosophorū morem instituta est,  
 his poëtarum mendacijs inquinari. Hæc inquam mihi  
 aliquis obijciat. Cui sermoni imperito ut respondeam,  
 uelim dari mihi ueniam, si tantisper à proposito digre-  
 diar, dum de studijs humanitatis breuissime disputem.

Hoc



Hoc autem eo facio libentius, quòd Homeri testimo-  
nio mihi sæpius utendum puto. Equidem is sum, qui  
poëtas omnes uera scripsisse credam: Homerum au-  
tem arbitrer omnium poëtarum fuisse ueritatis aman-  
tissimum. Hoc certe uiri græcorum grauißimi sta-  
tuerunt, cum duos Homeri uersiculos secuti, litem se-  
cundum Athenienses dederunt, cum fuisset de salami-  
nis possessione, inter Athenienses & Megarenses  
ingens controuersia constituta. Id arbitrati sunt do-  
ctissimi uiri, qui tam crebro autoritatis Homericæ  
præsidio scripta sua munierunt: id deniq; crediderunt  
uiri in omni genere laudis præstantissimi. Nec enim  
quod istos homines minime malos fefellit, eadem ueri-  
tas exigitur, & a poëta, & ab historico. In histo-  
ria namq; res tantum geste describuntur, ut hominum  
memoriæ commendentur. A poëtis autem, quibus est  
aliud propositum, multa etiam ad honestam aurium  
uoluptatem referuntur. Iccirco, in historia præcipua  
uirtus est uera simplexq; rerum gestarum expositio, lo-  
cis, personis, temporibusq; distincta. Poëtarum au-  
tem oratio, ut numeris est astrictior: ita in rerum ex-  
positione liberior. Alia tamen in illis est ueritas re-  
quirenda: in qua si quid est offensum, non solum omnes  
eruditi: sed theatra tota reclamant. Est autem poëta-

Heu! pro multi  
tutia bonis

PLINIO

Et quæ dicitur  
magna theatra per  
dita sunt bonis  
vel multis spectantibus



# DE NOBILITATE CIVILI.

rum munus, hominum mores, fortunę ludibria, et communis uitę conditionem, quasi quodam penicillo, uersibus uere et eleganter imitari. Quid in uita sit illustre, quid obscurum, quid honestum, & graue, quid turpe & flagitiosum, quid expectandum, quid uę fugiendum, sententiarum lineis, & orationis coloribus depingere, & illustrare. Qui munus istud susceperit, & susceptum ita præstiterit, ut ad naturę similitudinem proxime accedat: hunc non mendacio condemnari, sed uerum dici, & haberi est ualde consentaneum. Quis autem est tam sine mente, ut cū legat ulissis errores, uar. os casus et ancipites, naufragia sexcenta, adde charibdis immensam illam uoraginem, & Rabiem Scyllęam, Antiphatem præterea, et Polyphemum, quis inquam est adeo excors, ut cum ista legat, arbitretur, ea sic ab Homero in scriptis relictā, quasi id fieri potuisse defenderei? Illud tamen diuinum ingenium docti omnes admirantur: à quo tam uere uirtutis uis & ratio expressa est: quę nullis unquam fluctibus obrui, nullis blandimentis potuerit ab instituto cursu reuocari: nullis periculis animo frangi, aut debilitari potuerit. Sic in Achille uirtutis militaris effigiem intuetur: in Nestore autem uinum sapientię simulacrum. Hęc autem non subtili, & spinosa oratione persecutus est: quę



quæ legentibus satietatem attulisset, quod est à philosophis facilitatum: sed incredibili potius atq; diuina dicendi uenustate, quo facilius homines ad studium uirtutis alliceret. Quis igitur Homerum mendacij insimulare poterit, cum tam uere, cumulateq; præstiterit eam fidem, quæ erat ab illo requirêda? Cum igitur illius testimonio utimur, id facere uidemur, ut hominis diuina mentis acie cuncta perspicientis, auctoritatem sequamur. Non quidem ut res omnino sic gestas esse, perinde, ac ab illo scripta sunt arbitremur: sed eos propemodum fuisse hominum mores, ea gentium instituta, eam rerum uim, & naturam, & reliqua deniq; omnia, quemadmodum sunt illius monumentis illustrata. Sic igitur (ut me iam ad nobilitatis rationem referam) cum Achillem Thetide procreatum, Aurora Memnonem, Ioue Sarpedona scribit: id illum sic arbitratum fuisse, & eadem opinione uniuersos illius etatis homines imbutos esse credimus, ut uiros maximos, non nisi diuino consilio ortos, & quasi diuino semine susceptos esse putarent. Hæc autem opinio effecit, ut Theseus Neptuni filius haberetur: Romulus item Martis. Alexander autem magnus se multis post ætatibus Iouis filium dici concupiuit: quod etiam de Scipione africano existimatum est.

Fuit



DE NOBILITATE CIVILI.

Fuit enim de illo uitro, rumore quodam uanissimo dissipatum, quod prius in Alexandro magno uulgatum fuerat. Nempe, anguem immanem per sæpe uisum in matris cubiculo: eumq; hominum interuentu repente ex omnium oculis elapsum: neq; postea usquam comparuisse. Inde consecuta est opinio eiusmodi, anguis illius cōcubitu, scipionis matrem gravidam esse factam. Impudens inquit mendacium. Quis quæso est tam ingarus omnium disciplinarum, aut christiænæ pietatis expertus, ut ista uera esse in animum inducat? Verum istud mendacium ab ea opinione minime falsa natum est, quæ magnam uirtutem, et excelsam, magnis & claris natalibus assignat. Hinc iam facile potest perspicui, quanto in honore fuerit apud priscos illos homines inclitum genus & excellens. Et merito quidem. Nam si quid in illa ætate extitit præclare gestum, dignumq; memoria sempiterna: ut plurimum ab hoc ordine gestum est: quod satis est manifestum uetera scripta memoria repetenti. Quis nescit heraclidarum gentem ita magnitudine animi præstitisse, ut pelopidarum potentiam copijs exiguis fregerit, & rebus atticijs in ultimum discrimen adductis sæpe lucem attulerit? Tantumq; ualuit opinio nobilitatis, ut qui se uideret ab illis adiutos, non humanis opibus, sed deorum numine se conseruatos



seruatos existimarent. Quid hic perseidas referam?  
Quid Aeacidarum res immortalitate dignissimas?  
Iam si te Athenas animo conuerteris, ut res memorabiles uideas, quæ ab illa ciuitate gestæ sunt: omnes maxima ex parte uidebis, à uiris maximo genere ortis, & maiorum gloria concitatis editas esse. Vt enim reges præteream, quos singulari uirtute fuisse constat, certe clisthenes qui tyrannidis delendæ princeps extitit, Miltiades, Cymon, Themistocles, & huius gentilis Pericles, & multi præterea quos infinitum esset recensere, à quibus tam multa sunt suscepta facinora, tum contra Barbaros, tum etiam aduersum Græcos, omnes isti ferme in amplissima familia nati sunt. Idem etiam apud Thebanos, & spartiatas, et innumerabiles alias nationes accidisse comperies. Sed liquamus hæc aliena: & ad nostra ueniamus. Si animum ad sacras literas adieceris, quātum ibi nobilitatis testimonium, & discrimen generis inspicias? Vt enim reliquos omittamus, constat eos, qui à Iuda procreati erant, inter omnes Hebræi generis homines, splendore uirtutis, atq; nobilitatis excelluisse. Qui quidē, iam inde ab eo tempore, quo fuerunt ab egyptiorum impotenti dominatu, in libertatem uindicati, magnam multis in locis uirtutis egregiæ significationem dederunt. E quibus admodum

c

dum



DE NOBILITATE CIVILI.

dum pauca referam. Cum rex ægypti multis iniurijs  
 Hebræos laceraret: nec illos ulla conditione missos  
 facere uellet, ut erat à deo iussus: immo quotidie magis  
 gentem affligeret: tandem meritis impietatis poenas  
 persoluit: apparuitq; Dei optimi maximi numen. Pri-  
 mum igitur agri deuastati: omnesq; fruges teterrima  
 clade consumptæ: deinde per diuinæ seueritatis mini-  
 stros cædes fieri ceptæ sunt, et innumere strages æditæ.  
 Postremo Rex tantis malis edoctus, ut uidebatur,  
 gentem ut iret sacrificatum dimisit. Hebræi igitur inde  
 digressi, cum castra ad rubrum mare posuissent, inopi-  
 natum malum sibi intendi animaduertunt. Nam cum  
 primum illi Aegypti finibus excessere: poenituit re-  
 gem consilij, quo fecerat illis abscondi potestatem.  
 Cumq; insita animo superbia, in instituta animi impie-  
 tate permaneret: eos quos tam multis prodigijs coele-  
 sti præsidio septos esse cognouerat, bello persequendos  
 statuit. Furor namq; sceleris agitatus: haud potuit  
 uidere malam sibi pestem esse comparatam. Magnum  
 igitur equitatum, magnum peditatum parat: quantas  
 maximas potest copias educit: incredibili celeritate  
 Hebræorum agmina consequitur. Ibi Moses cum dei  
 pacem exposceret, et opem tantis malis imploraret: uir-  
 ga illa, quæ diuinæ uirtutis significationem habebat: et  
 quam



quam semper in manu gestabat: fretum uerberat: & in medio mari uiam aperit. Aqua enim imperio numinis obediens, sic ex utraq; parte in ~~mare~~ mari constitit, ut medio interiecto spatio, securum, & facilem transitum præberet. Tantus autem terror, (ut quibusdam Iudeorum scriptis memoriæ traditum est: ) in sacris enim literis, nulla sit de hac re mentio: tradunt igitur, tantum terrorem hebræos oppressisse, ut neq; tam presenti ope numinis ostensa, se cōmittere aquis auderent. Afferunt autem, tunc eorū qui à Iuda orti erāt ualde uirtutem enituisse: nec ullam morā interposuisse, quin Moſis uestigijs, animo magno ingressi, reliquos omnes adsequendum excitarent. Quid autem post illam insignem cladem, qua rex impius, dum acerbissimo imbutus odio, nefarioq; scelere, occēcatus in mediū mare præcepſit, cum uniuerso exercitu deletus est? Nunquid nō in omni genere laudis, hæc gens egregie præter ceteras uersata est? Inde constitutū fuit, ut inter duodecim principes (singuli enim à singulis tribubus rectores deligebantur) Primus haberetur, qui esset ex Iudæ stirpe generatus: hic primus agmē ducebat: primus uota faciebat: primus inimolabat: huius imperiū, et auctoritatem reliqui sequebātur. Vnde plane colligitur, Moſem uerē nobilitatis rationē duxisse, cū sic statuit, ut certę gēti, honores



DE NOBILITATE CIVILI.

amplissimi mandarentur. Ab hac familia ortus est  
 Caleb: qui sibi primo gloriā ingentem peperit, cum  
 orationi ~~impissime~~ aduersatus est eorum, qui de redi-  
 tu in Aegyptum cogitabant. fatiusq; esse dicebant,  
 ægyptiorum contumelias, atq; superbum dominatum  
 pati: quā uitam in armorum discrimen adducere.  
 Hic Caleb suæ uirtutis, atq; constātia lumen osten-  
 dit: magnis clamoribus id agens, ut hominum spem, eo  
 genere orationis fractam, & debilitatam excitaret:  
 eosq; ad prælium incenderet. Vbi parum abfuit, quin  
 ab impia, & formidosa concione fuisset indignissimo  
 cruciatu laceratus. Hic etiam sub Iosue, cum esset na-  
 tus annos octuaginta quinq; ita se gessit: ut nemo fue-  
 rit illo, uel manu promptior, uel imperatorijs artibus  
 instructior. Qui ne filiam quidem forma excellentem,  
 nuptui dare uoluit, nisi ei qui facinus aliquod egregium  
 suscepisset. Negauit enim se filiam ulla conditione de-  
 sponsurum, nisi illi, qui ciuitatem quandam hostium  
 munitissimam pugnando cœpisset: & cœpit eam filius  
 fratris ipsius Calebi. Vnde perspicuum est, uirtutem  
 cum uera nobilitate plerumq; consociatam esse. Gene-  
 rum uir ille maximus non genere, sed uirtute præstan-  
 tem, sibi deligendum prudenter existimauit. Nam  
 gentis nomen & dignitas non aliunde quā a uirtutis  
 laude



laude profecta est. Id tamen euenit, ut uirtutis splendor à gentis claritate non discederet: nec alius propius accederet ad uirtutē Calebi, quàm is, qui communione sanguinis erat, illi coniunctissimus. Quid post mortem Iosue? Non fuit Dei optimi maximi iussu, omnis cura belli, & gentis imperium Iudaicę tribui delegatum? ætas me deficeret, si uellē omnes huius stirpis uiros egregios recensere. Quod si uera est ea descriptio nobilitatis, à nobis explicata, minime dubium est, quin fuerit ea gens perfectam rationem nobilitatis assecuta. Inde enim belli duces innumerabiles extiterunt: inde uiri singulari sapientia, et æquitatis laude præditi exorti sunt: inde permulti Reges regio nomine longe dignissimi: atq; ut de reliquis sileam, sanctissimus & fortissimus Dauid rex inde natus fuit, unicum pietatis atq; uirtutis exemplum. Deniq; propter uirtutis excellentiam, mansit in ista familia regnum, quamdiu res Iudeorum steterunt. Vt autem ista prisca mittamus, certe constat, in sanctissimis illis monumentis, quibus Christi optimi maximi gesta consignata sunt, aliquam duci etiam nobilitatis rationem: cum in congressu alicuius, sit istius celebritatis mentio: quasi ad ornamentum etus, cum quo sermo suscipitur, pertinere uideatur. Vcluti cum coelestis ille nuncius inquit, Ioseph fili Da-

c iij uidis,



DE NOBILITATE CIVILI

vidis, noli timere: & rursus illud, Iesu fili Davidis, miserere nostritatem paulus ad Romanos, cum utriusque naturæ splendorem, & dignitatem in Christo celebraret: eum secundum conditionem humani generis, atque seminis, à Davide Rege procreatum esse commemorat. Paucissima ex infinitis decerpsi, dum brevitati studeo. Ex ijs tamen paucis liquido perspicere potest, hanc generis claritatem, & hoc gentis discrimen, divinis etiam scriptis probari.

**I**am quantum fuit in nobis, vim et originem nobilitatis explicavimus, eius ortum ab illa naturali indole repetentes maximis animis innata, quæ quidem si excutitur, & temporis etiam vetustate confirmetur, perficit illum universi generis splendorem, & claritatem. Mirum est enim, ut de hoc etiam aliquid dicamus, quantum dignitatis adiungat etiam nobilitati, temporis antiquitas: nempe, quæ rebus omnibus hominum memoriæ commendatis, maiestatem constituat incredibilem. Fiunt enim quodammodo, ea quæ à præsentī memoria semota sunt, ipsa vetustate sanctiora: ita ut maius quiddam de illis suspicemur, quam quantum nostræ ætatis homines, omni studio possint imitari. Hinc exitit illa scriptorum monumentis celebrata contentio, inter varias gentes, atque nationes concitata: dum aliæ  
se ante



se ante omnes mortales in lucem editas esse contendere: alie rursus eam antiquitatis gloriam ad se traducere niterentur. Aegyptij solis Phrigibus antiquitatis laudem ingenue concedebant: aliorum autem hominum se longe uetustissimos esse iactabant. Arcades autem ad fabulas usq; progressi sunt, se ante lunam natos esse confirmantes. Quid de Atheniensibus dicam? Qui quidem tantum sibi hac uetustatis laude tribuebāt, ut uel eo solum nomine, se in Græcia principatum obtinere putarent. Nam cum aliorum Græcorum primordia, uel literarum beneficio, uel monumētis aliquot fuissent memorię mādāta: solum Atheniense nomen extitit, cuius principium, & origo, nullis uestigijs indagari potuisset. Inde cum seipsos omni memoria antiquiores esse cernerent: in eam opinionem descenderunt, ut se non aliunde dilapsos, sed ex attica terra principio genitos: nec ex uaria hominum colluione, unum in locum confluxisse: sed eandem semper regionem coluisse putarent. Ob idq; reticulo, quodam, aureis cicadis distincto caput ornabant: ut ostenderent, se instar cicadarum, ē terra quā incolerent, fuisse generatos. Vnde etiam *ἑρπυγίδες* dicti sunt. Duplici itaq; nomine sibi placebant: tum quod nihil in maioribus suis, uel Barbarum,

c iij      uel



# DE NOBILITATE CIVILI.

uel peregrinum agnoscerent: tum etiam quod antiquitate, reliquis Græciæ gentibus anteirent. Hoc in familijs etiam magnam uim habere cernimus, ut in contentione nobilitatis, magni interesse uideatur, utra sit antiquior. Videtur enim rationi consentaneum, ut illæ maxime illustres habeantur, quæ plurimis annis ita se gesserūt, ut decoris, atq; dignitatis possessionem, uirtute perpetua tuerentur. Inde fit, ut generis nouitatem contemni plerunq; uideamus. Fit hoc quidem à multis, insolenti quodam fastidio, atq; superbia non ferenda: non tamen omnino sine ratione fit. Nouitas enim, quantumuis sit omnibus rebus ornata, non habet tamen illam ætatis caniciem, cui præcipuum honorem tribuendum putant. Perinde enim ac in singulis hominibus habet auctoritatem senectus: sic in nobilitate, claræ gentis antiquitas. In qua tamen opinione, sunt aliqui fines, & termini constituendi. Quemadmodum enim summa senectus mentis uim, atq; consilium debilitat, & affert interitum dignitatis: sic etiam nobilitatis splendor augetur mediocri uetustate: extrema uero senecta conficitur. Quod quidem ut accidere soleat, inferius, explanabimus: nunc uero quod in stat persequamur.

Cum



**C**um iam multa, & præclara nobilitatis ornamenta cõplexi oratione simus: illud nunc consyderatione dignum uidetur, sit ne plebi cõmodum, nobilitatis imperio gubernari. Iniquum enim multis esse uidetur, cum omnes homines ad libertatẽ nati sint, hanc ita abijcere, ut non suo arbitrio uiuant: sed aliorum auctoritatem & nutum sequantur: presertim cum permultos eorũ, quos uulgo nobiles appellat, nimis insolenter honoribus usos, et dominandi cupiditate præcipites ad omne facinus uehementer incitados esse uideamus. Vt autẽ id melius explicari ualeat, uidendum est, non tam quid singulis hominibus, præsentem afferat utilitatem: quàm quid ad uniuersitatem conseruandam, & in longum tempus propagandam, sit accõmodatius. Id enim quod ciuitatis uniuersæ salutem constituet: & plebĩ etiam fortunas, & commoda tuebitur. Nec enim ubi uniuersus reipub. status corruat, potest sanitas in aliqua reip. parte permanere. Sin autẽ aliquis incolumi reip. fuerit uehementer oppressus: poterit certe multo facilius, quàm in communi omnium rerum perniciẽ, in pristinas fortunas restitui. Vt autẽ id apertius inspiciamus, par est, in exempla ciuitatum earum intueri, quæ omnium ferme opinione, præstantissimæ sunt existimate. Athenæ post Codri Regis mortem, fuerunt optimis



## DEN O B I L I T A T E C I V I L I .

optimis legibus, atq; moribus à Solone constitutis: qui tamen in hoc, à multis excellētib; ingenio atq; doctrina uiris, reprehenditur, quod popularem reip. statum instituerit: & libertatem plus nimio parem effecerit. Itaq; status ille propriam imbecillitatem indicauit: cum intra finem anni quadragesimi, plebis temeritate conuulsus, Pysistrati tyrannidem perpeffus est. Postquam uero sublati tyrannis, ciuitas in pristinam libertatem redijt, aliquot annos in Græcia, & magna Asiæ parte, rerum potita est. Quod tamen imperium non ita diu tueri potuit, ambitione quorundam, qui se populares esse, & haberi cupiebant. Inter quos enumeratur Pericles. Qui quidem licet fuerit in dicendo admirabilis, & imperatorijs artibus instructissimus: non uidit tamen, quantum mali patriæ moliretur, cum plebem principibus æquaret: & hoc modo miscendo infima summis, auctoritatē Arcopagi imminueret. Nec enim est aliud uulgus & multitudinem principibus libertate pares efficere, quàm effrenatæ cupiditati, ad perniciem arma largiri. Vide autem qui casus sint illam ciuitatem consecuti, posteaquam ad arbitrium libidinemq; plebis, omnia administrari cæpere. Primo quidem omnibus spectatis hominibus, qui remp. conseruant, & auxerant, pestis & exitium per obscuros  
& fla-



Et flagitiosos homines afferebatur. Nec enim fuit unquam Athenis, post illam reip. formam, uir aliquis ad laudem insignis, qui non inuidia tandem ingrata patriæ conflagaret. Multi bonis omnibus euerſi sunt: multi in exilium eiekti: multi etiã morte multati: quorum uirtute, fuerat Athenienſi populo, ſalus et gloria quaſita. Hoc iam certe non mediocre malum eſt exiſtimandum, nudari uidelicet urbem optimorum præſidijs: et nobilium induſtriam, qui ſuorum exemplo ad patriam iuuandam inflammati fortaſſe erant, infringere. Ergo cum bonorũ autoritas concidiſſet: et populi uſ nuncq̃ conſilio, et ratione, ſed impetu ſemper, et dementiſſima temeritate duceretur: nullum tãtum malum excogitari potuit, quod non fuerit in illius reip. calamitate. Nam cum Athenę maximo, periculoſiſſimoq̃ bello fuiſſent implicatae: omnisq̃ Græcia in ciuitatis illius perniciẽ conſpirਾſſet: populi cupiditate, atq̃ furore factum eſt, ut eodem tẽpore, aliud bellum nõ minus graue contra Syçiliã ſuſciperet, Nicia cõtradicante, et omnibus bonis reclamantibus. Merito igitur in illa luctuoliſſima ſyracusarum oppugnatione, nõ modo imperij, ſed etiã fortunarum omnium naufragium fecerunt: et in grauiſſimos atq̃ acerbifſimos luçtus incederũt: atq̃ tandem domeſticis ſeditionibus agitate, et innumeris cladibus affliſte



# DE NOBILITATE CIVILI.

afflicte, libertatē misere perdidērunt. Postquam uerō triginta tyranni reipub. dominatione semoti sunt: quid aliud collectas reip. reliquias dissipauit, nisi plebis cupiditas, & licentia? quæ nullis iam legibus poterat, ad communiū rerum curā, et studium impelli. Immo cum unicuiq; ciuium licuisset, de publico summere, quod in priuatos usus conuerteret: omnes ab industria, ad desidiā uocati, & ad theatra atq; fabulas conuersi, & reliquas uoluptates, quæ uirtutis neruos incidūt, omnem attici decoris, & antiquæ dignitatīs memoriā deposuerunt. Itaq; nō multis post annis, gens illa quæ innumerabiles persarum exercitus fudisset: quæ tantas res gessisset: quæ Græciæ imperio potita esset: armis macedonum, quorum nomen sane obscurum ad id tēpus fuerat, oppressa est: omnesq; imperij opes de manibus elapsæ sunt. Huius autē calamitatis principiū non aliunde natum est, quā ab illa plebīs petulantia, et improbitate. Apud spartiatas autem (ut de his etiā aliquid dicamus) Reges et Principes multa memorabilia, tum domesticis in rebus, tū uel maxime in bellicis effecerūt, et reip. salutaria, et immortalitate dignissima. Ephori autem (qui quidē magistratus erat ē plebe) cōtra, dum omnia priuata utilitate metiuntur, mala quamplurima ciuib; suis inuexerunt: et teterrimā patrię perniciem machinati



machinati sunt. Nec est enim aliud leges, quibus publica certe salus continetur, labefactore, & infringere, quam uniuersam rempub. iugulare. Cum autem Lycurgus aniuersos ciues ad industriam, uirtutem, & morum seueritatē sanctissimis legibus instruxisset: Ephori multis post annis, quæ stus & uoluptatis gratia, quæ duæ sunt maximæ omnium rerumpub. pestes, inclitas illas leges sustulerunt. Quo facto, spartana illa uirtus subito extincta est. Cum uero Reges aliqui uoluissent Lycurgi leges cōstituere, ciuiumq; mores in antiquam disciplinam reuocare, fuerunt ab Ephoris indignissime trucidati. Ita factum est, ut ciuitas illa, quæ Heraclidarum ductu, & auspicio, optimatumq; sapientia, tam multos annos imperium habuerat, & incredibili uirtute atq; fide græciæ libertatem defenderat, insanæ plebis opera crudeli tyrannorū dominatu premeretur.

**Q**uid autem hic Romanos commemorem? cum illud inter omnes cōstet, non ob aliud fuisse Romanam remp. funditus euersam, quam propter temeritatem multitudinis, in nobilitatem concitæ: itaq; imperiū illud, quod per Reges primo, deinde per optimates & principes partum & amplificatum erat, breui fuit uulgi furore & amentia dissipatum. Cum enim plebis cupiditas ita creuisset, ut nulla ratione, aut metu coherceri



# DE NOBILITATE CIVILI.

ceri posset, et turbulentis hominum popularium orationibus, ad spem ingentis praeda fuisset uehementer excitata: non dubitabat, dum auaritiam expleret suam, omnia iura diuina, humanaq; uiolare. Inde illae tribunitiae seditiones, & agrariae legis actiones, non sine magno reip. malo à tribunis agitatae: donec ad gracchos uentum est: à quibus est natum principium omnium calamitatum, quae postea remp. consecutae sunt. Eiusmodi enim seditiones, consequentia quadam, exceperunt mariana tempora: quae cum per se satis grauias, & luctuosas reip. fuissent: tum etiam ad erumnas sexcentas, atq; tandem ad Caesaris dominationem uiam munierunt. Vides igitur Athenas, Spartam, Romam, à principibus conditas, constitutas, & conseruatas fuisse: à multitudine uero, uexatas, direptas, & funditus excisas. Nec id in ijs dumtaxat ciuitatibus accidisse cõperies, sed in omnibus ferme alijs. Vt enim quisq; status maxime à plebis arbitrio seiunctus est, ita uidebis eum maxime stabilem, atq; diuturnum. Inde fit ut popularis status facillime conuellatur: & uix hominis aetatem duret: optimatum uero potestas diutissime permaneat: regnum autem, immutabile propemodum, atq; perenne sit. Hic aliquis fortasse, mihi Alcidiadem, & Critiam, obijciat, qui exitium & uastitatem patriae intulerunt:



tulerunt: aut Pausaniam, qui nefaria consilia proden-  
 dae totius Græciæ suscepit: aut Syllam, & Cæsarem,  
 & alios præterea innumerabiles, genere quidem illos,  
 & industria excellentes, ita tamen cupiditate princi-  
 patus incensos, ut suorum ciuium libertatem armis oppri-  
 mere minime dubitarent. Fateor equidem, mala quam-  
 plurima fuisse per uiros egregios rebus publicis impor-  
 tata. Nec enim semper illa animi elatio, quæ in clari-  
 tate generis elucet, est cum uirtutibus æquitatis, et con-  
 tinentiæ consociata. Id tamen defendo, nullam unquam  
 ciuitatem fuisse ab humili plebe rite cõstitutam. Ani-  
 mus enim generosus, et excelsus, habet arma, quibus pos-  
 sit et tueri, et uiolare remp. nempe ingeniũ, industriam,  
 & fortitudinem. Contra plebs, ut plurimum est temera-  
 ria, et improuida, animiq; nimis abiecti, atq; demissi. Po-  
 test igitur temeritate, et furore patriam labefactare:  
 non tamen unquam incolumem conseruare, neq; colla-  
 psam in pristinam dignitatem restituerè potest. Vnde  
 perspicuũ est, quam male sit ijs ciuitatibus consultum, in  
 quibus, claris hominibus infimi præferuntur. Cum uero  
 id acciderit, ut nobilitas omnibus uerè nobilitatis orna-  
 mentis redundet: neq; solum altitudine animi impellatur  
 ad res gerendas: sed multo etiam magis in iustitiæ atq;  
 temperantiæ studio uersetur: et omnem operam, curam  
 & dili-

B.

residuas  
dey otisvici  
vici  
fortitudo



# DE NOBILITATE CIVILI.

Et diligentiam, ponat in suorum ciuium salute, atq; li-  
 bertate tuenda: Et ut uno uerbo dicam, omnibus ger-  
 manæ nobilitatis officijs summa ope perfungatur:  
 Quis erit tunc ita profligatus, atq; perditus, qui eius  
 imperium repudiet? Quis non potius illud uniuersis  
 ciuibus, omnibus modis expetendum existimet? Nam  
 si quisquam est, qui nullo modo putet utile, uitam ad  
 alicuius quātumuis moderati, atq; prudētis arbitrium  
 instituere, Et conformare: is non libertatem obtine-  
 re, sed omnium flagitiorum licentiam consequi cu-  
 pit: omnemq; uiuendi rationem scelere suo perturbare.  
 Nec est enim quicquam in uniuerso genere rerum, quod  
 sit ad naturæ ordinem accommodatius, quàm leges Et  
 imperium: sine quibus, neq; domus, neq; ciuitas, neq; na-  
 tio ulla stare diutius potest. Attamen grauissimum  
 inquit, est seruire. Equidem is sum, qui seruitutem ex-  
 tremum omnium malorum esse arbuter: sed aliud est  
 seruire: aliud parere. Quemadmodum enim inter do-  
 minum et rectorem plurimum interest (Rector enim  
 in salutem eorum quos regit intuetur: dominus autem  
 omnia ad suam utilitatem refert) sic etiam liberi ho-  
 minis abedientia, Et obsequium plurimum à seruitute  
 distat. Seruitus enim ea est, qua mancipia suo arbitrio  
 prorsus carentia heri nutum sequuntur: neq; suam sed  
 unius

Rex f. de 1620  
 1620.

. 46 .



unius domini uoluntatem inuiti respiciunt. Liberi autem hominis officium est, ijs uelle parere, qui ualent ingenio & industria: & quibus intelligit esse curam salutis communis antiquissimam. Vt igitur egrotus medico minime seruit, sed sua sponte obtemperat, quia id sibi salutare iudicat: ut uector gubernatori: ut miles imperatori: sic etiam munus incorruptæ multitudinis esse debet, ad ueræ nobilitatis imperium uoluntatem suam applicare. Plebs enim, neq; quid in commune statuat, neq; quid sibi conueniat, ingenij tarditate potest explicare: contra uero excelsus animus, non tantum præsentia comprehendit, sed etiam impendentia multo ante prospicit: & ad omnia mala præcauenda, summam adhibet diligentiam. Deinde cum plebs non sentiat ullam gloriæ suauitatem: nisi legibus & imperio refrenetur, omni studio lucri sordes, atq; flagitia consecratur, & ad pericula pro patria subeunda mollis, & languida est. Contra nobilitas sola cupiditate gloriæ, & laudis incensa, turpitudinem ipsam omnibus malis peius odit: & libentissime pro republica, res magnas suscipit. Quod sapienter Homerus (cuius autoritate sæpe & libenter utor) multis in locis ostendit. Sic enim inducit Reges uario  
 d sermone



# DE NOBILITATE CIVILI.

sermone Græcos adhortantem, ut heroas et principes, laudis & dignitatis commemoratione, ad certamen acuat: multitudini uerò, si metu mortis abscedat à pugna, uitæ cruciatum, atq; necem denunciet. *U*rgitur equi uirtus, tum maxime elucet, cum prudentis equitis arbitrio gubernatur: ut animum tum rectissime constitutum arbitramur, cum uoluntas rationis dicto obediens est: ut familiam tum demum saluam, et incolumem fore putamus, cum diligentis patris familie imperium sequitur: sic plebis salutem tum constitui, atq; confirmari existimandum est, cum sui regendi arbitrium, atq; tanquam habenas, uerq; nobilitati tradiderit.



## LIBER SECVN-

## DV S.



Væ sit uis, & ratio nobilitatis: & quem-  
admodum ab ingenij diuinitate, uirtutisq;  
præstantia nata & alta summos honores  
consecuta est: & opinionem attulit anti-  
quitati, genus clarum esse cum dijs sanguine, & affini-  
tate deuinctum: quantis deniq; gloriæ ornamentis, atq;  
præsidij, in omnibus bene constitutis nationibus re-  
dundauerit: non modo fabulis, & exemplis ex omni me-  
moriam repetitis, sed etiam sacrarum literarum testimo-  
nio cōfirmauimus. Deinde cum essemus oratione per-  
secuti, quantum etiam conferat ad dignitatem generis  
uetusas: demonstrauimus postremo, homines uere nobi-  
les ad imperandum non solum natos esse: sed etiam ple-  
bem ipsam, tum demum pace, firmissimoq; presidio mu-  
niri posse, cum omnia sunt in clarorum hominum pote-  
state. Sed quoniam nihil est in hac uita firmum, stabile  
& diuturnum: sed omnia sunt fluxa, caduca, & fra-  
gilia: fieri non potest, ut hoc generis ornamentum in  
perpetuum permaneat. Est itaq; nobilitas mortalis: ut  
sunt pleraq; bona mortalium. Perinde igitur ut alia-  
rum rerum, sic etiam nobilitatis est quidam flos, & iu-

d ij uenta



# DE NOBILITATE CIVILI.

uenta: quàm deinde maturior ætas excipit: & senium deinde consequitur: mors postremo sic occupat, ut ne uestigium quidem ullum appareat priscæ nobilitatis. Alias itaq; familias uidemus ad laudem excitari, & incendi, quæ prius ignotæ fuerant: alias maiorum gloriam uix tueri: alias magis, magisq; labi: deinde præcipientes ad imma deuolui: postremo sempiterna obliuione deleri. Quod Glaucus Homericus Diomedis his uersibus significat.

Quid genus inquiris Danaum fortissime nostrum?

Nam genus humanum est folijs par, tempore uerno.

Hæc nunc fundit bumi auræ lenis sibilus: illa

Sylua uirens nutrit, renouat dum frondis honorem.

Sic genus humanum uiget hoc nunc: excidit illud.

Ecquod modo uestigium intueri possumus antiquarum familiarum? Omnes Iulij, Fabij, Pauli, Metellij, Scipiones, una cum fortuna populi Romani ita sepulti sunt, ut si aliquis existat, qui se ab illis ortum asseueret, perinde irridetur, atq; si Pythagoræ somnium defendat. Post illa uero gentium nomina, quæ supra memorauimus, alia multa floruerunt, et interierunt: alia rursus extiterunt, quæ nunc iam omnino deleta et extincta iacent. Id autem duplici de causa solet accidere. Prima est naturæ conditio, qua sic comparatum est, ut



est, ut nihil insit in rebus humanis constans, et perpetuum: sed omnia ut paulo superius exposui, infirmitatis, & imbecillitatis plenissima; ita ut uel fortunæ telis in medio cursu obruatur: uel certe senio confecta, tandem interitu consumantur. Deinde uitia sunt in causa persæpe, ut illud gentis lumen longe citius, quam postulet ipsius naturæ cursus, extinguatur: ut illis accidere uidemus, qui uino, & lustris obruunt corporis ualeitudinem, et immodica luxuria, quasi quodam exitiali ueneno, mortem sibi ipsis consciscunt. Quo circa, non alienum erit percurrere, quibus artibus nobilitas ipsa comparetur: sic enim erit facillimum intueri, quibus uitij amittatur. Sed iam uereor, ne sit hæc nostra disputatio, plurimum reprehensionis habitura, quod prima specie sibi non consentiat: propterea quod statuere principio uidebamur, neminem esse nobilem, nisi qui fuisset illustri genere susceptus. Quod si uerum est, nec is qui est infimo loco natus ad nobilitatis splendorem aspirare poterit: nec qui amplissimo, nobilitatem sibi comparabit: sed à maioribus traditam omni cura tuebitur. Hæc sunt quibus adductus aliquis, fortasse orationem nostram inconstantia nomine uituperabit. Ego uero is nullo modo sum, qui eos tantum ad uirtutem natos esse credam, quos uulgo no-

d iij      biles



## DE NOBILITATE CIVILI.

biles appellant: cum sit omnibus ad laudem cursus aper-  
tus, qui res magnas, & magnopere expetendas con-  
cupierunt. Id tamen differui, plurimum instrumenti  
nobilitatem habere, ad dignitatem: cuius tamen omnis  
ratio est à uirtute petenda. Quemadmodum enim in se-  
mine, causam esse scimus stirpium, atque arborum: sic etiam  
maiorum satum, ingenerari plerumque posteris egregie  
cuiusdam uirtutis indolem suspicamur: quæ tamen tunc  
demum apparet, cum optimis studiis, & exercitationi-  
bus exculta est. Cum autem generis splendorem ob id  
dicimus amplectendum esse, quod in eo frequenter uir-  
tus emineat: ipsam certe uirtutem, unicam nobilitatis  
effectricem, singulari studio colendam arbitramur: quæ  
tamen interdum à nobilitate deseri, ab hominibus nulla  
maiorum commendatione notis, magnâ cōtentione suscipi  
uidemus. Nec enim semper uerum est, in nasci nobilitati,  
illam animi elationem, qua qui præditi sunt, in laudis stu-  
dium ardentius incitari solent: neque id nos confirmare uo-  
luimus: sed id quod frequentius euenit, in disputatione  
nostra ponendum esse duximus. Virtus tamen à nobili-  
tate, splendore uirtus illustrata, hac ratione differt: quod  
uirtutis laus in singulis cernitur hominibus: nobilitas au-  
tem, uniuersam gentem amplectitur. Poterit igitur aliquis  
homo nouus existere, omni uirtute cumulatus, qui ita  
uersetur.



uerfetur in studio dignitatis, ut inter omnes excellat: quia tamen in ea gente primus numeratur, non erit in numero nobilium. Postquam uerò in ea familia, multi exemplis illius incitati, in gloriæ cupiditatem incubuerint: tum demum elucere incipiet, illud nobilitatis eximie lumen. Primus igitur, generosus, & magnificus, non tamen nobilis appellari solet: ut sit ea omnino differentia, quæ est apud Græcos inter *ἐὺν* & *ἀγαθόν*. Hoc enim ad animi præstantiam refertur: illud ad familiæ celebritatem. Vt igitur unum, non numerum, sed numeri principium dicimus: sic illum primum, omnibus summis honoribus dignissimum, non nobilem, sed autorem, & principem nobilitatis existimamus: quod nomen haud equidem scio, an sit longe multumq; præstantius. Quare perspicuum est, neq; id falsum esse, quod antea fuit à nobis constitutum: & quod modo explicare ingredimur, esse uerissimum. Nam ille uir magnus, qui primus ingenium suum ad gloriæ studium adiunxit: quamuis non appelletur uulgo nobilis: cum tamen ingentem laudem sit adeptus: & uirtutis insignia posteritati relinquat: uidetur sane præclare iecisse fundamenta nobilitatis, atq; uirtute sua omnem posteritatem illustrasse. Restat igitur ut uideamus

d iij quibus



## DE NOBILITATE CIVILI

quibus artibus, hoc generis ornamentum, ab illo principe generis comparetur. *Is* certe, ut brevissime dicam, quibus conseruatur. Est autem dictum, nobilitatem esse genus maximis uirtutibus excultū. Eas autem uirtutes, autore uiro doctissimo *Aristotele*, maximas appello, quæ se ad ciuilem statum, et hominum salutem accommodant: & quibus societas hominum, & uitæ quasi communitas continetur. Qui autem institutis domesticis, & optimis moribus institutus est: is bonus uir rite haberi solet, nondum tamen sibi, ijs artibus, egregiæ dignitatis laudem pariet: si eas non contulerit, in communis uitæ societatem. Si enim tantum nostra ipsorum causa nati essemus, satis esset ad summam dignitatem, nostros animos recte componere: & familiæ nostræ prospicere. Cum autem natura nos ad reliquos homines iuuandos impellat, & exsuscitat: is uidetur munus sibi delegatum omni ex parte præstirisse, cuius studium erga remp. magnis in rebus perspectum fuerit. Non quidem, ut illa boni uiri uirtus sit nullo modo contemnenda: nam si non tota, aliqua certe reip. pars, nempe illius domus, & familia eius consilio conseruatur. Sed cum intra domesticos, parietes continetur: neq; sese ulterius effundit, haud uidetur illis, amplissimis honoribus ualde digna, qui tribunn-

tur illis;



tur illis, quorum uirtus latissime patet: & rempublicam uniuersam amplectitur. Nec enim unquam tanta fuisset hominum consensio, ad paucorum uirtutem diuinis laudibus ornandam, nisi cernerent uniuersi, se illius opera fuisse magnis in rebus adiutos. Ergo civili tantum disciplina, ad istam nominis claritatem perueniri poterit.

**H**uius autem disciplinæ præcipua quidem pars inest iustitia, in qua uirtutis maximus splendor inest. Eius enim admiratione, commoti initio mortales omnes opes certis hominibus detulerunt. Sic enim, cum de iustitia quæritur, disputari solet: fuisse quoddam tempus, cum genus humanum uitam in syluis, & agris nullo certo more traducebat: nullam colebat religionem: nullum humanitatis officium tuebatur. Nihil denique ratio, uel disciplina, sed plerumque uis, & furens animi impetus administrabat. Cum igitur latrocinia, atque cædes infinitæ fierent: & ij qui uiribus plus ualebant, affligerent imbecilliores: essetque omnis uita malis innumeris circumuenta: omnes ij, qui iniuriam acceperant grauiorem, confugiebant ad præsidium alicuius præstantis ingenio uiri: in quo lumem æquitatis elucere perspexerant. Is cum miseros et supplices in suam fidem recepiisset: studiumque suum extinguendæ

10 iustitia 2 rap  
2. lib  
- 28 for



DE NOBILITATE CIVILI.

guendi latrocinij, reprimendæq; cædis, & iniuriæ  
vindicanæ declarasset: & potentes cum tenuiori-  
bus, pari iure retinisset: eveniebat, ut omnes qui  
otium, & securitatem amabant, omnia vitæ præsti-  
dia, in eius virtute, & imperio constituta putarent,  
quem animadvertebant, esse iustitiæ laude florentis-  
simum. A iustitiæ igitur fonte regia potestas orta  
est: hinc optimates, & principes extiterunt: hinc pri-  
ma nobilitatis principia nata sunt: nec ullum omnino  
genus claritatis, aut antiquius, aut præstantius hac  
Regum natione reperitur: qui primi virtute sua huma-  
nam vitam excoluerunt. Horum diuinitatem admi-  
ratus Hesiodus, reges à Ioue procreatos esse, in Theo-  
gonia scriptum reliquit. Quæ opinio fuit etiam ita  
à multis usurpata, ut cum gentilem deorum existi-  
ma-  
rent, qui virtutis huius præstantia clarus esset.  
Æacus enim, Minos, & Rhadamanthus, iustitiæ  
magnitudine, filij Iovis habiti sunt. Qui etiam ut est  
in fabulis, umbris dare iura dicuntur. Adeo ne  
apud inferos quidem, putavit antiquitas, ullam multi-  
tudinem sine gravitate legum, & severitate iudicio-  
rum, permanere ulla ratione posse. Pittacus ille My-  
tileneus, ijs æquitatis artibus, ad imperij fasti-  
gium peruenit. Quod etiam Numæ Pompilio Ro-



ma accidit. Hoc enim iustitiæ, & equitatis studio, dignus est omnium suffragio iudicatus, qui secundus à Romulo clauum teneret. Quid referam hic lycurgum, Draconem, & Solonem? ut interim illos uetustiores omittam, Mercurium, & Phoroneum, & reliquos, qui cum leges, & iura describendo, salutem suis ciuibus attulissent: amplissimos honores sibi quæsierunt: & nobilem stirpem in multos annos propagarunt. Quod autem nullius uirtutis laus illustrior esse possit, uel hoc indicium facit, quod reliquæ omnes, si non sint cum iustitia coniunctæ, nullam possunt habere commendationem: hæc autem, etiam à reliquis seiuncta, suam semper retinet dignitatem. Hoc autem innumeris exemplis intelligi potest: ego tamen breuitatis causa, duobus ero contentus. Aratus enim Sycionius, cum nullus imperator esset, eam tamen est gloriam iustitiæ pulchritudine consecutus, ut cum omnibus summis imperatoribus sit omnium iudicio conferendus. Qui dum uixit, bellum sibi cum omnibus tyrannis, & improbis ciuibus suscipiendum putauit: nec ullum pro legum defensione recusauit uitæ periculum. Aristides autem qui hunc multis annis præcessit, iustitiæ integritate tantum laudis est asecutus, ut neq;



DE NOBILITATE CIVILI.

neq; Themistocles, tantis rebus gestis, apud Athenienses clarior haberetur. Ex quo intelligi potest, nullam esse viam ad amplificationem honoris, & gloriae certiores: neq; quae maioribus ornamentis gentem aliquam afficiat.

*animi magnitudo*  
*cap.*  
**P**OST iustitiam ea magnitudo animi, quae cernitur in periculis, ad summum laudis fastigium, & merito quidem euecta est. Magnum est enim mortem contemnere: & pro dignitate, atq; salute omnium vitam libenti animo profundere: nec ullum patriae uitae periculum denegare. Iecirco omnes ferme, qui ad gloriam incensi sunt, in rei bellicae studium praecipue incumbunt. Priscis etiam legibus, apud omnes bene constitutas nationes, plurimum honoris huic uirtuti semper attributum fuit: ut scilicet ea gloriae cupiditate, omnes alacrius arma caperent. Contra uero, ignaviae, atq; formidini, per multa probra fuerunt, legibus prudentissime constituta. Apud Macedones erat olim lege sancitum, ut qui nullum hostem in acie cecidisset, capistro publice cingeretur. Apud Scythas, nemini licebat in sacris epulis circumlatum poculum accipere, qui nullum in re militari, uirtutis signum dedisset. Amazonibus non erat concessum ulla conditione nubere, nisi prius hostem pugnando



pugnando interemissent. Solon autem statuit, ut eorum liberi, qui pro patriadimicando mortem occubuis-  
sent, de publico alerentur. Quod etiam fuit in multis  
alijs ciuitatibus ualde prudenter usurpatum. Sapien-  
ter enim, ab ipso Solone Græciæ sapientissimo existi-  
matum est, reip. salutem, præmio, & poena contineri.  
Hac enim improbi et facinorosi coercerentur: illo autem  
splendida ingenia, ad percipiendæ uirtutis studium, ma-  
iore quodam animi impetu concitantur. Diuinitus igitur  
a priscis legislatoribus institutum est, ut in quo-  
cunque hominum genere ista uirtus eluxisset, multis in-  
signibus atque titulis ornaretur: contra uero turpitu-  
do, & ignauia, omni dedecore, & publica contu-  
melia afficeretur. Hoc autem cum legibus institue-  
bant, nihil aliud efficere uidebantur, quam ad no-  
bilitatis splendorem uiam omnibus aperire, qui es-  
sent egregijs uirtutibus exculti: turpes autem, & ni-  
mium formidolosos homines, etiam si in amplissima  
familia nati fuissent, nobilitatis ordine mouere.  
Quid autem de Romanis loquar? Ecquis enim tot  
equestres imagines, tot coronas murales, Castrenses,  
Ciuiticas, triumphales, enumerare ualeat? Ecquis tam  
multa uirtutis insignia, atque laudis ornamenta pote-  
rit explicare, quam multa Romanorum legibus fue-  
runt.



## DE NOBILITATE CIVILI.

runt olim uirtuti militari proposita? Ergo minime mirum est, si ciuitas illa, ad tantam imperij magnitudinem peruenerit: in qua uirtus tam multis honoribus, & præmijs afficiebatur: ad quorum cupiditatem, non modo nobiles, uerum etiam multi e plebe, ita uehementer exarserunt, ut nullum pro rep. uitæ periculum recusarent. Atq; (ut ex innumeris paucos admodum recenscam) duo Decij plebei quidem fuerunt: propter tamen singularem animi uirtutem, amplissimum honoris gradum in rep. consecuti sunt: qui tandem pro salute patriæ, uictoriæ sese libentissime deuouerunt. L. Martius, ille qui remp. Romanam in hispania collapsam restituit, humili genere susceptus erat: uirtute tamen est affectus, ut ad summos honores, atq; gloriam perueniret. Quid hic referam M. Portium Catonē, uirum insigni uirtute, atq; singulari sapientia clarum? Quid M. illum Marcellum, qui primus Annibalis impetum repressit: omniaq; tandem uirtute uinci docuit? Quid fortissimum illum Marium, & sexcentos alios, humili loco natos, qui tamen propter uirtutem militarem, & imperatoriam, ascenderunt ad honores amplissimos: posterisq; suis nobilitatis gloriam perpererunt. Hinc etiam hæc nobilitatis insignia, quæ nostris etiam temporibus circumferri uidemus, ortū habuere. Nam cum aliquis



quis operam egregiam in bello præstitisset, erat illi ab imperatore concessum, ut nobilis haberetur: & insigne uirtutis gestaret aliquod, per quod nobilitaret genus: & posteritatem, ad similis facti memoriam excitaret. Alij igitur tot castella depicta gestant, quot illi generis principes pugnando cæperunt: alij circulos, aut quid uis aliud pro numero hostium, quos in prælio aliquo durissimo interfecerunt: alij ut fortasse ostenderent, se lucem rebus patriæ afflictis attulisse, stellis scuta distinxerunt: alij deniq; alia assumpserunt, quibus uirtutis suæ memoriam proderent. Hæc omnia eo pertinent, ut facilius intelligamus, semper huic uirtuti fuisse aditum apertum, ad summā totius generis claritatem.

**M**ulti etiam liberalitate, & magnificencia, illustria sanè claritatis fundamēta iecere, dando, largiendo, amplissimisq; beneficijs complures ciues obligando. Sic enim priscus ille Tarquinius, exul et ignotus, Romæ clarum nomen est adeptus, & ad regni fastigium peruenit. Hac etiam magnificentiæ ratione, isto multo antiquior Pelops, barbarus et aduena, in ea Græciæ parte, quā à nomine suo Peloponnesum appellauit, rerū summam tenuit. Atq; ut etiam recentissima commemorem, Cosmus medices, huiusq; nepos Laurentius, tantum hac liberalitatis laude præstite-

runt,

De Re ualutis

cap 4



# DE NOBILITATE CIVILI.

runt, ut & Florentie principatum, & apud omnes nationes, amplissimum dignitatis nomen obtinerent. Nec est enim ulla uirtus ad nobilitatis conditionem accommodatior: neq; quæ maiores amicitias, & studia maiora pariat, atq; conseruet: sine quibus, neq; suas opes firmare, neq; gloriam ullā consequi quisquam potest. Hoc autem mihi secuti uidentur ij, qui nobilitatem tradiderunt, esse uirtutem generis, cum abundantia pecuniæ. Nam cum hæc una laus beneficentiæ uideatur esse propria nobilium (sunt enim corū pleriq; propensiores ad benigne faciendum) & eam laudem nemo possit adipisci, qui non sit auxilio pecuniæ instructus: existimarunt uiri doctissimi, pecuniam ipsam, tanquam liberalitatis materiam, in definitione nobilitatis ponendam esse. An recte ea definitione, uis & natura rei fuerit explicata, minime laboro: dummodo ex ea etiam intelligatur, esse hanc uirtutem ad gloriam comparandam, & totius generis ornamentum consequendum, apprime necessariam.

**M**ultum etiam & nostra, & priscorum memoria, tum eloquentiæ magnitudine, tum etiam iuris civilis prudentia, sunt ingentem gloriam adepti. Eiusmodi enim artes inter eas numerantur, quæ merito semper in rep. plurimum dominatæ sunt: & sine quibus civilis

eloq. etiam  
rep. s.



*Am. 26. 2. 1.*  
 ciuilis status non potest diu permanere. Frustra namq[ue]  
 sunt foris arma, nisi res sint domi, consilio, et pacis ar-  
 tibus constitutę. Sunt pręterea multi, qui uel princi-  
 pum gratia: uel libera ciuitatis consensu, in nobilitatis  
 ordinem asciscantur. Hoc autę prima specie, minime ui-  
 detur ueritati, atq[ue] rei nature consentaneū. Nobilitas  
 enim, aut nititur opinione: aut uirtute, et moribus con-  
 stat: aut natura simul, et industria continetur. Opinio-  
 nis leuitatę semper graues homines pro nihilo habędam  
 putarūt: uirtutis laus nobis ipsis parięda est, non aliun-  
 de sumenda: generis autem, et nature uis, ea est, ut mini-  
 me principum imperio flecti possit. Neq[ue] enim est faci-  
 lius principū beneficio, ex ignobili, nobilę quemq[ue] effici:  
 quā ex stulto sapientę, ex elingui disertum, ex ignauo  
 impigrū, et audacem. Quod etiā in dandis ciuitatibus  
 considerari potest. Nam si ciuis est natura (ut multi *ciuitas*  
 suspicati sunt) nulla ratio est, cur in ciuitatę recipiatur  
 hospes, et peregrinus. Vnde Gorgias Leōtinus Laris-  
 ſcorū principes irridens, quod multis exteris hominibus  
 ciuitatem donarēt, dicebat, perinde atq[ue] opifices, ę qua-  
 uis materia conficiūt mortaria, aut quid uis aliud gene-  
 ris eiusdem: ita esse quosdam Larisſcorū artifices, qui ę  
 quouis hominum genere, Larisſeos ciues effingerent.  
 Attamen neq[ue] Gorgię sentētia, neq[ue] aliorū qui simili  
 e ratione



## DE NOBILITATE CIVILI.

ratione regum, & principum benignitatem inter-  
cludi cupiunt, mihi probari unquam poterit. Nam  
cum omnes qui paulo elatiore animo præditi sunt, ad  
uirtutem, honoris & gloriæ cupiditate, incendantur:  
si honoris spem debilitare uelis, uirtutis omnino stu-  
dia extinguas, quæ erat incitanda, et inflammanda.  
Qua quidem re, nihil omnino ciuili disciplinæ magis  
aduersarium est. Huc enim leges respicere, hoc omni-  
bus bene constitutis nationibus propositum esse debet:  
ut homines magnarum rerum cupidos, quamuis sint sæ-  
pe numerosa sponte ad iuuandam remp. incitati: glo-  
riæ tamen cupiditate, multo uehementius ad publicæ  
salutis studium inflammment. Nam & ea ratione,  
maxime firmari possunt opes ciuitatis, & iuris equa-  
bilitas conseruari. Quid enim esset indignius, quam  
nullum præmium propter magna merita, claris in rep.  
iuris esse constitutum? Aut quod præmium excogi-  
tabis, quo uirtuti satisfieri aliqua ex parte possit, præ-  
ter hoc dignitatis, & gloriæ? Quid deinde magis re-  
gium est, magisque magnificum, quam uirtuti debitum dare  
testimonium: & titulis honestare dignitatem: ut hoc  
modo, tum iustitia conseruetur: tum etiam, complures  
in studium uirtutis acrius incitentur? Nec enim prin-  
ceps (ut iam ad illa respondeamus) potest efficere,  
ut utilis



ut uilis, & abiectus animus, ad nobilitatis claritatem  
perueniat: quæ uidelicet non gratia parta, sed à na-  
tura profecta, et optimis exercitationibus exculta sit.  
Potest tamen generosum, et inuictum animum, splen-  
didis titulis exornare. Quod quidem non solum hone-  
stum est, & rationi consentaneum: sed ita necessarium,  
ut ea re, salutem reipub. contineri existimandum sit.

Autoribus quidem maximis, et regendæ reip. scientis-  
simis, ad istam sententiã uti possem: sed ego unum tan-  
tum Platonem adhibebo: apud quem Socrates in ter-  
tio de rep. libro, cum fabula quadam de hominibus ar-  
matis è terra editis, ad patriæ caritatem, & mutuam  
inter se beneuolentiam, ciues impulsisset: tum deinde, sic  
institutum sermonem continuauit. Audi, inquit ille  
reliquam partem fabulæ. Omnes qui in eadem ciuitate  
uiuistis fratres estis. Sed deus cum uos informaret, ijs  
quidem, qui nati et apti sunt ad imperandũ, aurum im-  
miscuit: ijs autem, qui principibus in cõmuni salute de-  
fendenda operã nauant, argẽtum: agricolis autem, atq;  
reliquis opificibus, æs et ferrum. Ita fit, ut cum ab co-  
dem principio ortum habeatis, uobis similes plerunq;  
generetis. Euenit tamen, ut ex aureo parente, interdum  
argentea soboles nascatur: ex argenteo aurea. Et simi-  
liter omnia ab alijs uicissim oriãtur. Iubet igitur deus,

e ij ut prin-



# DE NOBILITATE CIVILI.

ut principes ipsi, primum atq; precipue, adeo magnam curam suscipiant inuestigandi, & inspiciendi, quid in animis liberorum suorum immistum sit, ut nihil omnino diligēcius animadvertant. Quod si æneum aliquid, aut ferreum, insitum in filiorum sensibus inspexerint: non impediuntur misericordia, quo minus illis, munus eorum naturæ conueniens assignent: & ad opifices, aut agricolas dimittāt. Sin ex illis aliquid rursus aureum, aut argenteum extiterit, honoribus afficiant: et alios quidem ad urbis custodiam, & imperium, alios autem ad urbis auxilium, & militiam euocent. Insideatq; in eorum mentibus, fuisse olim oraculo prædictum, ciuitatem, tunc omnibus bonis euertendam, cum ea ferri, aut æris custodiæ commissa fuerit. Hæc Plato de principis officio, per Socratis personam disputauit. A quo reliqua omnia præclare, illa postremo diuinitus dicta sunt: omnes ciuitatis opes funditus interituras, cum æs et ferrum, hoc est ingenium humile, omniq; uirtutis præsidio nudatum, reip. gubernacula tractada suscepit. Ob id igitur non solum homines industria, et ingenio excellentes, ex agris ad urbis custodiam euocandos, et nobilitatis ornamentis afficiendos, sed etiam amplissimo genere natos, si degeneres extiterint, in infimam turbam coniiciendos esse statuit. Hoc autem  
tantam:



tantam uim habere putat ad rempub. stabiliendam, ut summa quadam religione, cum ab omnibus, tum uel maxime, a principibus ipsis, quasi diuinam legem, ad hominum salutem constitutam conseruandum esse censeat. Quod si uerum est, omnia ornamenta quę cogitari possunt, uirtutis excellentię debent: princeps qui Socratem audire uoluerit, eos qui indigne patiuntur uirtutem, in quocunq; hominum genere eniteat, omnibus ornamentis illustrari: omnium primos in agros deportandos, armentisq; preficiēdos esse decernet. Nam si uirtutis studio ipsius reip. salus atq; dignitas cōtinetur: is certe qui uirtuti aduersatur, reip. opes infringit: et communem ciuitatis gloriam labefactat. Vt igitur in institutum sermonem redeamus, non potest princeps efficere, ut abiectus animus, atq; demissus ad rerum maximarum gloriam, aspiret. Potesť tamen, magnum animum, et excelsum debitis ornamentis afficere. Itaq; nō tam tribuit nobilitatem: quā iam preclare institutam nobilitatis rationē, et singularem animi magnitudinem, egregiaq; uirtutis aut artis prestantiam: honoribus debitis honestam et illustrem reddit. Iccirco, cum antecedunt merita, tum hæc grauissima principum iudicia rite consequuntur. Aliter uero non erit ea nobilitas: sed inanis nobilitatis species, suco et quibusdam medica-



## DE NOBILITATE CIVILI.

mentis illita, et opinione tantū multitudinis cōfirmata.

*cap. 6. virtus  
a. fol. 1. g. 1. civit.  
re. p. 1. 1.*  
**C**um igitur manifestum sit, æquitate laude, vir-  
tutis studio, et beneficentia, et ijs artibus præterea,  
quæ semper in bene moratis ciuitatibus floruerūt, nobi-  
litari genus: facile palam fiet, quibus uitijs, hæc generis  
claritas extinguatur. Is nempe, quæ virtutibus illis ad-  
uersantur. Quamuis enim (ut expositum est superius)  
plerumq; cōtingat, ut qui sunt honesto loco nati, nō me-  
diocri sint ad virtutē indole: fit tamen interdum, et fre-  
quentius quidem, quam esset utile rebus humanis, ut aut  
à clarissimis uiris degeneres oriantur: aut saltem illud  
naturale bonum, quod animis nobilium innascitur, uitio  
prauæ consuetudinis intereat. Itaq; cum aliquis adeo  
malis moribus imbutus, et praua cōsuetudine deuinctus  
est, ut nullam honestatis rationem ducat: ipse sese in te-  
nebras abdit: et gentem claram, quantum potest, obscu-  
ram, et ignobilem reddit. Quemadmodum igitur æqui-  
tatis studiū multis nobilitatem comparauit: sic iniqui-  
tas, iniuriæ, indignæ in multos mortales contumeliæ,  
quamplurimos honoris possessione deiecerūt: cuius qui-  
dem rei, calamitosi omnium ferme tyrannorum exitus,  
testes esse possunt. Nec enim illis solum uita eripieba-  
tur, et dignitas: sed omnibus, qui erant illi sanguine  
coniuncti: ita ut magna pars illorum eodem supplicio  
necaretur:



necaretur: reliqui uero fortunis omnibus spoliati, necem quidem exilio uitabant: non tamen ignominiam & dedecus effugiebant. Vt enim hic nihil dicam de Phalaride, omnium tyrannorum crudelissimo, in quem uniuersa agrigentinorum multitudo impetum fecit: ut eos etiam qui simili morum immanitate fuerunt, pratermittam: certe Pysistratidæ non alia ratione principatum amisere. Nec enim Armodius & Aristogiton, tantum patriæ liberandæ studio, quantum iniuriæ ulciscendæ causa, facinus illud egregium susceperūt. Cum enim Hipparchus Pysistrati filius, Armodium, adolescentem forma & moribus elegantem, quem perditissime amabat, neq; blandis sermonibus, neq; magnis promissis, in stuprum illicere potuisset: iniuit secum rationem, quemadmodum repulsæ dolorem ulcisceretur. Venit interim dies, qua solennis quædam pompa erat Athenis celebranda: in qua delectæ uirgines, sacra quædam calathis reposita, in capitibus patrio more sustinebāt. Hic, Hipparchus uenisse tempus ratus, quo tempore posset Armodio dolorem grauissimum inurere, eius sororem, in earum uirginum numerum ascribendam curauit. Deinde cum sacra fieri cœpissent, eādem, tanq̃ sacris illis indignam necit, ut facile appareret, non ab aliud ascitam fuisse,



DE NOBILITATE CIVILI.

nisi ut eiecta, illam publice contumeliam acciperet, quæ in Armodium redundaret. Erat autem hæc apud Athenienses insignis iniuria: qua quidē offensus Armodius, re cum Aristogitone, cui erat in amore cōmunicata: et alijs socijs adhibitis, contra hippiam Hipparchi fratrem, natu maiorem, qui tyrannidem obtinebat, coniurationem fecit: et Hipparcho ipsi necem intulit. Hæc coniuratio quamvis tunc minime processisset, excitavit tamen Athenienses ad Hippiam nō longo post tempore expellendum, & libertatem recuperandam. Quid Tarquinij? nunquid nō ea ratione, Roma fuerunt exterminati, quod nihil iure, pleraq; violentia, & immanitate gerebant? Itaq; cum sextus Tarquinius, patris nefaria scelera imitatus, post multas iniurias, quibus Romanos onerarat, Lucretiæ per uim stuprum intulisset: cum patre, & fratribus in exilium eiectus, sine ulla dignitate, & cum dedecore iuxit. Sic etiam Dionysius posterior, cum Dionis uirtute fuisset propter iniustitiam, et improbitatem Syracusis expulsus, Corinthi, sordidam et ignobilem etatem exegit. Sic innumerabiles præterea, scelere & iniquitate, gloriam et imperium maiorum uirtute partum, sibi ipsis detraxerūt: et uniuersæ posteritati tenebras offuderūt. Hic non amplius immorabor, cum nihil magis perspicuum



cui esse possit, quàm semper iniustitiæ scelus, genus ob-  
 scurū atq; nile reddidisse. Quid deinde ignavia, et timi-  
 ditate, foedius, aut turpius fingi potest, et à uera nobi-  
 litate magis alienum? Quid miserius, quàm formidine  
 perterritum, à statu mentis ita discedere quemquam, ut  
 neq; dignitatem tueri, nec ulla in re consistere ualeat?  
 Neq; libet exemplis omnia confirmare, cum illud con-  
 stet, multarum gentium decora, propter animi imbecil-  
 litatem, & inconstantiam, de manibus clapsa fuisse.  
 Iam quid auaritiæ sordes persequar, et reliquas animi  
 labes? quibus id moliuntur per sæpe homines summo lo-  
 co nati, ut sibi dedecus & ignominiam adiungant: il-  
 ludq; generis ornamentum ita conuellunt, ut nihil malle  
 uideantur, quam in turbam conijci uilissimorum homi-  
 num? Cum igitur manifestum sit nobilitatem, & na-  
 sci, & occidere solere: profecto ut illi uidentur laudi-  
 bus in cælum efferendi, quorum uirtute hic splendor  
 generi comparatur: ita ij dignissimi certe sunt, quos  
 omnes mortales odio persequantur, quorum maculis,  
 & turpitudine, celebritas ista dissipatur: quando qui-  
 dem, neq; generis indole, neq; maiorum exemplo, ad uir-  
 tutem excitari potuerunt, uoluptatis, & turpitudinis  
 uinculis impediti. Qua propter sunt miseratione di-  
 gni (si misericordia superbiæ & stultitiæ tribui po-  
 test)



## DE NOBILITATE CIVILI.

test) quidam homines imperiti: qui cum nulla ingenij laude florent, nulla uitæ dignitate, nullo amplitudinis fructu, ita tamen inani nobilitatis nomine sibi blandiuntur, atq; si cœlo delapsi fuissent. Miserratione inquam digni sunt, qui se beatos & florentes putant, cum tam multis animi miserijs, & interdum etiam corporis agitentur. Opera præcium est autem uidere, istorum in omni genere insolentiam: tunc autem maxime, cum in regia uersantur. Famulorum pars antecedit: pars autem magno agmine subsequitur: ipsi uero in gressu, certis quibusdam numeris utuntur. Cum autem à ianitoribus introducuntur: & omnia circum commouentur: tum demum sese felices, supra quam dici potest existimant. Credo quod illic tandem, contagione plebis minime uiolantur. Nec enim quemquam fugit, in quantam religionem ueniat, si quispiam eorum, qui sibi heroes uidentur: nec omnino nati, sed à deo aliquo effecti: plebeio homini familiariter admixtus incedat. Cunctas religiones pollui clamabunt omnes: & omnia nobilitatis sacra funditus interite. Quidni inquit mihi placeam, quando in amplissima familia natus sum? Quin tu igitur geris animum, isto generis splendore dignum? Tu dignitatem illam maiorum uirtute comparatam,

tuis



tuis foedis facili amissisti. Illi magnitudine animi, integritate, et beneficentia circumspecti, aut maximarum artium disciplinis erudit, magnum in republica gradum consecuti sunt: tu contra timiditate, flagitijs, atq; sordibus, et omnium rerum inscitia, teipsum in infamam turbam coegisti. Quid est igitur in te, in quo possimus imaginem antiquæ claritatis agnoscere? Qualiscunq; sum inquit, illustri tamen genere natus sum. Nunquam ne intelliges homo ineptissime, ornari uirtute genus, neq; genere uirtutem illustrandam: sed omnem generis dignitatem ex uirtute quærendam? Quid autem inanius est, hoc nobilitatis nomine, si uirtutis ornamenta subtraxeris, atq; ueræ gloriæ fructum? Virtute autem etiam à generis claritate seiuncta, nihil in uita præstabilius, nihil homini melius, nihil naturæ accommodatius: quæ per se splendet semper: et pulsa loco manet: nec ullo in tempore potest, dignitatis possessione depelli. Sed quæso uideamus quem tandem fructum feret, istud nudum nobilitatis nomen, cum res publica in ultimum discrimen uenerit armorum: aut domesticis seditionibus agitata fuerit. Ibi enim uirtute et consilio res geretur: non fumosis imaginibus. Ibi saltem loco cedere necesse est, isti nouitati, quam tanto fastidio floccipendis, si longo



# DE NOBILITATE CIVILI.

si longo rerum, & uirtutis præsidio firmata fuerit. Immo inquit, locū eundem semper obtinebo, in quo mei maiores collocati summa cum laude uixerunt: hi autem terræ filij in suis sedibus hæreant: et eas artes persequantur, quas scimus illorum parentes coluisse. Sapienter me hercle dictum, & lepide. Vt in rebus turbidis, & afflictis uirtutem contemnendo, & ignauæ nobilitati auscultando, fœde pereamus. Sed uelim intelligas aliquando, te conuitiū indignum ijs facere, qui tibi præclara ista nomina reliquerunt. Nam certe ille tui generis autor, & princeps, à quo primum ista uestræ nobilitatis insignia profecta sunt, homo nouus fuit. Cum igitur eos homines maledictis insectaris, qui tuis maioribus sunt simillimi: & ea probra ingeris, quæ possunt in tuos retorqueri: non id tantū agis, ut dedecore tuo labem illorum laudibus aspergas: uerum etiam ingratis et impie te geris, dum illorum splendorem conuitijs extenuas, à quibus hanc speciem dignitatis accepisti. Sed horū iam magnifica uerba, et ineptias omit-  
tamus, qui cum ab omni laude sint alienissimi, maiores suos in ore semper habet. Quibus cōgruit illud à Dionysiodoro Troæzenio frequēter usurpatū, quis patrem laudabit, nisi liberi infelices? Ego uero germanæ nobilitati, quæ et ex ipsius uirtutis stirpe generata est, et eadē uirtute



uirtute nittitur, summum honorem haberi par esse puto. Istos autem, qui nobilitatis fabulam frigide nimis, & insulse peragunt, uellem omnium sibilis excipi: et theatro, perinde atq; dignissimi sunt explodi.

**P**Osteaquam illorū uesaniā oratione compressimus, qui nouos homines, industria, et uirtute predictos maledictis insequuntur: cum ipsi sint omnibus flagitijs inquinati: nunc illa questio relinquitur, utri sint anteponendi. Ii ne qui nullo domestico exemplo incitati, famam tamen uirtutis egregiæ consecuti sunt? an illi potius, qui gloriam maiorū uirtute quesitam omni peccatore cōseruant? Est enim questio anceps: cuius utraq; pars, potest probabili ratione defendi. Potest enim homo nouus hoc pacto causam tueri suā. Ego nec ullis institutis domesticis, nec ulla maiorum meorum celebritate prouocatus in gloriā incubui. Nec alienis opibus, sed mea ipsius uirtute, id assecutus sum, ut ad honores summos aspirarem. Genusq; meum, quod, antea in obscuritate latebat, illustraui: posteris autem meis, nobilitatis initium dedi, & egregiæ uirtutis exemplum. Tu uero qui illustri loco natus es, plurimum instrumēti ad gloriam habuisti. Primum stimulabant te exempla domestica, & status ille, quem tui tenuerunt: deinde liberalis educatio, & institutio: postremo hominum expectatio:



DE NOBILITATE CIVILI.

expectatio: quæ omnia tibi quasi necessitatem attulerunt, ut in uirtutem incumberes. Neque tanta est ea gloria, quam tibi peperisti, tuorum facta imitando: quantum illud dedecus fuisset, si domesticæ laudis studium turpiter omisisses. Vi igitur, atque necessitate coactus magna gessisti. Mihi contra licebat in tenebris delitescere: præsertim cum omnibus illis instrumentis carerem, quæ magnum tibi adiumentum attulerunt. Cum igitur non ulla necessitate astrictus, sed amore uirtutis impulsus, animum ad res gerendas applicui: idque tam multis difficultatibus implicatus, summa cum laude præstiti: inuidiamque inimicam nouitati, uirtutis præstantia superavi: nihil causæ esse uideo, cur sit mihi nobilitati cedendum. Hæc homo nouus. Quid contra nobilis? Ergo tu me, contra ius omne, de possessione laudis deturbabis, tam multis ætatibus confirmata? Non uides hereditatem eius gloriæ, quam mei maiores adepti sunt, non minus ad me pertinere, quam prædia: quam uillæ: quam reliqua bona, quæ ad me, tanquam ad uerum heredem lege redierunt? Quid igitur obstet, quo minus huius dignitatis fructum, et incipium, in meis bonis numerare debeam, eiusque possessionem omni contentione tueri? Quod si ita est, iam uides quam multis in locis, hæc laudis hereditas fuerit amplificata, anequam



antequam ad me perueniret. Quoties enim accidit, ut aliquis meorum gentilium pulchrum aliquod facinus susciperet: toties scito, adauctum fuisse hoc dignitatis patrimonium. Omnia igitur meorum gesta, ad meam gloriam reuocare possum: quando quidem, illorum uestigijs ingressus pugnavi, ut meorum decori non deessem. Tu igitur tua tantum uirtute clarus es, Ego uon tantum mea, sed etiam meorum. Quantum uero ad gloriam domesticam attinet, qua dicis nobiles ad uirtutem necessario excitari: immo plerosq; uidemus, gloria parentum contentos quiescere: nec ultra quippiam moliri: quod satis habeant, frui laude labore alieno quaesita. Quorum consilium, ut reprehendam, id tamen liquet, nobiles homines, nulla tantum re, quantum animi elatione, & magnitudine ad res gerendas incitari. Haec & alia multo plura possunt in utramq; sententiam adduci: ita ut relinquatur ratio sane difficilis ad iudicandum, uter alteri sit praefendus: si uidelicet utriusq; uirtus aequale pateat. Nam si faciamus ipsius honestatis contentione: uirtutemq; ipsam proprijs ponderibus examinemus: illius uirtus esse uidetur longe admirabilior, qui primus e familia obscurae latebris, emerfit in lucem: industriaq; sua laudem, & gloriam consecutus est. Si uero uita fun-

dis est



DE NOBILITATE CIVILI. LIB. II.

aliquid tribuendum: eorumque memoria, qui præclare  
de republica meriti sunt, quod & ratio postulat, &  
leges præcipiunt, est post illorum mortem omni stu-  
dio conseruanda: ij qui secuti exempla maiorum suo-  
rum, in gloriæ cupiditatē incumbunt, non iniuria præ-  
feruntur. Neque enim solum eorum industria, uerum  
etiam parentum merita ponderantur. Est igitur  
anceps controuersia quam alijs dijudi-  
candam relinquo. Mihi enim satis est de-  
monstrasse, id quod etiam fortasse  
sine ullius explicatione satis  
apertum est, omnem gene-  
ris splendorem, &  
familiæ clarita-  
tem, à fonte  
uirtutis  
or-  
tum habuisse.





41

AD LUDOVICUM  
PRINCIPEM  
CLARISSIMUM REGIS  
EMANUELIS FILIUM,  
HIEROMYMI OSO-  
RII DE CHRI-  
STIANA NO-  
BILITA-  
TE.  
LIBER PRIMVS.



Non eram nescius, Ludouice Prin-  
ceps inuictissime, cum has nostras  
cogitationes literis mandare insti-  
tuissem, fore, ut hic noster labor, in  
doctorum hominū uituperationem  
grauissimam ueniret. Quidā enim  
temeritatis et audacię nomine me condemnabunt, quod  
tantam rem sim animo complexus, quantam uix homi-  
nes exquisita doctrina, præstantiq; ingenio præditi su-  
scipere ausi fuissent: quosdam autem offendet, quod  
neq; rerum magnarum tractatione, neq; orationis or-  
natu, uidebor suscepti muneris magnitudini, aliqua ex  
parte satisfecisse. Alij igitur in me prudentiam,  
alij uero ingenij uim, & acumen desyderabunt. Qui-  
bus, antequam in huius operis disputationē ingrediā,  
breuiter





DE NOBILITATE CHRISTIANA.

breuiter respondebo. Equidem, & si nunquam ita me-  
 ipsum amari, ut mihi uel ingenij laudē aliquam, uel do-  
 ctrinā alicuius præstantiā aſſumerem: id tamen ingenui  
 adoleſcentis, et in præclara ſtudia incumbētis officium  
 eſſe duxi: mediocribus rebus minime contentum, altissi-  
 ma, atq; uehementer ardua conſectari. Nam nec ille  
 ſummus locus eſt omnino deſperandus, et in medio non  
 licebit inſiſtere, niſi illi tantummodo, qui ad ſummū ma-  
 ximo animo contendet. Bene enim ueteri prouerbio  
 admonemur: ut ad rerum faſtigia nitamur: ſi media te-  
 nere cupimus. Quod ſi nihil animo, atq; ſtudio comple-  
 cti fas hominibus fuiſſet, niſi quod primum uirium  
 ſuarum imbecillitati conuenire putarent: neminem exi-  
 ſtimo unquam, ad ullam artium, non dicam perfectio-  
 nem, ſed ne mediocritatem quidem fuiſſe peruenturum.  
 Nec enim Platonem ipſum opinor, cum primum ſeſe  
 ad ſcribendi ſtudium applicuit, tantum de ſe ſperaſſe,  
 quantum poſtea periclitando, & audendo conſecutus  
 eſt: neq; Demothe-  
 nem, ingenio ſuo tantum initio tri-  
 buiſſe, ut ſe fore aliquando Pericle ſuperiorem, in ani-  
 mum induceret: neq; Ciceronem ſuſpicatum fuiſſe, cum  
 primum ad dicendi ſtudium excitatus eſt, ſibi diuinę cu-  
 iuſdam, et incredibilis eloquentię palmā reſeruari. Sed  
 cum uis cuiuſdam præſtantis naturæ illos admoneret,  
 ut ad



ut ad multo maiora conarentur, quàm quæ essent eo tempore uiribus suis accommodata: summum illum eruditionis, & doctrinæ gradum consecuti sunt. Quid autem de ijs dicam, qui mediocri doctrina culti, et eruditi fuerunt? Potuissent ne illum ipsum locum obtinere, nisi supra uires suas audendo, seipsos ad maximorum hominum imitationem, ardenti studio cõtulissent? Nunquam enim tam bene cum rebus nostris agitur, ut eò quò cursum habemus, omnino feliciter appellere ualeamus. Quo circa, omnibus qui alicuius artès præclara laudem admirati fuerint, summa cõtentione enitendum est, ut nō ad ea tantum, ad quæ peruenire cupiunt, sed ad aliora etiam contendant: quo tandem eò, quò cursum instituerāt, facilius prouehantur? Cum sit igitur exploratum, neminem in aliquo numero esse posse, nisi summa studiosissime sequatur: nō ij sunt in crimen audaciæ uocandi: qui conatum adhibent, ad maximas res suscipiendas: immo potius, illorum, qui id non tentant, ignauia, atq; desidia est summopere reprehendenda. Nec me illorum oratio à scribendo deterret, qui genus aliud dicendi uberius, et ornatius, quàm id, quod pro ingenij nostri imbecillitate possumus in hac disputatione sequi, fortasse requirent. Nam si ea tantum, quæ a nobis augeri lueris, & illustrari

f ij      queunt,



## DE NOBILITATE CHRISTIANA.

queunt, tractare concessum fuisset: nemo unquam scribere aggressus esset, ea, quæ non dico uerbis exprimi, sed nec omnino, concipi mēte, atq; cogitatione possunt. Quis enim tanta diuinitate ingenij, aut tam admirabili dicendi facultate præditus est: ut de Christiana pietate, et religione, de sanctissimis Christiani nominis mysterijs, in quibus, magna ex parte nostra uersabitur oratio: postremo, de Deo Optimo Maximo differere pro dignitate ualeat? Atqui, tantum abest, ut ij qui statim initio, rerum magnitudine franguntur, et hoc timore debilitati, se ad alia quæuis potius, quàm ad Christianæ dignitatís ornamenta stylo celebranda conferunt, uerecundiæ sibi laudem asciscant: ut etiam, in reprehensionem interdum impietatis incurrant. Omnes itaq; qui aliquid de lieris consecuti sunt: & in ueræ pietatís studium fuerunt ardentius incitati: hoc animo semper extiterunt, ut scelus inexpriable ducerent esse, ingenium suum, ad res alias excolendas, quæ abhorrerent à dignitate religionis adiungere: cum tamen uiderent, nulla quantumuis admirabili eloquentia, posseres tantas, tamq; diuinas explicari. Multa igitur ab illis relictæ sunt ingenij monumenta, partim oratione culta, partim etiam horrida & impolita: plenissima tamen grauitatis, & ardentissima pietatis significatione



significatione commendata. Quin etiam, multi ex illis omnes dicendi festiuitates, & orationis lamina, tanquam res leues, atq; pueriles, et religionis dignitati parum consonas neglexerunt. Quo circa, minus est nobis laborandum, si conata efficere, et quo iamdudum cupit animus aspirare non possimus: cum et rerum magnitudine, et summorum hominum exemplo, et autoritate defendamur. Illud autem admonere superuacaneū est, incidere sæpe multa, in tractatione rerum sacrarum, in quibus, non facile est tueri latini sermonis elegantiam: ijs præsertim, qui non sibi durissimas quasdam leges imposuerunt: & animi sensa clare, & impolite, potius, quàm obscure, et eleganter expromere malunt. Nec enim uereor, si uerbum aliquod interdum in ijs libris barbarū, aut peregrinum posuero, quod tamen sit ex sacris literis depromptum, quàm ea res mihi apud æquos iudices fraudi sit futura. Sed inepte facio, Amplissime Ludouice, qui aliorum iudicium formidem, in eo libro, quem ad te unum scribo? Nec enim est mihi dubium, quin hæc nostra, qualiacunq; sint, magis ex animo quo scribuntur, quàm ex aliquo scribendi artificio ponderanda existimes. Quanquam id quidem facio audacius, singulari tua humanitate, & commemoranda beneficentia prouocatus. Cum enim libellum  
f ij quendam



DE NOBILITATE CHRISTIANA.

quendam de nobilitate ad te misissem, nulla quidem elegantia, neque doctrina perpolitum: illud animi mei in te ardens studium tibi non ingratum cecidisse, non solum muneribus in me collatis ostendis: verum etiam, quod longe pluris facio, perhonorifico sermone declarasti. Nec enim possum dissimulare, me, quamvis minime laudis avidus sim, non maximo tamen gaudio tum cumulatam fuisse: cum non dubitarem, quin tanti principis, tamque diuinis uirtutibus ornati testimonium, omnibus dignitatis ornamentis, ad gloriam antecelleret. Primum itaque, amore quodam religionis incensus, deinde studio amplitudinis tue concitatus, aliquid multo amplius complexus sum, de quo, in ijs tribus libris disputarem. Et quanquam de nobilitate inscripti sint, longe tamen diuersa ratio est, quam in presentia secutus sum, ab ea, quae commentariis illis nostris continebatur. Illic enim de naturali tantum uirtutis indole, in certis gentibus elucente disseruimus: quae si excitetur, et exercitatione confirmetur, perficit illum naturalem generis splendorem, quam nobilitatem appellant. In quo quidem sermone, cum primum dialecticorum more nobilitatem definiunt, et in partes tribuentes, eius uim, et rationem explicare conati essemus: tum de illius origine, et antiquitate diximus, usque ab heroicis temporibus,

omnem



omnem ueterem memoriam repetentes. Postremo cum nobilitas, ut humana omnia sit bonū uarium, et commutabile: quibus artibus id generi lumen accederet: quibus contra uitij, exstingueretur, ostendimus. Omnis autem nostra disputatio, eò pertinebat, ut demonstraremus, nobilitatem, uirtutis radicibus innixam sustentari: uirtute uero fracta, atq; debilitata concidere. Sed quoniam, omnis illa uirtus, in qua tum magna ex parte nostra oratio uersabatur, quamuis habeat speciem amplam, et illustrem: non tamen attingit, illam perfectam uirtutis rationem: sed in ciuili quadam exercitatione consistit, humana magis opinione celebrata, quam uero illo, diuinoq; lumine sanctitatis illustrata: uisum est et ibi, altius repetitio principio, inuestigare, quàm uim habeat uera, perfecta q; uirtus: ut illa scilicet perspecta, possimus intueri, ubi consistat perfecta illa, omnibusq; numeris absoluta nobilitas. Cum enim generis claritas à uirtute nascatur: consequens est, ut eam tantum magnam, et ueram generis claritatem existimemus: quæ ab illa certa, atq; constanti uirtutis ratione profecta fuerit, quæ scilicet non ostentatione, sed ueritate tuetur dignitatem. In hoc igitur opere, primum illam uirtutem, quæ constat opinione, à uera uirtute distinguentes, illius nobilitatis ornamenta

f iij

quæ



## DE NOBILITATE CHRISTIANA.

quæ diuino munere Christiano generi, concessa sunt, explicare conabimur. Sed cum uirtutis uis intelligi non possit, nisi fuerit ante constitutum illud ultimum omnium bonorum, ad quod omnia uitæ consilia referenda sunt: siquidem uirtus nihil aliud est, quàm certa uia, atq; directæ, dirigens ad illud summum omnium rerum expetendarum: cum igitur uirtus sine ultimi finis explicatione intelligi non possit: principio aggrediemur explicare, quod sit illud humani generis ultimum, ad quod destinati natura sumus: & unde honestatis uniuersæ ratio defluxit: & in quo summum hominis bonum continetur. Nobilitas enim uirtute spoliata, ne intelligi quidem potest: uirtus uerò nisi in uerum finem respiciat, nulla censenda est: ita fit, ut nisi summi boni ratio penitus nota fuerit, nulla nobilitas constare queat. Deinde, cum generosi animi, atq; magnifici sit, alta contueri: & infima omnia negligere, certum est, eum tantum nobilem, & splendidum dici debere, qui summum aliquod bonum, & excellens inuenitur. De finis igitur istius ratione, item de generis humani conditione, & dignitate, postremo de illius ruina & occasu, in hoc primo libro scribere institui: ut sic tandem aditus ad hominis perditæ restitutionem, & nominis Christiani decus, mihi comparem.

A 16



A te uero Princeps Clarissime peto, ut ea animi lenitate, singulariq; & propemodum diuina benignitate, qua tuos omnes semper fuisti persecutus, hæc scripta nostra recipias. Satis enim magnum præmium arbitror, esse meis laboribus persolutum: si intellexero, hoc meum erga te in hoc scribendi genere studium, tibi non prorsus iniocundum contigisse.

VTigitur ab eo principio ordiamur, satis constat, <sup>plac. ora ppe trall</sup>  
omnes mortales in aliquem finem respicere: quo <sup>lata sunt & 4. ut</sup>  
proposito, in actiones incumbunt. Hunc autem ultimum finem, uno ore omnes appellant uitam beatam, florentem, atq; felicem, omni genere mali uacantem, & omnibus bonis affluentem. In quo tamen insit ista felicitas, fuit semper inter mortales summa, perpetuaq; dissensio. Quali enim quisq; animo præditus est: talem de summo bono opinionem aucupatur. Principio enim, qui se totos corpori dediderunt: neq; cernere oculis potuerunt pulcherrimam sui partem: ij uel in diuitijs, uel in corporis uoluptatibus, illud ultimum ponendum esse statuerunt. Partim enim existimabant, felicitatem omnium commoditatum affluentia contineri: easq; commoditates, quas solas intelligere poterant, ijs diuitiarum opibus parari uidebant: partim, cum nullam maiorem suauitatem



DE NOBILITATE CHRISTIANA.

tatem sentire potuissent, ea, quæ sensibus dulcem motum affert: ipsamque felicitatem, omni genere suauitatis completam esse ducerent: uoluptatem corporis omni studio complexi sunt. Qui autem grauiore aliquo morbo corporis, aut fortunæ iniuria fuissent uehementius oppressi: in corporis integritate, aut in illius mali depulsione, quo acrius urgebantur, summam uitæ beatæ consistere statuebant. Horum autem omnium error, & inscitia, est execranda magis, quam uerbis & oratione refellenda. Quis enim non uidet, eorum amentiam, qui cum & animo & corpore constemus: alteram tantum sui partem, & eam quidem longe multumque inferiorem, nobisque cum belluis communem amplectuntur: alteram uero, quæ formam et speciem diuinæ mentis habet, floccipendunt? Sunt deinde alij (ut ab isto hominum genere turpi, & abiecto discedamus) elatiore animo præditi, pauloque acutius uidentes naturæ uim, qui honores & dignitates omni diligentia consecretantur. Est enim nobis innatum splendidum quiddam, atque magnificum, appetens honoris, & principatus, quod in ijs qui excelsio animo sunt, apparet facillime. Isti tamen primum in eo grauiterrime errant, quod ex imperitæ plebis opinione pendent: & in insipientis multitudinis rumo-

re, ueræ



re, uerae laudis pueritudinem inesse constituunt.  
 Deinde quod honores, & imperia tanquam ultimum uitae praeuium, & finem spectant. Illud enim ultimum bonum, constans, fixum, & stabile, non uarium, fragile, & caducum, nec in quo uanum uulgi testimonium dominetur, ponendum est. Deinde qui conuenit, in eo finem collocare, quod nunquam per se expeti contingat: sed semper ad aliud refertur? Videmus autem, omnes qui ad rem publicam accedunt, tribus maxime de causis honores ambire. Quidam enim, ut potestate maiore praediti, omni genere uoluptatis, & omnibus uitae commodis potiantur: alij deinde ut uirtutis nomen obtineant: ualet enim plerumque ciuilem prudentiam, ac egregiam uirtutis opinio, in eo, qui est in maxima dignitate constitutus. Sic enim uulgo homines opinantur: non temere fuisse honores illos ad quempiam delatos: sed propter aliquod uirtutis insigne meritum. Postremo qui melius instituti sunt: ob id petunt saepe numero magistratus: ut in republica gerenda, omnibus illis uirtutibus quibus ornati, & instructi sunt, magnificentissime perfruantur. Nam qui iustitiae, integritatis, & constantiae fructum capere concupierit: non aliunde poterit uberiorem colligere: quam ex eo dignitatis gradu, in quo  
 sibi



DE NOBILITATE CHRISTIANA.

*Huc v. g.*  
 sibi solum, sed ciuibus uniuersis, in maximis rebus usui  
 esse possit. Cum igitur quidam, ut possint facilius  
 commodis, & uoluptatibus expleri: quidam uero,  
 ut uirtutis nomen aucupentur: alij postremo, ut sese  
 in studio uirtutis exerceant, seruiunt honoribus: im-  
 prudentissime faciunt, qui in illis uitæ finem collocan-  
 dum esse putant. Si quidem finis ultimus, non alio re-  
 fertur, sed omnia propter finem expetuntur. Quo  
 circa, uoluptates, corporis integritatem, & reliqua  
 eiusmodi, in infimum bonorum ordinem, si bona illa  
 appellanda sunt, coniicienda putemus. Honores ue-  
 rò, non ambitionis studio, sed ratione consecutemur in-  
 terdum: ut quamplurimis prodesse possimus: non ut  
 in illis uitæ præmium constituamus. Sed iam istas  
 multitudinis opiniones omittam: ut ad eorum senten-  
 tias, qui se uitæ magistros esse professi sunt, gradum fa-  
 cere possim. Non tamen ad omnes. Esset enim infini-  
 tum, persequi tam multas opiniones: quàm multæ phi-  
 losophorum monumentis, & literis mandata sunt.  
 Illos autem omnino prætermittam, quorum senten-  
 tiæ nullo modo discrepant, à multitudinis opinione.  
 Nempe qui cū se flagitijs inquinassent: nihil aliud tur-  
 pitudinis tenebris occæcati uidere potuerunt: nisi, quod  
 ad uoluptates corporis, atque commoda pertineret.

Cyrenaicos



Cyrenaticos igitur nescio quos, Hieronymum Rhodium, Aristipum, & qui utriusque sententias complexus est Epicurum præteribo. Nec enim digni sunt, qui ueniant in numerum eorum, qui doctrina & ingenio sunt præstantes existimati.

**V**T igitur ad philosophos ueniamus, satis constat Academicos, atque Peripateticos, triplicem bonorum rationem posuisse. In primo ordine illa collocant, quæ animum perficiunt. Quæ quidem rursus in duo genera diuidunt. Alia siquidem mentem instruunt, ad plurimarum rerum scientiam: alia uero uoluntatem, ad omnem uirtutem, quæ prudentiæ moderatione gubernatur, erudiunt. Secundo loco ea numerant, quæ pertinent ad corporis perfectionem, & incolumitatem. Postremo ea bona, quæ fortuna, & casu proueniunt, in infimum ordinem coniiciunt. His autem omnibus bonis in unum collatis, compleri uitam beatam putant: ita tamen, ut uirtutem, uel uirtutis usum, præcipue amplectantur: opes uero, uel corporis, uel fortunæ ita retineant, quasi quasdam uirtutis satellites, atque ministras: quæ illi ad nutum adsint: et sine quorum operis, existiment, haud quaquam commode posse fungi suo munere uirtutem. Felicitatem uero ita definit summus, & doctissimus uir Aristoteles. Est inquit

animi

m. 7<sup>o</sup> cap. 1 lib.



# DE NOBILITATE CHRISTIANA.

animi actio, secundum maximam uirtutem, per omne uitę tempus suscepta. Virtutem autem maximam, sine illis, uel corporis, uel fortunę bonis exerceri posse, minime censet. Nec is ullo modo est, qui uitam beatam dici debere putet, eam quę aliquando est in maximos incoerores, et calamitates perueniura. Statuit itaq; ut omnes uitę actiones illuc respiciant, ut animi uirtutes egregię comparentur: deinde reliquis bonis ita circumfluat, is qui beatus esse studet: ut neq; uitę cultus, & uirtutis officium propter inopiam deferatur: nec ipse fortunę & corporis facultates, ad aliud prius, quàm ad decus et honestatem referantur. Hęc autem cum ad humanam uitam aprißime dicta esse uideantur: ita sunt omnium ferme opinione comprobata: ut nulla unquam sententia à pluribus recepta sit. Nam et uirtuti primas defert, cuius splendore, homines bene instituti maxime ducuntur: & cum reliqua bona uel corporis, uel fortunę haud contemnenda putat: popularis efficitur. In qua tamen opinione, quàm multa uitia sint, facile perspiciet, qui rem ipsam diligentius animaduertet. Maxime uirtutis usu, in uita diuturna, perfici uitam beatam putat. Age, iam uideamus, quę tandem sit ista uirtus uitę felicitis effatrix: aut quibus studijs eam nobis comparabimus: quibusuē



quibusue notis honestatem, ab honestatis simulatione distinguemus. Mihi enim non uenit in mentem suspicari, unde uirtus intelligi possit: nisi prius ultimi boni rationem perspectam habuero. Nec enim uirtus aliud est, quam rationis perfectio ad ultimum uitæ consequendum. Rationem uero perfectam, tunc inquit esse: cum instar eius qui aliquo sagittam, aut hastam collimat: ita ratio aliquem finem propositum, tanquam signū intuetur, in quod dirigat omnes actiones. Nullo igitur modo uirtus percipi potest, nisi comprehenso, & percepto fine: quod etiam Aristoteles ipse decreuit: quandoquidem, ante quam de uirtute disputaret, ultimi boni rationem explicare aggressus est: ut scilicet illo constituto, quænis & natura uirtutis esset: quidq; posset efficere, cerneretur. Quod tamen præstare non potuit. Quæro enim, quod sit summum illud bonum, cuius ut compos efficiar, omnes sint mihi subeundi, & excipendi labores. Hic mihi omnia bona enumerat, cuius copia uitam beatam contineri putat. Et primo loco omnia uirtutis officia. Iam hoc quidem preposterum esse, manifestum est: finem ex uirtute cognosci: non ex fine uirtutem. Sed demus id, ut tandem quid uirtus sit dispiciamus. Virtus inquit, est constans animi affectio, consilio parata, consistens

ex libro ethic. cap. 2.



DE NOBILITATE CHRISTIANA.

consistens in quodam medio, eoq; recta ratione constituto. Longius quæso progredere, nondum enim uirtutem uideo. Quæ tandem est ista recta ratio, quam in uirtutis definitione posuisti? Ea inquit alio in loco, quæ nullis tenebris impedita, facile eum finem cernit, ad quem sunt omnes actiones uitæ referendæ. Rursus me ad finis inuestigationem reuocas, quem ut probe tenerem, ab illo, ad uirtutis considerationem me reieicisti. Quid quæso aliud est, in orbem circumferri: si hoc non est? Virtutem eam esse ponis, quæ dirigit ad finem. Rursus ita finem describis, ut nisi prius uim uirtutis cognitam habeamus: quid finis sit, ne suspicari quidem possimus. Hæreo igitur, neq; quid uirtus sit, neq; quorsum ferat intelligo. Sed ut ista spinosiora linquamus, uidendum est, num ea felicitas, quam posuit Aristoteles, eiusmodi sit, ad quam ualeamus aliquando peruenire. Nam si ea est, quæ neq; parabilis est; neq; alicui contingere potest, propter rerum humanarum inconstantiam, & imbecillitatem: quem fructum uitæ communi feret, ista beatæ uitæ descriptio? Præterea, cum omnia quæ sunt in rerum natura, fere semper suum finem assequantur: uehementer absurdum est, arbitrari, solum hominem, cuius causa omnia quæ uidemus oculis, creata sunt, nunquam suum finem adipisci, quod



quod est Aristoteli necessario confitendum. Cum enim summum bonum in hac uita ponit: & eam uim fortunæ tribuit, ut eius aliquo grauiore cursu, possit obtineri instituta felicitas: id uidetur statuisse, omnes mortales esse semper miseros. Quis enim est, cui data sit immunitas eorum malorum, quibus hanc uitam oppressam, et afflictam uidemus? Ecquis inquam est adeo liber, & immunis, quin grauissimis interdum malis urgeatur: uel saltem non extimescat eas clades, quibus uita beata, si modo illa beata est appellanda, corrumpi & amitti potest? Omnes enim mortales, ista conditione nascuntur, ut magnam uitæ partem exiguant, in lacrimis & mœrore, infinitis malis, & calamitatibus implicati. Nec ex omni hominum memoria, aliquis unquam inuentus est, cui non multis partibus plura mala, quàm bona contigerint. Solon ille Græciæ sapientissimus, interrogatus à Cræso Lydiæ rege, quem putaret esse beatissimum: Tellum quendam Atheniensem retulit: qui in patria florente, liberos, & forma, & uiribus excellentes susceperat: & postremo mortē clarissimam, pro patria dimicans appetierat. Annumerauit etiam Cleobin, & Bitona argiuos: qui cum egregio pietatis officio erga matrem functi fuissent: à uita digressi sunt: cum mater à Iu-



DE NOBILITATE CHRISTIANA.

none, cuius erat sacerdos, precata esset, ut illis largiretur, quod maximum homini præstari posset à Deo Fuit illis igitur (ut ferunt) mors, præmium pro pietate constitutum. Hos ille tres, qui è corpore excesserant, beatos esse censuit. Nemini uero, qui in uita maneret, id concedi posse confirmavit. Longo enim tempore, inquit ille, multa quæ uolumus, aspicere, & perpeti opus est: neq; dies sequens, idem omnino affert, quod attulit antecessor. Omnis igitur homo ò Cræse, est obnoxius calamitati. Tu mihi quidem opibus abundare, & multis nationibus imperare uideris. Illud tamen, quod à me quæsieras, nunquam tibi tribuendum putabo, nisi prius audiero, te cum dignitate, uitæ spiritum extremum edidisse. Nec enim ille qui plurimas diuitias congestas habet, illo qui in diem uiuit, beatior esse potest: nisi eadem fortuna, rem bene gerentem, ad mortem usq; sequatur. Hactenus Solon. Cuius uerba si perpendas, intelliges plane, ne illos quidem tres, fuisse illius sententiæ beatos. Sed cum uir insigni sapientia clarus, in communes hominum miseras inspexisset: cum ijs actum esse præclare existimauit: qui antequam grauiore clade, aut erumna premerebantur, à uita discessissent. Non itaq; molestiis, omnibus uacuos extitisse, beatos tamen præ omnibus alijs fuisse, quos



quos in uita cernebat innumeris doloribus intercludi, uidebat. Quemadmodū inquit futurū fuisse beatum Priamū, si nō ita diu uixisset. Non quidē quod in ætatis flore, omni doloris acerbitate caruisset. Fuerat enim captus ab hostibus: multasq; iam in ea etate calamitates hauserat. Sed q̃a morte abstractus fuisset, ab omnibus illis cladibus luctuosissimis, quibus postea fuit, miserrime circumuentus. Non uidisset inquit, Hæctora ad Achillis currum religatum trahi: sacras eedes, suorum sanguine funestari: ciuitatē uniuersam crudelissime uexari, diripi, et incēdi: omniaq; sanguine, et incēdio misceri: et reliqua, quę in illis heroicis calamitatibus recēsentur. Sic igitur illi tres cōparatione habiti sunt felices, quod morte tempestiua, illis grauissimis malis, quibus ij qui diu uiuunt, assidue conflictātur, crepti fuissent. Qui potest igitur in ea uita, summū bonum esse, e qua quamprimū discedere, sit diuinum beneficium? in primis itaq; celebratur uulgatissimū illud Sileni responsum, nempe optimū non nasci: proximū uero, quamprimum ad mortem ire. Quod quidem rectissime dicitur, si ad communes uitæ misérias, et acerbissimos casus spectes: nec in alium finem respicias. Memorant esse quandam in Thracia gentem, quę infantes in lucem editos, mœrore et lamentis excipiat: suorum uero funera, tripudio



# DE NOBILITATE CHRISTIANA.

& cantu prosequantur. Initijs enim uitæ, tanquam  
 malorum omnium principio, lacrimas existimant con-  
 uenire: mortui uero, tãquam miserarium fini gratulatio-  
 nem. Sed quid plura in hanc sententiam disputo?  
 Non modo enim antiquorum testimonijs, sed etiam  
 nostræ memoriæ infinitis exemplis, perspicui potest:  
 neminem unquam fuisse, qui non sepiissime curis, ango-  
 ribus, periculis, innumeris morbis, & calamitatibus  
 premeretur. Colliguntur à uiris doctissimis, pauci  
 admodum, qui uulgo omnium mortalium beatissimi  
 putabantur: quales fuerunt Metellus macedonicus,  
 Cæsar Octavius, L. Sylla, et pauci admodum præ-  
 terea. Horum autem uarios casus, & ancipites per-  
 cussiones, et ea mala quibus sepiissime agitari fuerunt,  
 enumerantes: ostendunt facillime nobis humane mi-  
 serie grauitatem. Nam si ij qui fortuna ualde secunda  
 usi sunt, huius uitæ acerbitates effugere nõ potuerunt:  
 quid erit de reliquis omnibus existimandum, qui sunt  
 omnium confessione miseri? Quod si fortuna sit alicui  
 adeo propitia, ut omnia uitæ commoda in eum conse-  
 rat: hunc semper uidebimus, tragicos exitus, & uehe-  
 menter calamitosos habere. Quod accidit illi Poly-  
 crati Samio, qui cum summa felicitate, per omne uitæ  
 tempus usus fuisset: tandem hostium proditione, uita  
 & for-



Et fortunis omnibus fuit spoliatus. Quid hic Cyri mortem? quid Cambyſis exitum? Quid magni Pompei triſtiſſimum funus referam? Quid alios innumera- biles percenſeam materiã præbentes ad grauiſſimos luctus etiam in tragedijs et fabulis excitandos? Cum ipſa uita communis fateatur, nihil in terris eſſe homi- ne calamitoſius. Si igitur quod Ariſtoteli placet, iſta bona uel corporis, uel fortunæ, ad beatæ uitæ cul- tum requiruntur: Et mala contraria uitam miſeram efficiunt, nemo certe beatus eſſe poterit. Nemo eſt enim quin grauiſſimis interdum malis urgeatur: uel ſal- tem, quod idem ualet, ea quæ poſſunt homini euenire, noctes Et dies non formidet: inſtar eorum, qui deſcri- buntur apud inferos:

Quos ſuper atra ſilex iam iam lapſura, cadenti  
Imminet aſſimilis.

Fruſtra igitur uir tantus operam ſuam conſumpſit, in in eius beatitudinis explicatione, quàm poſſunt quidem optare multi: nemo tamen aſſequetur. Quod ſi tantum ingenium, tantam induſtriam, tantum in explicandis rerum naturis ſtudioſum ſefellit, quid in uita ſequendum eſſet: minime mirum eſt, ſi reliqui, quorum neq; ſimile acumen fuit, neq; par in indagatiōe ueritatis indu- ſtria, lapſi, Et decepti ſunt, quales ſtoici fuerunt.



DE NOBILITATE CHRISTIANA.

**H**orum autem princeps Zeno, uir grauis et continens, et qui ut sibi quidē uidebatur, aduersus doloris stimulos, et fortunæ fulmina solius uirtutis armis egregie tectus esset: corpus omnino contempsit: omnemq; felicitatem animi bonis terminauit. Ea tamen dicit, quæ a nullo uiro sapiente, qui non esset eidem sententiæ consecratus (sit enim sapiissime, ut multa non animi iudicio, sed constantiæ causa defendantur a multis) ea igitur dicit, quæ nec ab eruditis probantur, & irridentur ab indoctis. Vult enim, ut sit animus ita constantia fundatus, & constitutus: ut ne tantulum quidem unquam commoueatur. Nefarium enim facinus existimat, angī dolore & solitudine: gratia aut misericordia flecti: impelli cupiditate: ira, odio, aut aliqua perturbatione mentis incitari. In hoc autē statu, omni motu uacāte, quam græci ἀταραξίαν appellant, summum bonum contineri putat: ita, ut qui illum fuerit affecutus, sapiens, Rex, atq; beatus sit existimandus: reliquos omnes tanquam stultos, seruos, & omnibus malis inquinatos contemnit, & pro nihilo ducit. Principio autem summum bonum in humana dignitate collocare, ita ut nullo dolore corporis, nulla grauiore calamitate possit illa uirtus, a beata uita deferi, est hominis splendide magis, & magnifice,



magnifice, quàm sapienter & uere differentis. Nam cum animus ipse sit naturali amoris coniunctione corpori deuinctus: fieri certe nulla sapientia potest, quandiu ista coniunctio manet, quin corpore doloribus oppresso, animus conficiatur ægritudine. Si igitur recte censent stoici, animum ægritudine occupatum, in miseria esse: fateantur necesse est, si non ueritatem extorquere, & sensibus uim afferre uelint, neminem quantauis sapientia præditum, in totius corporis doloribus esse beatũ. Nam si sensus nihil ad nos pertinerent: corpusq; ipsum non esset hominis pars: tunc potuissent cuius homini mediocri probare, eum cuius corpus uratur, nihilominus tamen esse beatum. Cum autem animo & corpore constemus, qui possumus quandiu hæc uita manet, summum bonum, id existimare, quod alteram tantum nostri partem amplectitur: alteram uero in malis deserit: præsertim cum natura ita cogente, ipsa mala corporis, in animum redundant. Sapienter enim à uiris doctrina, & ingenio præstantibus est existimatum, iram, et cupiditatem, fuisse animis nostris à natura utiliter insertas: ut animi ipsi, corporum quorum custodes esse debent saluti consulerent. Ut scilicet cupiditate salutaria corporibus appeterent: ira uero noxia, et incōmoda populsaret. Cum igitur secundũ naturam

g iij    sit ira



DE NOBILITATE CHRISTIANA.

fit ira & appetitus: necesse est, cum aliqua species maximi boni, aut extremi mali, animis nostris obuersabitur: ut animi ipsi, maiore quodam impetu concitati, uel in bonum alacrius ferantur: uel malum uehementius formident. Cum autem formido, ut de alijs motibus sileam, cogente natura in animum inuasit: ipsam stoicorum felicitatem, quæ in indolentia consistit, facillime dissipabit. Iam ut suis argumentis omnia cõficiant, quid tandem ex eorum decretis, ad humani generis utilitatem transferre possumus? quæ uitam omni rationi labefactant: cum omnes motus nostris animis innatos, & quibus ad uirtutem interdum acuihur, euellunt radicitus. Quam facile id sit omitto. Nemo est enim qui nesciat, id humanæ naturæ repugnare: et qui stuporem illum, quem stoici appellant tranquillitatem, animis iniicere uolent: eos non hominis bonum constituere: sed omnem sensum humanitatis extinguere, & sepelire. Id igitur quod notum omnibus est omitamus: & quam salutaris ea sententia sit hominum cœtibus, inspiciamus. Hostium nunciatus aduentus ciues terret uehementius. Omnis igitur ciuitas metu turbata, in maxima cura uersabitur, quo possit illud malum à se depellere. Principes ciuitatis consilio & auctoritate, communi saluti prospicient: iuuentutem in armis continebunt:



continebunt : præsidia disponent : reliqui omnes prosequisq; sedulo efficient, quo illā externam uim, quā quidem malum, & id non mediocre esse statuunt, à finibus arceant. Vir autem ille magnus, & grauis, in ea totius patriæ formidine, nullo modo is erit, qui priuato otio publicum negotium anteferat. Cur enim se, leuissimorum hominum causa, à sapientiæ studijs abducat? nullo modo faciet. Immo in eo ciuitatis uniuersæ tumultu : constantiam illam suam retinebit. Irridebit interim, atq; contemnet, eorum hominum leuitatem : qui id tanquam malum formidet : quod nulla ratione in malorum numero sit habendum. Iam uero cum urbem obsidione cingi uiderit : & summis undiq; uiribus oppugnari : risum tenere non poterit : animaduertens ciues suos trepidare metu, conuolare, huc, & illuc discurrere, omnia periclitari, quo tandem à mænibus, hostium impetum repellant. Immo inquires tunc non opinione mali commotus, sed animi iudicio ductus, in hostium castra irrumpet armatus. In quem finem quaeso? Nec enim uir sapiens quicquam temere efficiet : nihil nisi magno consilio aggredietur. Cuius igitur rei gratia actionem illam suscipiet? an ut suis ciuib; afflictis aliquid op̃s afferat? At ciues suos non alijs malis opprimi putat : nisi errore opinionis

p

Cum dicitur



DE NOBILITATE CHRISTIANA.

opinionis & inanitate. Id autem cuius specie ter-  
 ritos animaduertit, nullo modo in malis numerat: et quan-  
 quam asperum esse fateatur: non tamen eiusmodi, ut  
 pro stultorum opinione sit extimescendum. Lente  
 igitur, & negligenter, non acriter, & animose cer-  
 tamen illud sibi putabit esse subeundum. Quis igi-  
 tur erit fructus huius magnificæ sapientiæ? Aut  
 in quo tandem loco animi excelsi, & inuicti lumen  
 ostendet? Illum opinor exitum fabulæ spectabit:  
 ut cum ciuitatem funditus eueri, omniaq; agi, & fer-  
 ri uiderit: ostendat se nullo dolore frangi, & debili-  
 tari: seq; in seruitute Regem, in omnium rerum ino-  
 pia copiosum, in dolore beatum, in erumnis florentem  
 esse iactabit. Id etiam ut probet: & stultitiam, in qua  
 una summum malum ponit, suis detrahat: contorta &  
 aculeata sophismata, quasi medicinam illius inanissi-  
 mæ opinionis adhibebit: quibus probet, mortem, exi-  
 lium, egestatem, orbitatem, contumeliam, & seruitu-  
 rem non esse in malis habenda. Omnia certe (ut ue-  
 rum fateamur) magnifica & excelsa: sed quæ nul-  
 lum omnino fructum ferant hominum communitati.  
 Nec enim isto modo sapiens impendentem belli mo-  
 lem prudentia præcauebit: nec præsentem acri ani-  
 mi impetu propulsabit. In rebus iniquis ciuilibus usui  
 esse



esse poterit. In quibus? in publicis ne? quomodo eum reipublice preficies, qui nullū uel in sanciendo legibus, uel in iudicijs exercendis, rerum discrimen nouit: neq; minore supplicio plectendum esse statuit eum, qui deliquerit in re leuissima: quā qui parenti necem per summum scelus intulerit. Quid autem dicam in priuatis? Hunc speres impelli posse, ad homines miseros, & afflictos excitandos: qui misericordiam fracti animi seruitutem esse constituat? Quomodo autem flagitiosos homines acrius insectabitur: aut uirtute excellentes ardentius amplectetur: is qui nullo uel odij uel amoris sensu ducitur? Quid autem (ut uno uerbo dicam) rebus humanis utilitatis inueniet is, qui se hominem obliuiscitur: humanæq; naturæ sensum repudiat. Commotiones enim animi, ratione refecandæ sunt: non radicitus euellendæ. Illud enim & salutare est: & in prudentiæ potestate situm: hoc autem, neque fieri ullo modo potest: & quamuis fieri potuisset: non esset adeo optabile & expectandum. Omnis enim uirtus frigida nimis & languida est: quæ non existit, ex animo maximis industriæ stimulis commoto, & concitato. Nam cum omne officiorum genus ab animo conformetur: nihil poterit fieri acriter, animose, uehementer, ab eo, cuius



DE NOBILITATE CHRISTIANA.

cuius animus ardore quodam non fuerit incitatus,  
 & non mediocriter incensus. Quod autem pro con-  
 cesso sumunt, omnem animi motionem esse rationi con-  
 trariam: nemo facile dabit: cum uideat ipsam ratio-  
 nem, cunctis animi affectionibus leges imponentem,  
 & quousq; sit progrediendum, diligentissime præ-  
 scribentem. Ratione itaq; irascimur interdum: odio  
 aut amore ducimur: misericordia flectimur: timemus  
 multa uenientia: præsentia uero cū dolore sustinemus:  
 inflammamur studio: gaudio etiam efferrimur, & exul-  
 tamus. Quæ quidem affectiones cum sese efferunt  
 longius, recta ratione frenantur & cohibentur: nun-  
 quam tamen penitus extinguuntur. Non semper igitur  
 animi commotio, rationi aduersatur: immo sæpe  
 numero sequitur rationem. Vt igitur in mari, non ea  
 tranquillitas optanda est, in qua ne minima quidem au-  
 ra fluctus commouentur: sed illa potius, in qua, nauis  
 a puppi secundis uentis impellitur: ita in animo desy-  
 derandus est mediocris animorum flatu: quibus ce-  
 leres cursus & certi dirigantur. Atq; ut prudens,  
 & alacris agitator, non semper equum à cursu susti-  
 sed aliquando longe sæpius ad motis calcaribus immit-  
 tit: sic etiam ratione concitantur animi appetitus: quo  
 rem geramus alacrius. Quod tandem igitur est  
 istud



istud summum bonum, quod nulla ratione parari potest: & quamuis posset, nullam tamen salutem rebus humanis afferret? In eo uero quod disputant, sola uirtute uitam beatam perfici: non uidentur animaduvertere, quæ sit istius uerbi uis. Beatum enim, nisi expletum, et in suo genere cumulatum, ne intelligi quidem potest. Quæ autem uis, humana industria & studio comparata, infinitam illam multarum, et maximarum rerum cupiditatem, natura mentibus humanis insitam explere, & satiare ualet? Quæ quæso uirtute, (ut alia omit- tam) ardens illud ueri uisendi desyderium, quo maxime anguntur ij qui sapientes haberi uolunt, minues atq; lenies? Quis unquam fuit, qui omnes artium discipli- nas, omnes naturalium rerum causas, omnem reipub. gerendæ prudentiam teneret, atq; perciperet? Omnia naturæ obscuritate inuoluta sunt: neq; fuit unquam quæstio adeo prompta, & facilis, de qua non fuerit inter doctos homines, summa perpetuaq; dissensio. Illa etiam quæ tractamus, et in manibus habemus: atq; adeo nostri corporis & animi naturam, explicare nequi- mus: quod facile ostendit, quam tenui ex parte nos rerum scientia contingat. Quo pacto igitur sapiens ac- quiescere in uirtute potest, cum omnium scientiarum cupiditate flagret: nec ea tantum quæ cernit oculis,  
sed



DE NOBILITATE CHRISTIANA.

sed multa etiam, quæ uoluit animo, comprehendere cupiat: ipse uero, ne minimè quidem alicuius rei naturam penitus notam habeat. Illum uero perfectum animi statum, tunc fore putandum est: cum animus ipse, ita completus omnibus bonis erit: ut nihil amplius requirat. Relinquitur opinor, nullo modo posse in uirtute ista nuda, quàm stoici exornant, beatæ uitæ summam consistere: cum nec in illa sint omnia, quæ ad humanam uitam, & cultum pertinent: nec animus ea sola contentus esse possit: præsertim cum ea cupiat, ad quæ quidem nullis humanis opibus unquam perueniet. Omnia namq; humana, siue illa extrinsecus adueniant, siue in corpore sita sint, siue mentem instruant & exornent, parua & angusta sunt: animus autem ita natus est, ut semper aliquid immensum, & infinitum desideret. Faciliusq; ætæ incendium stila extinxeris: quàm ardentem illam cupiditis sitim, nostris animis innatam, satiare possis. In quo quidem non sunt improbi reprehendendi, quod infinita cupiant: sed quod improba cupiant. Illud enim insitum est in natura: hoc uero proficiscitur à consuetudinis deprauatione, & improbitate. Si quidem, nec is qui dignitatem acri animi studio petendam putat: modum in rebus honestis expetendis, sibi ipsi constituit. Fin-  
gamus



gamus autem aliquem, ea felicitate præditum quam  
solam Zeno posuit: ita ut sit, omnium humanarum  
artium genere cultus, et eruditus: omniq; uirtutum co-  
mitatu circumseptus. Addamus huic, si placet, ea bona  
quæ sunt in corpore, et extra corpus: quando academi-  
cis, et peripateticis uisum est, ista tanquam uirtutis in-  
strumenta minime negligenda esse: qualia sunt uires, pul-  
chritudo, integri sensus, firmitas ualitudinis, et reliqua  
generis eiusdem: deinde opes, et facultates, generis  
decus, et honores, filij omnibus rebus florentes et orna-  
ti, amici deniq; magna amoris conspiratione consen-  
tientes. Postremo si uidetur, ut Epicuro obsequamur:  
demus operâ, ut omnibus exquisitis uoluptatibus animo  
et corpore potiatur: eumq; doloris acerbitate, atq; me-  
tu, quantum humano consilio provideri potest, libere-  
mus. Huic fortasse dices, nihil deesse uel ad dignitatem,  
uel ad uitæ cultum et elegantiam, uel ad uoluptates. Ve-  
rum si ab isto queras, an præterea aliquid desyderet, cla-  
mabit, si uerba fingere nō uult, se tantis istis commodis  
quibus affluit, minime contentum esse. Hunc Zeno  
uexabit cōtumelijs: eumq; miserrum, atq; dementem esse  
statuet: uel eo solum nomine, quod illam effrenatam cu-  
piditatem, et immensam non cohibeat: quodq; in tantis  
opibus, inopem se esse fateatur. Cui tamen qui index  
æquus



DE NOBILITATE CHRISTIANA.

æquus fuerit, ignoscendum putabit. Nam ut illius animus in cuiusmodi bonis acquiescat: quod fieri nulla conditione potest: nec enim si omnia bona humano studio parta in animum conijcias, illius capacitatem explere ueris: ut id tamen fieri posse concedamus: immortalitatis certe desiderio, noctes & dies cruciabitur. Istud inquit non est fas optare sapienti: qui ita se suis finibus tenet: ut omnes actiones non cupiditate, sed natura metiatur. Quasi uero immortalitatem cupere, sit transire naturæ fines: aut quicquam sit magis humanæ naturæ consentaneum. Vnde igitur tanta cura insita est hominibus, eorū quæ post mortem futura sunt? Vnde & procreandæ sobolis, & nominis propagandi desiderium? unde illa, quæ splendidis ingenijs innata est, sempiternæ gloriæ cupiditas? Non aliunde certe, quam ex immortalitatis studio. Nam dum uidet homo, animal scilicet mentis & intelligentiæ particeps, nihil recte beatum appellari, quod non sit constans & æternum: & omnia quæ amitti, & eripi possunt, esse à felicitatis ratione longe aliena: mortem formidat: & ad immortalem uitam, flagranti cupiditate, & naturali quodam animi impetu concitatur. Cui dum diffidit, se uersat huc, & illuc: & in eam cogitationem totus incumbit, ut quacumque ratione possit, sese ab interitu



ritu uindictæ. Alius igitur operam dat, ut filium sui nominis effigiem, tanquam alterū se post mortem relinquat. Alius in eo pugnat, ut elogijs, ingenij monumentis, rebus a se præclare gestis, sui memoriā quam maxime diuturnam efficiat. Alius ædificijs magnificentissime exarctis, id molitur, ut se memoriæ hominum commendet. Quod satis indicium facit, omnes naturæ admonitu mortem perhorrescere: uitæ q̃ perpetuitatē omniratione concupiscere. Cum igitur uitam conseruare nequeāt: omnibus enim mors pariter impendet: calcandaq̃ semel uita lethi (ut inquit Floratius) dant operam, ut aliquam saltem imaginem uitæ, post mortem tueantur. Quo tandem igitur pacto eueniet, ut non perturbetur metu mortis animal immortalitatis cupidissimum? Quod si nullius cupiditates finire, & terminari in hac uita possunt: nec enim fieri potest, ut finem facias cupiditati, nisi quæ concupieris adipiscere: facile constat, ad maiora magnificentioraq̃ natos esse nos. Ob idq̃ non posse animos nostros, ijs bonis quæ sunt in hac uita satiari: quod omnia minuta sint, & angusta, præ his, in quæ tacita natura cupiditate ardentem incutimur. Ad horum autem bonorum cognitionem, quæ sola summa & omnibus modis expetenda sunt, duplici ratione perueniemus. Nam



DE NOBILITATE CHRISTIANA.

primum ipse nostri animi appetitus, facile uiam aperiet: deinde origo illa, atq; fons, unde defluximus, multo clarius id quod querimus indicabit. Nec enim alius unicuique rei finem propositum esse putandum est, quantum, in quem natura non omnino deprauata fertur: nec aliunde peti a nobis debet finis beate uiuendi, quam unde uiuendi sumpsimus initium.

**P**rimum igitur, quæ sit humane mentis appetitio considerandum est. Videmus autem omne genus humanum asperuari dolores: consecrari etiam voluptates: opes, & facultates caras habere: scientiarum cupiditate flagrare: quas si multi propter segnitiam non attingunt: admirantur tamen omnes, atq; suspiciunt: eumq; qui clarissimis artibus fuerit instructus, dijs simillimum indicant. Deinde cernimus uniuersos homines allici uirtutis, & dignitatis splendore: ita ut improbi etiam, & petulantes, ipsa honestatis pulchritudine moueantur: in flagitioq; deprehensi erubescant: malintq; se iustos & moderatos haberi. Denique, sic omnes nati sunt, ut non uno tantum bonorum genere, sed omnibus simul expleri cupiant: omniq; metu & ægritudine uacare. Deinde ut omnia illa summa bona sint, & immortalia, ardentem expectant. Hoc autem iam quid aliud est: quam deorum conditionem.



conditionem postulare? Dei est enim proprium affluere maximis & æternis bonis: suaque uirtute & sapientia gaudere: & ab omni mali contagione segregatum summis, perpetuisque uoluptatibus perfundi. Qui igitur omnibus summis bonis frui cupit: eaque ut perpetua sint, ardentius expetit: se quasi in deorum numero reponi uult. Quid hic dicam de studio religionis uniuersis hominibus innato, quo summi rectoris numen omnes quacunq; ratione et reuerentur, & amant, seque ad illius cupiditatem aspirare, multis & certissimis signis testificantur? nunquid non satis indicat inesse nobis coeleste quiddam, atque diuinum: cuius impulsu, à terris excitati coelestia atque diuina suspicimus? Nec est enim quippiam in omni genere rerum, quod cupiat aliquid: nisi naturæ suæ fuerit accommodatum. Si uero quisquam ita se corporis uoluptati constringendum dedat: ita suspiciat humana: ut nihil ad coelestia dirigat: hunc tamen habere in se aliquid diuini, uel ex eo facillime apparet, quod nullis uoluptatibus, aut opibus satiari potest. Ita ut nullæ unquam diuitiæ Croeso satis fuerint: nullum uoluptatis genus Sardanapalo satisfecerit: nullæ res memorabiles in rebus bellicis effectæ, illam inexplebilem gloriæ sitim, qua flagrabat magnus Alexander



DE NOBILITATE CHRISTIANA.

extinxerit. De quo est illud uerissime dictum.

*Vnus peleo iuueni non sufficit orbis.*

Quod satis arguit, nihil in terris inueniri, quod animi magnitudinem explere ualeat: cum omnia sint angusta, fluxa, atq; mortalia, animus autem ad magna, constantia, et aeterna, atq; adeo ad diuinitatem ipsam, omnibus modis aspiret. Cum uero praua consuetudine imbutus, a uia declinat: & nihil studio sequitur, nisi mortale, & caducum: & in his terrenis opibus, uitam beatam statuit: ut omnia adipiscatur, nunquam tamen satis habere poterit: seroq; intelliget, fallacem se potius & inanem, quam ueram & solidam felicitatis rationem fuisse consecratum. Vt igitur ignis, & aqua, reliquarumq; rerum omnium, cum finem esse dicimus, in quem res ipsa, si nihil obstat, insita cupiditate feruntur: sic etiam hominis finis deus est: in quem natura duce ferimur: & cuius qui fuerint participes, erunt in omni genere iocunditatis beatissimi. Quod quidem erit magis apertum ex ipsius hominis origine, in qua omnia summa & inclita conspicias.

**E**Rit autem hominis ortus, non ex poetarum fabulis, nec ex philosophorum opinionibus repetendus: qui licet ingenio praestantes extitissent, communibus tamen tenebris occaecati, uerum aspicere non potuerunt: & pro



Et pro ueris ea tuebantur, quæ fuerant oscitantes  
ballucinati. Horum itaq; incertas, et uagantes opinio-  
nes omittamus: ut ueritatem ipsam, non aliunde, quàm  
ex sacris uoluminibus, in quibus uera perfectaq; philo-  
sophia continetur, hauriamus. Atq; libet in principio  
poëtarū more, non tamen Musarum, aut Phœbi præsi-  
dium, sed ipsius summi atq; præpotentis dei numen inuo-  
care: ut à nobis omnem labem criminis repellat: quo pos-  
simus rite, pure, & caste tanta mysteria pertractare.

**E**Xcellens illud præstantissimæ mentis numen, sum-  
mum, atq; sempiternum, quem Deum, quem peren-  
nem uitæ fontem, uniuersiq; conditorem & opificem  
ueneramur, & colimus: cum suæ sapientiæ opes com-  
municare, & in complures diffundere statuisset (nihil  
enim magis diuinæ bonitatis proprium, quàm gratui-  
ta beneficentia) principio mundum inuisibilem crea-  
uit, altissimis mentibus illustratum: quæ lucem illam  
diuinam, perpetuo contemplantes, uita beatissima æuo  
sempiterno fruerentur. Ad quam tamen immortalem  
gloriam non omnes peruenerunt: sed illæ duntaxat,  
quæ non tantum luce propria delectatæ, quantum lu-  
cis autore & principe, omne incolumitatis præsidium,  
& uitæ finem, in domino constituendum esse putarunt.  
Nam quæ nimium se amantes, in Dei negligentiam



DE NOBILITATE CHRISIANA.

prolapsæ sunt: cultuq; optimi domini, atq; parentis  
omisso, omne bonum à seipsis petendum esse statuerunt,  
naturæ propriæ quasi diuinitatem tribuentes: illa luce,  
qua erant indignissimæ, penitus orbatae, in sempiter-  
nam miseriam, et perpetuæ noctis tenebras, inciderunt.  
Post illius autem mundi diuinū atq; præclarum opus,  
quod mente concipimus: hunc rursus, quem intuemur  
oculis, quem tam admirabili uarietate, pulchritudineq;  
distinctum, et exultū cernimus ædificauit. Ad cuius  
operis fabricam, non alijs machinis usus est, quā pro-  
pria cogitatione, et uoluntate. Perfici enim aliquid à  
Deo, nihil aliud est, quàm uerbo præcipi. Hoc est eter-  
næ sapientiæ consilio, quod ab infinito tēpore destina-  
rat, ad exitum tandem deducere. Principio autem, que-  
ret fortasse quispiam, in quem usum tantum mundi or-  
natum, tam illustrem rerum coelestium speciem, tantam  
uim maris, atq; terrarum creauerit, summus ille rerum  
conditor & dominus. Non enim est illius immensæ sa-  
pientiæ, aliquid inane, et sine causa moliri. Cuius nam  
igitur gratia, decētissimam hanc rerū dissimilium inter  
se consentientem naturā admirabiliratione construxit?  
num ut haberet pulchriorē aliquam domum, in qua com-  
modius habitaret? At istud nō impium solum, sed ex-  
tremę etiam dementię est, existimare, mentem illam bea-  
tissimam,



tissimam, quā nihil maius, aut perfectius intelligi potest  
 cuius uirtus et potestas est infinita: ista mole corporea  
 indiguisset: aut aliquid ei in præteriti tēporis spatio, ad  
 beatam uitam, et gloriæ cumulum defuisse: aut aliquot  
 spatijs includi posse. Quid igitur? Num propter illas  
 æternas mētes? At illę ab omni corporis coniunctio-  
 ne secrete, atq; libere, nihil aliud expectūt, quā in suum  
 conditorem intueri: neq; possunt ex istis rebus inferio-  
 ribus, fructū aliquem percipere. Iam uero plantarum,  
 aut bestiarum causa, hanc rerum naturam constitutam  
 arbitrari, est nimis absurdum. Qui decet eum Deum,  
 propter res aut omnino mutas, aut certe nihil intelligen-  
 tes, ob idq; cum diuino numine nihil iuris habentes, tan-  
 tarum rerum molitionē suscepisse? Non igitur sibi, non  
 angelis, nō plantis, aut animantibus rationis expertibus  
 mundi fabricam excogitauit: sed homini corporis, atq;  
 mentis compotiet ex his duabus naturis constituto, ut  
 & sensibus mundi pulchritudinem notaret: & mentis  
 aspectum ad tanti muneris artificem cōuerteret. Ho-  
 minis itaq; causa fuit hic rerum ornatus, & uniuersę  
 natura constituta. Primum ut domicilium haberet, in  
 quo et corpus uarijs terræ opibus, quas largiter omni  
 animanti suppediat aleretur: & animus ex tanta re-  
 rum uarietate multa colligens, proprio animi pabulo,



# DE NOBILITATE CHRISTIANA.

quod in ueri uidendi ratione consistit, sustentaretur. Deinde, ut cum ordo, ratio, atq; constantia tanti operis pelleret animū hominis uehementius: facile illum ad opificis contemplationē adduceret. Vt esse itaq; mundi pulchritudo, quasi ludus quidā, atq; cuiusdā disciplinæ traditio quæ hominem ad Dei contemplationē, et cultum erudiret. Homini igitur causa, fructus, & fruges, quas terra summa largitate fundit, animantia, ac adeo terras uniuersas, maria Crasso aëre circumfusa, coelum deniq; atq; sydera, unde tam multa fluunt humano generi salutaria, summus ille Deus cōdidit, atq; perfecit. Nondum erat editus homo, cum omnes istas opes, et diuitias, hominis causa cōpararet. Tandem post uniuersæ naturæ constitutionem, hominis corpus e terra finxit: animū uero, sui imagine et similitudine decenter impressum, pulcherrimæ figuræ corporis inspirauit. Hinc iam uidere licet excellentem & magnificam humanæ mentis originem: quæ non aliunde, quàm à Dei spiritu manauit: et in elegantissimū corpus inclusa, diuinam formam labe nulla infectam retinuit. Nullum enim tum erat in corpore uitium: quod rationem perturbaret: aut menti noctem offunderet. Is itaq; primus homo omnem scientiam tenuit: omnium rerum causas nouit: omnem uiuendi disciplinam, non ab alio doctore, quàm



quàm à principe Deo accepit. Cumq; corpus eius incredibili specie excelleret: tum etiam multo clarior, & illustrior, pulchritudinis species, in forma mentis elucebat. Nam et singulæ partes erant collustratæ lumine singulari: & ita inter se congruebant, ut uix ulla maior conuenientia, aut elegantior ullus ordo uenustatis excogitari posset. Nullus erat error in mente, nullus motus in sensu, qui rationis imperium detrectaret: cum ratio ipsa quasi in perfecta rep. sic in illo tranquillo statu omnes affectiones facillime teneret. Nihil igitur animum impediēbat, quo minus rerum contemplationi uacaret. Intellectus autem uigens, acer, et excelsus, cum omnia quæ cœlo, mari, terræ abditæ sunt, erueret, & euolueret: non satis tamen habebat, rebus ijs, quæ infra lunam sunt, & oculis cernuntur, insistere: nisi in cœlum etiam penetraret. Cum autem haberet naturam relictissime constitutam: tum etiam illis bonis, quæ naturam humanam superant abundabat: quibus assequeretur, ut facile se Deo coniungeret. Inerat autem in illo cœlestis illius iustitiæ, quæ animum ad omnem sanctitatem instrueret, fidissima custodia: inerat firma & stabilis uirtutis constantia: inerat excellens honestatis decus & pulchritudo. Voluntatem uero neq; necessitate deuinctam, neq; causæ alligatam, neq;  
 ulla



DE NOBILITATE CHRISTIANA.

ulla perturbatione impeditam habebat. Denique cum Deus tam multa in hominem beneficia cōtulisset: cum terris omnibus præfecit, & in regio domicilio collocavit. Paradisum uocant græci, locum irriguum, & amœnum, omni florum uarietate distinctum, et semper arboribus constitum, aptissimum ad ætatem feliciter degendam. In ijs sedibus fuit homo constitutus: ut ex eo loco, quem dicunt fuisse excelsum et editum, instar cuiusdam summi rectoris, non modo sui ipsius clauum teneret: sed etiam cunctorum animantium gubernacula sapienter, et libere tractaret. Ius autem in regni administratione, non scriptum, sed natum sequebatur: hoc est perfectam rationem, & aptam ad diuini numinis naturam, quam summam legem appellant. Erat autem illi præmium constitutum, si munere sibi assignato pie, et iuste fungeretur: in cœlestes illas sedes proficisci: & illi summo bono, cuius desyderio in terris flagrabat: in cœlis congluiniari. Hæc fuit prima hominis institutio: hoc primum humanæ nobilitatis initium et origo: in qua nihil agnosces, nisi inclitum et excelsum. Hinc iam facile perspicitur, quàm miseranda caligo sit eorū mentibus offusa: qui cum habeant mentem diuino cōsilio ortam, ac adeo Dei satū editā, in rebus mortalibus, & caducis uitæ finem ponendum esse ducunt.

Rectissime



Rectissime autem fuit à ueteribus, ac stoicis præser-  
 tum, uerbum illud usurpatum: ultimum bonum esse na-  
turæ conuenienter uiuere. Sed cum quid humanæ na-  
 turæ conueniret ignorarent: consequens fuit, ut neq;  
 beatæ uitæ rationem ullam tenerent. Ea igitur igno-  
 ratio genuit errores turbulentos: et impias, atq; amen-  
 tes opiniones: cum qualem de se quisq; opinionem acce-  
 perat: talem sibi ipsi finem constituisset. Qui enim in  
 se nihil diuinum agnoscebant: omnemq; animi sensum  
 extingui cum corpore putabant: res mortales, & ad  
 corpus pertinentes, omni studio sectabātur. Qui uero  
 aliquid quasi per caliginem uidere potuerunt: non exi-  
 stimarunt uitæ finem in fluxis rebus, sed in opibus ani-  
 mi collocādum. Hoc recte sane. Sed uideamus in qui-  
 bus opibus. Si in illis quæ nō aliunde quā à Deo sum-  
 mo deriuantur: et influunt in animos nostros: immo in  
 ipso Deo consistunt: idē dicunt quod nos. Si uero illis  
 animi bonis perfici uitam beatam putant: quæ humana  
 industria cōparantur: et ad istum modum in se ipsis po-  
 nunt omnia, ij neq; uim propriæ naturæ uident: & in  
 Deum ingrati et impij cognoscūtur. Nec enim intelli-  
 gunt mentē non ex sese, sed ex Deo primordium coepisse:  
 qui finem uitæ, nō in Deo, sed in propria mente con-  
 stituendū putant: et animo impio, et impudenter elato,  
 studia



DE NOBILITATE CHRISTIANA.

studia uitæ, quæ diuino numini consecrare debebant, in sui ipsorum cultum conferunt. Si igitur in uitæ principio, est uitæ finis constituendus: cui dubium est, quin illud sit nobis ultimum omnium rerum expetendarum, cuius beneficio in lucem editi sumus: & in cuius cupiditatem, impetu naturæ ardentem incitamus. In illum igitur fontem omnium bonorum, inexhaustum, atq; perennem, unde profluximus, & cuius beneficio conseruamur, celeri conuersione redeamus. Nec enim dubium est, quin ubi orbem istum confecerimus: tum deum immortalis, atq; beata uita perfruemur: & omnis illa animorum nostrorum cupiditas explebitur: neque quicquam præterea postulabit. Illuc igitur omnes actiones uitæ conferendæ sunt, ut Dei optimi maximi compotes aliquando simus. Nam si uoluptas ad beatam uitam pertinet: tunc uoluptates stabiles, & nullo æuo interituras capiemus. Si sapientia summum bonum continet: tum denique illa insatiabilis ueri uisendi cupiditas satiabitur: cum omni caligine discussa, non modo rerum naturam, sed ipsum naturæ dominum perspicimus et contēplabimur. Si felicitas uita diuturna perficitur: ea sola diuturna est appellanda, quæ immortalis est, non quæ ætate, & uetustate consumitur. Si postremo securitatem beatitudinis definitioni  
recte



recte adijciendam putant (inquiunt enim tum demum fore uitam beatam, cum fuerit exploratum, illa bona quibus affluit esse permansura) si igitur sine securitate beata uita intelligi non potest: illic tandem erimus omnibus curis, & angoribus laxati: cum nullus terror aut metus impendebit: cum summū atq; præpotentem Deum salutis custodem, & conseruatorem habebimus. Sed iam ea quorum gratia sumus in banc disputationem ingressi, ratione concludenda sunt. Fuit autem positum uirtutem esse quādam animi perfectionem, ad ultimum omnium bonorum cursum suscipiens. Summum autem bonum (ut ostensum est) nisi in Deo esse non potest. Efficitur itaq; nullam animi affectionem, nisi ad Deum referatur, in uirtutis rationem cadere. Deinde si nihil quod amplectitur uita beata, cadere & extingui potest: absurdum est enim id quod fluxum & instabile est, beatum existimare: homines autem omnes incerti, & instabiles, uarijsq; uoluntatibus & studijs agitati ætatem exigunt: non poterunt ullo modo felices esse, nisi Dei præsidio firmētur atq; fulciantur. Virtutem autem esse beatæ uitæ effectricem, omnes consentiunt: nulla igitur uirtus censenda est, nisi quæ nos Deo copulabit, cumq; solum intuebitur. In ea igitur sola decus ueræ uirtutis elucet: & omnes  
aliæ



DE NOBILITATE CHRISTIANA.

aliæ non uirtutes, sed uirtutum inanes imitationes putandæ sunt. Qui enim cõuenit uirtutem eam appellare, quæ non habet propositum uirtutis finem? Negat Aristoteles ueram, et solidam fortitudinis rationẽ in Diomedem cedissee: cum Græcis omnibus infugam conuersis, ipse solus maneret: malletq; summo cum periculo Hectoris impetum sustinere: quàm ignominiosæ fugæ se mandare. Cur ita tandẽ? nunquid non fuit pulchrum facinus, omnibus metu et formidine perterritis, Diomedem solum, aut cum paucis exiisse, qui turpi uitæ mortem præclaram anteponeret: maioremq; rationem gloriæ duceret, quàm salutis? Pulchrum sane inquit. Sed quia facinus illud egregium nõ ad debitum finem, sed ad popularis laudis ambitionem referebat (dicebat enim uereri sese, ne Hector in suarũ laudum commemoratione, Diomedem à se fugatũ prædicaret) uerè uirtutis fructũ non tulit. In eodem etiã numero Hectora reponit, quod aperte fateretur, formidare se rumores troianorum et troianarum: eaq; de causa, pugnam sibi alacrius capeßendam putabat. Hos igitur uir acutissimus, propterea quòd non intuebantur solam ipsius honestatis pulchritudinem: quàm potissimum uitæ finem constituit: uirtutis ordine mouet: & in secundam classem conijcit: in qua collocauit eam uirtutis imaginem, quæ



quæ gloriæ studio tuetur officium: & legibus atq; disciplina ciuili continetur. A fine igitur pendet (ut Aristoteli etiam uidetur) omnis honestatis ratio. Ea siquidem actio, et honestissime, et sine ulla dignitate suscipi potest: interdum etiam cum dedecore, et turpitudine, pro rei propositæ uarietate. Ita fit ut uiri fortes iisdem appellandi sint, qui in uerum uirtutis finem respicientes, præclare mortem oppetunt: qui rumusculos intuentur, et ob id pericula subeunt, inanes et leues: qui uero nefaria libidine, et flagitiosa animi perturbatione, ad rem strenue gerendam impelluntur, improbissimi. Vnde id efficitur, illos minime fortes fuisse: Hæc tora in quâ, et Diomedem: Achillem uero, atq; Paridem, non solum parum fortes, sed etiam turpissimos. Hic enim ut nuptias perfidia, et scelere partas tueretur, in aciem irruebat: ille uero, ut immoderatam animi iracundiam expleret, immensas illas strages hostium faciebat. Hinc etiam id sequitur, nec ipsum Aristotelem plane uidisse, quæ uis ueræ fortitudinis esset: cum eadem nocte circumfusus, illud ultimum bonum ignoraret, unde uirtutis firmitas, et honestatis convenientia sumitur. Sed inquires, illum multa & præclara fuisse de Deo philosophatum. Scio id quidem. Sed quem tandem illi locum in rerum humanarum procreatione reliquit?



DE NOBILITATE CHRISTIANA.

cum erim mundum effectum esse neget: hoc unum tantummodo munus Deo assignat: ut mundum circum axem cœli, summa cum celeritate uerset: cuius conuersione, omnium rerum inferiorum mutationes, & uicissitudines, generationes et interitus, confici putat. Fuerunt quidem non pauci uiri doctissimi, qui omnes res humanas, non temere, et casu, sed diuina providentia, & consilio gubernari putarent. Non tamen ita ut uel uirtutes ab illo petendas, uel in illo uitæ finem collocandum esse ducerent. Quid igitur horum de Deo instabiles opiniones, & multis erroribus inquinatæ, ad ultimi finis considerationem faciunt? Nam si coacti interdum pulchritudine mundi, ac ordine rerum cœlestium, æternam illam, atq; præstantem naturam confessi sunt: non tamen illi præstiterunt debitam pietatem: neq; spem uitæ beatæ in illa positam habuerunt. Illi igitur omnes neq; uitæ finem aspicere, neq; uirtutis formam amplecti potuerunt: sed pro uera dignitate, dignitatis imaginem, uerborum magis splendore, & magnificentia, quam moribus, & uita persecuti sunt. Si uirtus igitur ea sola dicenda est, quæ in uerum uitæ finem intuetur: relinquitur plane, quod est iam sæpius ostensum, eam esse solam uirtutem existimandam, quæ ad summum Deum omnium rerum principium, atq; finem ardentem



ardenter aspirat. Vnde id etiam concludi potest, eam  
 solam ueræ, & summæ nobilitatis splendorem efficere.  
 Omnis autem nobilitas quæ ex ista diuina uirtute na-  
 ta non fuerit: quamuis illustrem speciem habeat: re uera  
 tamen, inanis & fluxa est: nec in ueræ claritatis ratio-  
 nem cadere ullo modo potest. Neq; dubium est, quin  
 ea gens, in qua coeleste illud uirtutis genus eluxerit, non  
 tam ex hominum genere oriunda: quam diuino ortu edi-  
 ta sit existimanda. Istius autem diuinæ gentilita-  
 tis ornamenta explicare conabimur: si prius ruinam  
 primi hominis, & interitum persequemur. Explana-  
 tio enim illius calamitatis, cuius ui oppressus corruit  
 parens generis humani, causam afferet erroris, atq;  
 caliginis, qua mentes humanæ circumfusa, tam multis  
 ætatibus ita iacuerūt, ut neq; coelum aspicere, neq; ue-  
 ræ dignitatis splendorem cernere ualerent. Vnde fa-  
 ctum est, ut extincta nobilitate, animi demissio, & hu-  
 militas ingens existeret. His autem malis explicatis,  
 facillimum erit uidere, quemadmodum in istam nomi-  
 nis & claritatis dignitatem restituti simus.

**V**T igitur ad hominem redeamus, erat is ut dictum  
 est superius, in terris collocatus: ut eas tueretur:  
 animantia cuncta regeret: coelumq; omni pietate, &  
 neneratione suspiceret. In terris itaq; potestatem re-  
 giam



# DE NOBILITATE CHRISTIANA.

giam habebat: coeli autem domino seruebat: eratq; di-  
 uini numinis interpres, & sacerdos: humani autem ge-  
 neris princeps et autor. Qui cum illustri corporis spe-  
 cie constaret: animo tamen ad coeliū dignationem per-  
 uenerat: ita ut etiam in statu diuino futura significaret.  
 Nudus autem in illo hortu amœnissimo spatiabatur.  
 Nec enim uestitu indigebat is, cui nec ulla coeli graui-  
 tas noxia esse poterat: nec ullam notā turpitudinis ha-  
 bebat: quā ut abderet, atq; contegeret, uestimēta requi-  
 reret. Fuerat autem illi lex imposita, ut liberam uolun-  
 tatem in studio uirtutis exerceret: quo tandē mereretur,  
 in coelitum numerum ascribi. Lex autem fuit, ne fru-  
 ctum nobilis cuiusdam arboris, quæ boni et mali scien-  
 tiam cōtinebat, attingeret. Non quod inuideret Deus,  
 eam cognitionem homini, quæ diuinis beneficijs ornaue-  
 rat: sed ut illius saluti consuleret, atq; prouideret. No-  
 uerat enim, hominem, si suæ omnino potestatis factus  
 esset, continuo periturum. Ita igitur illius libertatem  
 attemperauit, ut eam rursus salutari lege deuinciret.  
 Nec enim tam uetuit fructum illum ne carperet: quā  
 ne in id quod fructu illo significabatur, incideret. Siue  
 enim significabat, ne eas causas quæ nondum illius ani-  
 mo allabi poterant, ingenio proprio scrutari, et euol-  
 uere uellet: siue, ne in delectu bonorum, & malorum  
 declinatione,



declinatione, suo iudicio potius uteretur, quàm diuini numinis impulsu, cui se regendum tradere debuisset: siue postremo, ne ad illa bona declinaret, quæ malis innumeris inquinata sunt: nosse enim in sacris literis, significat studiose complecti: siue igitur inquam id præcipiebat homini, ut illum summum bonum, in quo nihil est admixtum mali, complexus, reliqua bona malis contaminata rejiceret: quid potuit homini præscribi salutarius? Nam et inuestigatione earum causarum, quas animus noster comprehendere nequit, obruimur: & in rebus gerendis, ex arbitrio nostro potius, quàm ex Dei optimi maximi uoluntate, quid sequendum sit statuere, certissimū est ruine periculum: alicuius autem boni suauitate deceptos, ab illo summo bono decidere, est omnibus funestū atq; mortiferum. Hæc erat primi parentis cōditio, si uiri felices, et beati, si seipsum ab illius inmanis et uastæ bellæ congressu seruasset: quæ pestem et exitium omnibus terris intulit. Cum enim uideret princeps ille tenebrarum, autor impietatis et sceleris, et earum mentium dux, quas diximus superbia elatas uoluisse, proprijs uiribus ad gloriā diuinitatis aspirare: & ob id in sempiternam miseriam de turbatas esse: cum uideret igitur hominem humo excitatum, ut ascenderet ad eam gloriā, unde se deiectum considerabat:



# DE NOBILITATE CHRISTIANA.

*Stuauit inuidia: & hominis interimendi, et funditus euer-  
tendi consilia suscepit. Formam igitur serpentis  
gerens, fraude confectisq; dolis mulierem aggreditur:  
quam nouerat propter infirmiore naturam, facilius  
labi et decipi posse. Eam itaq; uerbis allicit, & bor-  
tatur, ut fructum illum uetitum decerpatur. Futurum  
enim, ut ubi primum illius suauissimi mali gustum per-  
ciperet, ad diuinam continuo boni & mali scientiam  
perueniret. Mulier igitur, quæ & arboris pulchritu-  
dine uehementer illecta erat: et ad diuinæ scientiæ cupi-  
ditatem exarserat: facile mortiferum illud anguis te-  
terrimum uenenum hausit. Imperio igitur summi Dei,  
& parentis optimi, cuius benignitate fuerat in lucem  
edita, tamisq; opibus instructa, neglecto, hostis pe-  
stiferi consilium secuta est: uirumq; ad easdem funestas  
epulas inuitauit. Hæc fuit origo humanæ miseriæ:  
hoc malorum omnium seminarium: hinc mortis initium  
natum est: quæ postea magis inualuit: & crudeli do-  
minatu terras uniuersas oppressit. Nam ubi primum  
homo passus est, se contaminari, pestilentis illius cri-  
minis contagione: manauit continuo malum illud in  
uenas: in hæ sitq; penitus in uisceribus: corporisq; et ani-  
mo cladem atq; mortem attulit. Quam miser animus  
continuo sensit, cum uideret se disunctum, et auulsum  
à Deo:*



à Deo: unde animam ducebat: & cuius numine pro-  
 priam uitam sustentabat: intelligeretq; corpus iam  
 cœli grauitati misere obnoxium, tandem, post uarias  
 erumnas, & luctus acerbissimos, à uita deserendum.  
 Mortis autem illa certissima signa fuerunt; turbu-  
 lenti motus in corpore, qui animi inconstantiam, &  
 perturbationem mente, & ratione uacuam, tetrasq;  
 atq; temerarias cupiditates indicarent. Fuit enim hoc  
 iustissime constitutum: ut qui domini imperium ne-  
 glexerat: iussisq; illius impudēter, et impie repugnarat:  
 ipse uicissim, eas animi partes, quæ rationi antea pa-  
 rebant: experiretur rebelles, atq; contumaces: omniq;  
 immanitate, in rationis arcem inuadentes introspec-  
 ret. Cumq; duo sint hominis munera, agere scilicet,  
 & intelligere: ob idq; rationis et mentis particeps exi-  
 stat: ut in rebus gerendis appetitus animi regat: &  
 omnem mentis curam, & studium, in diuinarum re-  
 rum cognitione ponat: in utraq; parte plagam gra-  
 uissimam accepit. Nam mens, extincto magna ex par-  
 te lumine, quo antea collucebat, iacuit in tenebris, &  
 caligine: & omnis uitæ ratio, simili nocte circumfu-  
 sa, gubernaculis pene deiecta est: quæ quidem, ut ei lu-  
 men aliquod affulsisset, nō tamen quo uolebat prouchi  
 facile poterat. Erat enim confecta grauiter, et saucia.



DE NOBILITATE CHRISTIANA.

turbidisq; animorū tempestatibus inctabatur: quibus  
 obsistere nō ualebat. Emergit tum primum turpitudine,  
 ante illud tempus ignota, cuius tetra facie, et deformi  
 aspectu, conturbati primi parentes se ipsos in opacā  
 syluam abdiderunt: illasq; corporis partes, quas cōtra  
 rationis imperium, obscenius excitari uiderant, arbo-  
 rum folijs cōtexerunt. Ab illo principio, omnis natu-  
 ræ deprauatio, et opinionis uanitas oborta est. Inde  
 omnes improbæ cupiditates, et formidines, inde omnes  
 dolores et nefariæ uoluptates extiterūt: quæ animi imbe-  
 cillitatē facile torquent, atq; flectunt quocūq; ruunt.  
 Mala autē illa, quibus erat animus implicatus, in cor-  
 pus etiam miserū redundabant: cui erant labores infiniti  
 subeundi: mors etiam postremo perferenda. Deniq;  
 (ut breuissimè dicā) sic fuit relictus homo, ut illi sunt,  
 qui à summa fortuna, & expectatione depulsi, ad sum-  
 mam miseriam deuoluuntur. Omnibus ornamentis spo-  
 liatus, à paradisi finibus expulsus, extorris domo, pa-  
 tria, et cœliū congressu, et quod caput est exclusus illo  
 diuino amoris fœdere, uitæ cursum tenuit acerbum, mi-  
 serum, & calamitosum. Cumq; uepres, et spine, quas  
 diuino iussu tellus in illius poenā gignebat, corpus pun-  
 geret: multo tamē grauiore morsu, mentē ipsam, impie-  
 tatis recordatio, et criminis conscientia uulnerebat: qui  
 quidem



quidem animi aculei, nulla mundi amoenitate frui illum sinebant: et omnes illius cogitationes, ad superioris uite desiderium, et presentis miserie sensum reuocabant. Illius tamen arboris uim, nimis efficacem fuisse, ille etiam tristis euentus facile comprobauit. Nam et re expertus est, quantum mali esset in scelere: et presentia mala faciebant, ut melius amissa bona cognosceret. Tum enim secundæ res à nobis cognoscuntur, cum in aduersas incidimus. Hæc fuit illa dira clades primi parentis, in quam se dedit precipitem, dum autore serpente à Deo optimo maximo desciiuit. Nec ipse solus corruit: sed uniuersam simul posteritatem euerit. Cum enim ab illo, egro iam: et confecto procreati simus: necesse est, ut eandem etiam infirmitatis, et culpe similitudinem contrahamus: et uitio sanguinis illius corrupti, nascamur eadem labe criminis infecti, et inquinati. Vultus igitur graue, et mortiferum, cunctæ posteritati impositum est. Nam cum ex ista egritudine, quam habemus, à primis parentibus hereditariam, ratio uulnerata langueat: facile fit, ut omnes animi commotiones, tanquam feræ uinculis laxatæ, turbentur, et ruant: mentemque sine magnis angoribus consistere non sinant. Animus itaque miser metu, affectus, et cupiditate, et uario genere morborum miserabiliter implicatus, in contrarias partes ita distrabitur, ut uix sui iuris esse possit: sed quocumque libido,



# DE NOBILITATE CHRISTIANA.

uel alia quæuis pestis impellit, eo se conferat. Hæc igitur primi parentis imago, satis expressa in ista corporis, & animi imbecillitate, seminauit omnia mala quæ postea mortales omnes oppresserunt. Nam primum, cū illæ perturbationes animi, rationis opes paulatim deprimerent, atq; comminuerent: effectum est, ut os illud hominis erectum, atq; sublime, à coelīs deiectum, terram intueretur: in eaq; defixum, omnem spem rerum suarum, in premijs humanis, & fluxis constituendum putaret. Omne igitur honestatis decus, & dignitatis splendorem, extinguere necesse fuit, illius ultimi boni negligentia, et contemptu, in quo summa uirtutis, perfectæq; gloriæ consistit. Cum autem serperet peccandi consuetudo: & in dies maiores uires colligeret: eo deuentum est, ut nullum facinus excogitari posset: siue id ex libidine nasceretur: siue ex furore & audacia, quo se non contaminaret humanum genus. Neq; satis habuit, omnia scelera moliri, quibus fides, & societas humana læditur: nisi etiam summi Dei religionē pollueret, atq; uiolaret. Cum enim essent mentes occupatæ immensa quadam caligine, non facile poterant mortales aliquid cogitatione comprehendere, nisi quod intuerentur oculis: aut alio quouis sensu corporis usurparēt. Cum igitur Deum animo non aspicerent:



cerent: oculosq; ad solem, lunam, atq; sydera conuerterent: quorum pulchritudine mouebantur maxime: coeperunt ea quasi diuina numina colere, & uenerari. Inde continuo delapsi, nec enim mens sceleris gravitate depressa, diu poterat, uel in astris ipsis insistere: non solum hominibus, sed brutis etiam, atq; feris, dum modo ex illis fructum aliquem perciperent, diuinos honores decernendos, et mortuis aras consecrandas statuerunt. Quid enim ego hic Serapim: quid Osiridis & Isidis sacra nefaria commemorem: reliquaq; simulachra ægyptiorū, in habitum atq; figuram brutorū animantium formata? Quid Bacchi orgia, per summum furorem (ut ex ipso nomine apparet) atq; amentiam constituta? Quid deinde reliqua genera persequar impuræ superstitionis, quæ omnium ferme gentium imbecillitatem occupauit: nō tantum libidine atq; flagitio, uerum etiam sanguine & parricidio contaminatæ? quasi enim parum foret, si per religionis speciem uersarētur in omni genere turpitudinis: quod tū inueneris, et Bacchi sacris, tum etiam in alijs quamplurimis fieri solenne erat: teterrimas etiam crudelitatis ceremonias attulerunt: ita ut frequentissime, sanguine humano aras imbuerent. Quod quidem apud omnes fere gentes, nō modo barbaras, sed doctrina etiam, ac humanitate cultas, facitatum



DE NOBILITATE CHRISTIANA.

factitatum legimus. Nam et Rhodij, qui propter do-  
ctrinā, in minerarū tutela esse credebantur, hominē Sa-  
turno sacris aniuersarijs immolabant: et Græci ferme  
omnes, ante quā in aciē prodirent, humana cede aras  
atq; templa funestabāt: et Romani, licet raro, aliquan-  
do tamē, humanis hostijs Deos placādos esse statuebāt.  
Quare fit, ut minime mirū sit, si Thraces, Galli, Scy-  
thæ, et reliquæ nationes, illis temporibus ab omni cultu  
humanitatis abhorrentes, ea sacra malorū dæmonum  
impulsu receperunt: quæ in cæde et sanguine uersaren-  
tur. Vt enim hic scythicā illam Dianā, nunquam cru-  
delitate satiatam, ut alia seu numina prætermittā: satis  
constat phœnicie principes, in magnis reip. calamitati-  
bus, solere unum ex liberis, quem haberent carissimum,  
ut hostiam iugulare. In syria uero, morem istum fuisse,  
historiæ sacræ testimonio compertū habemus: ut paren-  
tes, omni pietate repudiata, liberos suos igni consecra-  
rent. Sed quid hoc in loco immoror: cum ex ipsis histo-  
rijs perspectū habeamus, nullum ferme sacrorū genus  
fuisse, ab illis hominibus sine magno aliquo scelere cōsti-  
tutum. Inde factū est, ut summum furorē et impietate,  
summa peccandi licentia cōsequeretur. Cum enim uerē  
religionis munus sit mortales in officio continere: post-  
quam ea religio introducta est, quæ nō solum pudoris,  
et huma-



et humanitatis officia, negligeret: sed etiam petulantia,  
 cede paricidio, Deos placandos esse doceret: iam necesse  
 erat, ut uniuersi furore et amentia præcipites, omni ge-  
 nere turpitudinis, et immanitatis se cōmacularent. Ita  
 igitur accidit, ut peccatū, principio natum a naturæ de-  
 prauatione, auctū deinde cōsuetudine, postremo religio-  
 nis impuritate perfectum, atq; cōclusum, uniuersum ge-  
 nus humanū pessundaret. Quid igitur? Dicit aliquis.  
 Nullas ne putas in tanto uirtutis naufragio dignitatis  
 reliquias collectas esse? nec aliquē unquam mortalium,  
 priscis illis tēporibus honestatis studia coluisse? Nega-  
 re non possum, multos etiā in illa cōmunilabe generis  
 humani, specie honestatis illectos, et in uirtutis studium  
 incitatos quodammodo fuisse. Fuit, enim fuit, illa diuini  
 numinis imago, animis humanis impressa, peccati quidē  
 uitio deformata, nō tamen deleta prorsus, et extincta.  
 Cū autē imaginē Dei audis, nō tu mihi picturā aliquā  
 in tabula, quasi Protogenis alicuius, aut Apellis arti-  
 ficio uarijs coloribus illustratā cōsyderes: aut signū ali-  
 quod ex ebore factū, opere præclaro, et excellēte, quod diui-  
 nā speciē referret. Nihil. n. est aliud Dei imago, q̄ di-  
 uinæ uirtutis imitatio, quo ad homini fas est. Hoc autē  
 est ingenū puidū, multiplex, et acutū, oīa semina uirtu-  
 tū in se ipso continēs. Cū igitur hoc opere diuino facti, et  
 informati



DE NOBILITATE CHRISTIANA.

informati sumus: ad nullam rem magis apti natura sumus, quàm ad decus & honestatem. Quod si à principio liberi à contagione criminis essemus: & à peruersitate opinionis, & criminis improbitate soluti: facile nos ipsa uirtus ad uerum decus alliceret. Cum autem ista malorum cõsentiens multitudo, diuinę huic imagini quasi uim inferre conetur, à rectis naturę institutis sc̃pissime deducitur: existitq; illa contentio, atq; bellum intestinum, in quo quidem ratio quasi specie diuinitatis informata, sc̃pe uincit: lōge tamen sc̃pius uicta cedit uoluptati, atq; turpitudini, ita tamen, ut ostendat aliquam doloris significatione, se inuitam, et repugnantem, à studio uirtutis abductam esse. Quod satis indicium facit, obteri interdum hanc uirtutis indolem, aut libidinis impetu, aut aliqua flagitiosa cupiditate, nunquam tamen omnino deleri. Nunquā enim quisquam erit tam effuse petulans, quin ubi primum inconstans illa, atq; temeraria uoluptas, quę sua immanitate iudicium rationis impediēbat, effluerit: mœrens, et animo anxius, susceptę turpitudinis conscientia crucietur. Quod satis ostendit adolescens, ille Plautinus. Sic enim conqueritur. Omnia ego isthic quę dixisti scio  
Vel exsignaueram ut rem patriam? maiorum gloriam  
Foedarum meum, sciebam ut esse me deceret, facere

Non.



Nō quibā miser, ita ui ueneris uictus, in fraudē incidi.  
 Cum uim ueneris inquit, aperte, nobis indicat, illā ani-  
 mi perturbationem, et inconstantiam, a crimine primi  
 parentis ortam, scelere deinde unius cuiusq; confirma-  
 tam. Rursus cum sese miserum esse dicit: & ex fla-  
 gitij conscientia dolorem capit: ostendit plane diui-  
 num animi sensum, cui nihil, nisi rectum, & honestum,  
 quippiam suauitatis asferre possit. Sunt igitur, sunt  
 in nobis (ut iam in propositum reuertamur) innata  
 semina uirtutum: sunt decoris & gloriæ stimuli: sunt  
 incredibilia quædam, honestatis & dignitatis studia.  
 Tanta tamen extitit humanę mētis imbecillitas: tanta  
 nobis a peccato orta fuit ægritudo: ut licet non pauci  
 natura duce ad aliquam speciem uirtutis aspirauerint:  
 paucissimi tamen, illam ueram & eminentem honesta-  
 tis formam amplexati fuerint. Quamuis enim decoris  
 splendore ducerentur, quale tamen ipsum uerum decus  
 esset, ignorabant: cum in cœlum, unde omnis uirtutis  
 ratio peti debet, minime suspicerent. In cœlum uero su-  
 spicere qui poterant, ij quorum animi erant in terra  
 defixi, & qui omnia uitæ consilia, uel ad diuitias, uel  
 ad popularem laudem, et gloriam referēda putabant?  
 Quid igitur consecuti sunt uiri illi maximi, & ingenio  
 excellentes, quos tulit antiquitas? Quid præclari im-  
 peratores,



# DE NOBILITATE CHRISTIANA.

peratores, tantis rebus ad laudem & decus insignibus clarissime susceptis adepti sunt? sine ullo fructu possumus suspicari, tantum industriae, laboris, & operae, in dignitatis studio consumptū? sine ullo quidem. Virtutis enim rationem præclaram ad affectum, re autem falsam et inanem studiose complexi sunt. Omnes enim quamvis in eorum oculis uersaretur aliqua species honestatis: non tamen se ab illa communi generis humane, atq; tabe tutos conseruare, nec à multis animi morbis quibus erant implicati emergere potuerunt: cum id per se præstare non possent: & Deum uirtutis autorem, atq; finem, cuius solius præsidio id quiuissent obtinere, ante mentis oculos minime constituisent. Nulla igitur uera uirtus, sed fallax uirtutis imitatio, nulla dignitas, sed uana dignitatis species, nullum ueri decoris studium, sed effrenata quædam, inanis gloriæ cupiditas, tenuit illud genus hominum: qui quidem non tantum honesti pulchritudine illecti, quantum ut in magnum honorem ascenderent, & hominibus admirationem mouerent, egregias illas actiones susceperunt. Quod si illi, qui conatum aliquem ad uirtutem capeßendum habere uidebatur, uirtutis fructu omnino caruerunt: quid est de reliquis existimandum, qui cum semel omnia pietatis, humanitatis, officij, repagula perfregissent:



perfregissent: nihil tam propositum habuerunt, quam  
omnis inaudita flagitia, & scelera moliri: quo infini-  
tam et temerariam omnium rerum cupiditatem exple-  
re possent.

**S**oola Iudeorum natio quondam mansit in officio,  
diuinis legibus & institutis, sanctissimaq; religio-  
ne deuincta, et ab omni nefasta superstitione, longo tem-  
pore segregata. De qua scriptum est, non est idolum  
in Iacob, neq; simulacrum in Israel: dominus Deus  
eius cum eo est. Et alibi, notus in Iudæa Deus, & in  
Israel nomen sanctum eius. Hæc & in studio sancti-  
tatis sese diligenter exercebat: et ad spem futuræ salu-  
tis erecta, iustitiam, et pietatem, quantum poterat, excole-  
bat. Non fuit tamen in illa lege, perfecta & absoluta  
ratio uirtutis: sed inchoata quedam, atq; rudis species  
bonestatis. Repressit illa quidē impios atq; nefarios ho-  
minū conatus: inuit obuiam furori et sceleri: seuerè, atq;  
uehemēter impia facinora uindicauit: neminē tamen ad  
illum perfectū uirtutis, et sapientiæ gradum perduxit.  
Ad uirtutē enim, non ipsius uirtutis illecebris, sed par-  
tim metu atq; formidine, partim commoditatibus uitæ  
propositis incitabat. Cū enim in legis promulgatione  
uidissent, ex omnibus cœli regionibus coruscare fulmi-  
na terræ et æra crebris tonitruum ictibus cōcuti, gnē  
superne



DE NOBILITATE CHRISTIANA.

superne decidere: cuius incendio, atq; flamma, mons editissimus omni ex parte conflagraret: adde tubam illam horrificam, fumum, atq; caliginem, & reliqua, quæ præsentis numinis maiestatem indicabant: metu exanimati, Mosem maximis uocibus appellant. Loquere inquit tu nobis, & audiemus. Non loquatur nobis dominus, ne forte moriamur. Quid ad ista Moses? Iubet illos bono animo esse, diuinisq; illius consilij causam aperit. Nolite inquit, timere. Vt enim probaret uos uenit Deus, & ut terror illius esset in uobis, & non peccaretis. Quod perinde ualebat atq; si diceret. Nondum estis ab improbâ cupiditatibus, & à reliquis animi morbis numine diuino liberati: nec omnino tales, qui sponte uestra: ad uirtutem alliciamini. Formidinem igitur istam, animis uestris dominus iniecit, ut ea saltem ratione, uos à scelere coherceret. Ad uirtutem uero, quibus præmijs incitat? Istis prope modum, quorum causa rude uulgus, & imperitum nota suscipit: nempe frugum ubertate, copia diuitiarum, integritate corporis, & incolumitate. Si autem uirtus ea sola dicenda est, quæ nō metu coacta, sed sponte suum officium facit: & præclaras actiones, non ad res huius uitæ fluxas, sed ad Deum, uerum uitæ finem dirigit: qui potest ea uirtus existimari, quæ formidine expressa



expressa est, et cuius finis non tam est Deum amplecti quam uitę cōmodis abundare? Nec enim nunc de ijs loquor, qui fragilitatis humanę conscię, sapienter intellexerunt, sese nō posse, ea quę in lege prescribebātur exequi perfecte, nisi ad Deum, unicum uitę moderandę, et conservandę presidium confugerent. It enim uiri sapientissimi, qui diffisi uiribus suis, omnem spem in Deo reposerunt, spiritus diuini numine cōfirmati, et ad summum illud uirtutis genus excitati sunt. Qui tamen non ita multi fuerūt. Reliqui omnes, qui uel rationis opibus nitebantur, uel propter uitę cōmoda in officio manebant: nullo modo ad uirtutis gloriā aspirare poterant: nec ita diu propter animi infirmitatē, in honestis actionibus cōsistere: immo, per summū scelus, atq; flagitium sepiissime corruerūt, nefarijs cupiditatibus, et turpissimę uoluptatis illecebris impediti. Quin etiam multi ex illis, cum se scelere nefarię cuiusdā superstitionis obstrinxissent: eo deducti sunt, ut nullum tam immane facinus animo fingi possit, quod non sponte susciperent: ita ut etiam filios, in honorē deorum fallaciū funestis ignibus inferrēt. Hoc de tanto, tamq; atroci scelere, et furore, cum alij uiri sanctissimi, tum in primis Ieremias grauisime multis in locis conqueritur. Veluti cū ita Deum inducit loquentē, scelera sua intulerunt in domū, in qua

h inuocatum



# DE NOBILITATE CHRISTIANA.

innocatum est nomen meum, ut polluerent eam, & edificarent aras in Tophet, quæ est in ualle filij Ennom, ut incenderent filios suos, et filias suas igne. Et rursus, non uocabitur post hac locus iste Tophet, & uallis filij Ennom, sed uallis occisionis: et dissipabo consilium Iuda, & Hierusalem, in loco isto, et concidam eos gladio, in conspectu inimicorum suorum. Hæc Ieremias. Non est autem necesse persequi reliqua gentis facinora, quibus sæpius uiolauit fidem, et religionem: illamque diuinam legem neglexit: et per summam libidinem, et superstitionem conculcauit. Hoc autem satis est, ut intelligamus, ne in illa quidẽ gente, præterquam in paucis admodum, fuisse ueræ & absolute uirtutis studium: et maximam illorum partem, sese longe maiore sceleris impietate, quam reliquos mortales obligasse. Nec enim idem ualet crimen in eo, qui nulla institutione præditus est, quod in illo, qui ad omnia genera uirtutis fuerit diuinis legibus institutus. Quod si neque ratio hominibus, neque exercitatio studiosis, neque disciplina eruditis, neque lex hebræis, per se ualuit ad solidam uirtutis laudem et gloriam: et nihil aliud in rebus humanis, quod de uirtute commonefaciat inueniri potest, relinquitur, omnem uirtutis et dignitatis splendorem, priscis illis temporibus extinctum acuisse: neque fuisse in terris locum, quo non peccati diri-



tas, tanquam calamitas quædam exitialis, atq; funesta  
peruaderet. Hoc autem fuit illud infinitum imperium pec-  
cati, atq; mortis, quod diutissime terras omnes oppres-  
sit, de quo tam multis in locis sacrę literę cõqueruntur.  
Neminem esse inquit, qui ius et æquitatē, colat: nemi-  
nem, qui Deum requirat: omnes de uia declinasse: ne  
unum quidem in officio permansisse: cuncta deniq; im-  
portuna tyrannide peccati, et mortis atrocitate teneri.  
Deinde illud, studia hominū uersari in summa uanitate:  
falsa quædam somnia consectari: nihil nisi quod pru-  
dentię et honestatis inane, plenum uero erroris, & ne-  
quitię sit amplecti. Tum illud præclarum, quod glo-  
riam & decus hominum herbe, atq; flori caduco com-  
parant, quem si uentus uehemētior afflauerit: ita dissi-  
ciet, ut ne minimum quidem illius uestigiū relinquatur.  
Quale est etiam illud Esaie. Omnis caro fœnum, &  
omnis gloria eius tanquā flos agri. Exicatum est fœ-  
num, & cecidit flos, uerbum autem domini manet in  
æternum. Quæ omnia manifeste declarant, nullam in  
rebus humanis fuisse, post illam primi hominis rui-  
nam, expressam effigiem dignitatis: nec ullam ueri de-  
coris speciem, atq; pulchritudinem, nec aliquam ger-  
manicę nobilitatis formam extitisse: cum essent omnia  
uitijs, atq; tenebris miserrime circumfusa.



LIBER SECVN-  
DVS.



Am satis (ut opinor) constare potest,  
ueræ uirtutis, atq; solide dignitatis ratio-  
nem multis seculis in obscuritate latuisse:  
cum ultimum omnium bonorum ignora-  
retur à quam plurimis: cum funestum peccati regnum  
omnes rationis opes cōminueret: cum eorum etiam pul-  
chri conatus, qui ingenio & industria excelebant, eo  
solum peruenissent, ut aliquod uirtutis genus, non ueri-  
tate, sed ostentatione magnificum tuerentur: cum illi  
etiam, qui erant diuinis legibus instituti, propter animi  
imbecillitatem nefarijs erroribus occupatam, uersaren-  
tur in omni genere turpitudinis, & immanitatis.  
Communis igitur fuit illa calamitas, commune incen-  
dium, atq; flamma, quæ per orbem terrarum diuissi-  
me peruasit: communes illæ tenebræ, quibus omnes de-  
coris, atq; dignitatis rationes occultatæ, & demersæ  
tam diu iacuerūt, donec tempus illud diuino consilio ab  
æternitate præstitutum uenit, quo tempore genus hu-  
manum erat è tantis malis eripiendum. Tunc enim cum  
exortus esset sol illæ iustitiæ, qui caliginem erroris  
& impietatis mentibus offusam discussit: diuinamq;  
lucem



lucem rebus humanis attulit: coeperunt homines oculis  
uidere ipsam honestatis formam, atq; pulchritudinem:  
tunc ad ueræ uirtutis laudem & gloriam inflammari  
coeperunt, numine diuino erecti, atq; confirmati. Nec  
enim summus ille pater, atq; rerum dominus, ita scelere  
irritatus fuerat humano, ut non longe maiorem mis-  
ericordiam in hominis salute, quàm in ruina seueritatem  
adhiberet. Qui quidem nec in ipsa sceleris poena, ita  
fuit homini infensus, ut illius diuinæ imaginis quæ erat  
in homine, memoriam abijceret. Immo, cum pro crimi-  
nis atrocitate, clementi admodum castigatione usus est  
in puniendo: tum eam poenam in hominem constituit,  
non quæ ultrix esset impietatis: sed quæ faceret medici-  
nam: & ad frugem bonam sæpissime reuocaret. Cum  
autem diuinæ iustitiæ ratio postularet, ut in aliquos,  
quorum salus propter insitam animo superbiam, erat  
omnino desperanda, summæ seueritatis exēpla consti-  
tueret: illis exemplis editis, factū est, ut multi sese à sce-  
lere, et impietate remouerent: eademq; opera longe plu-  
res diuinæ clementiæ lenitatem, quàm iustitiæ seuerita-  
tem experirentur. Omnia deniq; post peccatū, in pec-  
cati remedium constituta sunt. Propositæ minc, clades  
illatæ, eluiones, incendia, terrores uarijs ostentis, atq;  
prodigijs hominū mentibus iniecti, bellorum tempesta-  
tes, gentium ruinæ, hanc uim habuerunt, ut à scelere



# DE NOBILITATE CHRISTIANA.

atq; flagitio mortales abducerent. Contra uero, uitæ commoditates, lex diuinitus promulgata, sanctissime religionis institutio, diuinæ promissiones, immortalia beneficia, ut ad officium, atq; sanitatem reducerent. Omnibus itaq; rationibus, siue illæ ad sceleris poenam comparatæ sint, siue ad uirtutis inuitamentum, fuit rebus humanis, ab omnipotente Deo, egregia quadam patris pietate consultū. Postea uero quā ita creuit morbi uis, & peccati magnitudo tanta fuit, ut non facile inueniri posset ratio ægritudinis leuandæ: aliud medicinæ genus diutnum, atq; singulare summus ille medicus adhibuit: quod non tantum id quod morbo dilapsum fuerat resarciret: uerum etiam priscam illam sanitatem, multis opibus et uiribus amplificatam restitueret. Hoc autē fuit ipsa summi Dei sapientia. Ipse inquam patris sempiterni sempiternus filius, inexplacabili ratione genitus, paterni splendoris effigies, uitæ & immortalitatis fons atq; principium. Ipse igitur hominem, quem effigie quadam diuinitatis olim impreserat: peccati & mortis liquoris implicatum, & omnibus ærumnis atq; calamitatibus circumuentum expedauit: & in antiquam libertatem, singulari, diuinoq; consilio uindicauit. Principio autem necesse erat, ut nefas illud, quo genus humanum contaminatum fuerat, elue-

reuer



retur: Numinis religio uiolata, sanctissimo quodam  
 piaculo expiaretur: macula ex impietate & scelere  
 concepta deleteretur: ut sic tandem posset homo, te-  
 tra peccati tyrannide liberatus, antiquæ dignitatis,  
 & decoris ornamenta recuperare, atque ad immor-  
 talis uitæ gloriam peruenire. Sed nullum piaculum  
 in terris inueniri potuit, quo tanti sceleris magnitu-  
 do procurari, aut iustitiæ diuinæ satisfieri, aut elui  
 concepta macula posset. Omnes igitur sceleri affines,  
 diris tristissimis obnoxij, turpitudine contaminati, in  
 sempiternam miseriam nascebamur. Hæc erat no-  
 bis proposita tristis, & miserrima conditio, nisi nos  
 Christus optimus maximus respexisset: ueramq; ho-  
 minis formam diuina benignitate suscepisset: & in  
 illa diuinitatis maiestate permanens naturam huma-  
 nam inaudita quadam ratione sibi conciliaisset. Om-  
 nium itaq; rerum dominus, qui nutu terram, atq; cœ-  
 lum concutit: ut hominem misere perditum, paradisiq;  
 finibus exturbatum, in sedes patrias reduceret: à cœli  
 uertice delapsus, in terris uersatus est: atq; ita uersa-  
 tus est: ut neq; à cœli moderatione, nec ab uniuersita-  
 tis imperio discederet. Isto igitur diuinitatis, cum hu-  
 mana natura foedere, atq; coniunctione, peccatum hu-  
 mano generi penitus infixum, repente exirpatum est.



# DE NOBILITATE CHRISTIANA.

mortis autem imperium conuulsum: omneq; scelus sanctissimis sacris expiatum. Quæ enim sacrorū genera illis sanctiora possunt excogitari, quæ à summo illo pontifice, qui sacerdos secundum ritū Melchisedechi priscis sanctorum patrum uaticinijs nominatus est: celebrata atq; peracta sunt? Qui non ouibus, aut uiculis, aut ullis hostijs uana hominū superstitione receptis, sed proprio sanguine litauit. Qui ut à caputibus nostris pestē propulsaret: caput suum ad omnium salutem consecrauit. Qui se uirgis cecidi, et in crucē tolli passus est, ut communis sceleris poenas ipse lueret: Deumq; consceleratis hominibus infensum, sanctissimi corporis hostia placaret. O singularem diuinæ beneficentiæ magnitudinem. O immensam diuinorū beneficiorum copiam, et incredibilem munerū largitatem. Ille rerū opifex, cuius uirtute omnia super subterq; producta atq; perfecta sunt: qui regit et temperat uniuersa: cuius maiestatis amplitudinē coeli cōtinere nequeunt: sanctissimæ uirginis utero inclusus delituit: ueramq; hominis formā suscepit: ut hominē in aliquo diuinitatis gradu tandem collocaret. Hoc illud fuit, quod multis ante seculis à uiris diuino numine afflatis prædictū erat: fore nempe, ut Deus in humana forma delitescēs, doctoris officio fungeretur: omnemq; nobis uirtutis et honestatis disciplinā traderet. Sic enim inquit Esaias. Fluent ad eū omnes gentes: et ibunt



ibunt populi multi, et dicet. Venite, ascēdamus ad mon-  
 tem domini, et ad domum dei iacob: et docebit nos vias  
 suas: et ambulabimus in semitis eius. Alibi vero ita in-  
 ducit patrē cum filio loquentem. Dedi te in foedus po-  
 puli, et in lucem gentiū, ut aperires oculos cecorū: et edu-  
 ceres de carcere uinctum. Alio rursus in loco, filius  
 ita de se ipso sermonem instituit, spiritus domini super  
 me, eo quod unxerit dominus me: ad annunciādum man-  
 suctis misit me, et ut mederer afflictis. Baruch autem  
 hunc Deum appellat, a quo omnis disciplina profecta  
 est. Et post hæc (inquit) in terris uisus est, cū homini-  
 bus collocutus. Ioel uero his uocibus pios excitat. Filij  
 sion exultate, et letamini in domino deo uestro, quia  
 dedit uobis doctore iusti-<sup>ie</sup>. Post q̄ igitur celestis illius  
 doctoris uox in tenebris illuxit: hominumq̄ genus ad in-  
 stituta uerę religionis, atq̄ sapiētię disciplinā instituit:  
 omnēq̄ animorū cupiditatē a rebus abstraxit humanis:  
 ostēditq̄ nihil esse in terris magnopere metuēdum: non  
 mortem, quę corpori tantū interitum affert: animū au-  
 tem nō attingit: non orbitatē, non egestatem, nō reliqua  
 eiusmodi mala, quę si corpori officiant: opes tamen im-  
 mortalis animi labefactare nequeūt: instruxitq̄ deinde  
 ad caritatē, beneficentiā, et animi moderationē: cum ista  
 igitur omnia in intimis sensibus hominum defixit: et ad  
 spem glorię immortalis auditores erexit: studioq̄ di-  
 uinitatis



DE NOBILITATE CHRISTIANA.

uirtutis inflammavit: cui dubium esse poterit, quin iam non uirtutis imago, sed solida ipsius uirtutis splendor, homines ad gloriam natos caperet: atque uehementer incenderet? Quid? quod non modo erudiuit ad bonestatis, atque sanctitatis officia, sed etiam uires confirmauit: quibus ea quae docuit perfici constanter possent. Quod etiam diuinis fuerat oraculis praemonstratum. APERIENTVR inquit ille, OCULI CAECORVM. Non est autem intelligendum uatem illum sanctissimum de corporis tantum oculis ista uaticinatum fuisse. Omnia enim quae a uiris illis excellentibus diuino instinctu et inflatu praedicta sunt, a consuetudine corporis abducenda, atque ad mentis sensum referenda sunt. Subiungit deinde. AVRES SURDORVM PATEBUNT. Surdos appellat eos, qui pietatis disciplinae aures antea clauderant: de quibus inquit Ieremias, ecce incircuncisae aures eorum, et audire non possunt. Christi tamen beneficio factum est, ut surdi etiam auribus acciperent disciplinam. Quid deinde sequitur? TVNC SALIET VT CERuus CLAUDVS, ET LINGVA MUTORVM IN DEI LAUDES ERUMPET. Quid per claudum intelligatur, nouerunt illi, qui sunt in sacris literis mediocriter exercitati. Claudii enim sunt, qui animi imbecillitate impediuntur, quo mi-



mus in curriculo pietatis exerceri ualeant: qui neq; uirtutibus eniti, neq; cursu ad uirtutis præmia contendere ullo modo possunt. Vide igitur quàm multa simul in animæ salutē contulit ille uindex humane libertatis: qui cæcis lumen attulit: surdis aures patefecit: claudis celeritatem dedit, qua possent instar ceruorum alissima cursu petere: et serpentibus pernitiē machinari: infantibus postremo atq; mutis egregiā canendi facultatem largitus est. Fuit autē id amplissimū, quod omnis uitæ ratio afflicta atq; perditā, fuerit Iesu Christi ope in pristinā sanitatem restituta: id tamē multo maius, multoq; magnificētius, quod diuino lumine collustrata legem diuinā non tabulis incisam, sed intus in præcordijs infixā perpetuo studio cōseruet. Cum enim tam nihil mentē impediret, quominus se ipsam traderet in coelestem disciplinam: ipsum Dei O. M. numen, animis sese insinuauit humanis: illiq; imagini diuinæ, quæ iam in ortu suo, propter cōditoris similitudinē sempiternæ legis particeps existerat, longe clarius lumē prætulit: totamq; studio diuinitatis inflammavit. Quod si lex nihil aliud est, q̃ ratio perfecta: nulla certe ratio, quæ nō modo natura, sed quod est lōge multumq; præstātius, presenti dei numine, ita perficitur, ut facile sese ad Dei imitationem accommodet: dubium non est, quin diuinam legem in se cōtineat. Sic enim est apud Ieremiam. Hoc erit pactum, quod feriam cum

domo



DE NOBILITATE CHRISTIANA.

domo Israel. Post dies illos, dicit dominus, dabo legem meam in uisceribus eorum, et in corde eorum scribam eam. Lex autē ista, ipse christus est. Ipse inquam, qui Dei patris uirtus, et sapientia nominatur: qui est mortalibus diuinę uirtutis exemplū, et unica uitę moderandę ratio: mentibus illis, quas ex impuris castas atq; sanctas effecit, pręsens semper adest: easq; spiritus sancti numine cōcitatas, ad glorię immortalis studium incendit. Cum autē nihil maius concipi mente et cogitatione possit, ipso Christi numine, quod nobis pręsens adesse scimus: et cuius diuino impulsu ad ueram uirtutē excitamur: nulla certe dicendi uis, nulla orationis uertas, poterit consequi dicēdo diuinę erga nos clementię magnitudinē. Atq; uideo tandē me princeps amplissimę, iuuenili quadā audacia pręcipitē eum cursum suscepisse, quē tenere nulla ratione possim. Sum enim quasi in mare profundū, et immensum, in earū rerum explicationē ingressus, quarū altitudine, omnis humana dicendi ratio, atq; facultas obruatur necesse est. Quid autē dico humanā? coelites quidē ipsi, uix illo genere orationis coelesti, atq; diuino, de tantis rebus pro dignitate differere potuissent: tantū abest, ut lingua mortalis, impuris sermonibus inquinata, diuinū in hominū genus beneficiū amplecti oratione possit. Ecquis enim tantum ingenio ualeat, ut queat, nō dico uerbis explanare, sed cogitatione concipere,



concipere, quomodo Dei unicus filius, hominis formam  
 induerit: nostramq; naturā, adeo incredibili coniunctio-  
 nis uinculo sibi copularit, ut Deus fieret uerus homo:  
 in hoc, ut uniuersum genus humanum, ab omni uestigio  
 sceleris expiaret, et ab omni scelere tutum, atq; sanctum  
 redderet. Quod deinde genus orationis crucis mysteriū  
 cōsequetur: quā Christus, tanquā molē et machinam  
 ad evertendas opes hostis nostri comparauit? Quis uir-  
 tutē inuictam illius, pro dignitate celebrare potest, qua  
 serpentem illam uenenatam, in cuius potestatem uniuersum  
 genus humanum reciderat: illisit, atq; compressit:  
 morisq; imperium infinitum extinxit: omnesq; supersti-  
 tiones, atq; feritates expulit, et profligauit? Vt interim  
 illud omitā, quomodo a mortuis exuscitatus, atq; orna-  
 tus manubijs, quas sibi bellorū omnium uictor fecerat,  
 summa cum gloria, in diuinas illas sedes se ipsum intulit:  
 ut inde, sub potestatem suam, et æternā iurisdictionem,  
 omnes gentes, atq; nationes subiungat. Vt etiam de illo  
 diuini spiritus incēdio reticēam: quo apostolorū mentes  
 inflammatae, res occultas, atq; cælestes, diuina quadam  
 constantia mortalibus enunciare coeperūt: orbemq; ter-  
 rarum, Christi nomine compleuerunt. Incutiunt hæc  
 omnia summam mentibus admirationem: opprimūt ma-  
 gnitudine sua cogitationes humanas: linguam timentem,  
 et ha st-



## DE NOBILITATE CHRISTIANA.

Et haesitantem reddunt. Magnum igitur opus, et arduum, et quod non modo ingenij nostri imbellicitate, sed nullis etiam humanis uiribus perfici possit, est explicare partem aliquam eorum, quae non humana doctrina, sed diuina sapientia nostris mentibus inspirauit. Attamen, id nobis e portu egredientibus considerandum fuit. Nunc quidem, postea quam temere in altum proiecsumus, danda nimirum uela sunt. Ea uero quae iam superius, quo ad licuit, et fas fuit attigimus, reliquæ, reliquæ orationis cursum, quo christiani nominis diuina ornamenta continentur, christi auxilio freti perstringemus.

**P** Rincipio autem, quantum ad uirtutem attinet, si (ut est à nobis superius explicatum) ea tantum uirtus dicenda est, quae à Deo profecta, Deum semper intuetur: et omnes actiones in illum dirigit: constatque hoc uirtutis genus coeleste, atque diuinum, à Christi tantum doctrina, atque numine profluxisse, et ad eorum tantum animos permanasse, qui Christum secuti sunt: relinquitur plane, in solis christianis uerae dignitatis lumen elucere. Haec enim sola uirtus est, quae omnes peccati neruos excidit: quae diuinam mentis effigiem, illuue infuscatam, in pristinum splendorem restituit: quae tenues opes animi incredibili constantia corroborauit: quae cunctas cogitationes, ab humanis rebus, ad religionis et san-

ctimonie



Et monia studium traduxit: uiamq; certam, atq; dire-  
 ctam, in cœlum aperuit. Conferat autē nunc qui uo-  
 let, illud uirtutis genus, quod fuit in Græcis et Roma-  
 nis hominibus, ad aspectū amplissimum, cum christia-  
 ni hominis dignitate, iam uidebit, quantum interuallum  
 inter utramq; interiectum sit. Illa humano studio &  
 exercitatione quæ sita fluxis opibus innuitur: hæc di-  
 uina benignitate concessa, habet firmissimam spem, in  
 summo Deo collocatam. Illa lubricas diuitias, aut po-  
 pularem gloriā breui morituram intuetur: hæc nihil, nisi  
 diuinū, atq; sempiternum spectat. Illa cōtagione crimi-  
 nis obscurata, atq; depressa, repit humi: hæc autē pura,  
 et inuiolata alacriter in cœlum euolat. Illa infirma spe,  
 atq; animo, de gloria sua cogitat: hæc autē, spe firmissi-  
ma immortalitatis, certissimoq; gloriæ fructu ducitur.  
 Illa postremo leuissimis opinionibus inflata, stultis ad-  
 mirationem cōmouet: hæc uerissimo lumine sanctitatis  
 illustrata, sapientes homines ad uerū atq; sempiternum  
 decus inflammat. Deniq; illic uidebis imaginem qua-  
 dam uirtutis intermortuā: hic autem uirtutem ipsam,  
 omnibus præsidij et ornamenti redundantem. Quan-  
 tum autem inter utramq; intersit: fallacine perspiciet,  
 qui ad utriusq; actiones animū diligēter attendet. Qui  
 enim christianæ liberalitatis, mansuetudinis, temperan-  
 tiæ, &



DE NOBILITATE CHRISTIANA.

tiq; & reliquarum uirtutum omnium officia examina-  
uerit: eaq; cum humane uirtutis actionibus contulerit:  
intelliget plane, nihil aliud esse mentē hominis uere chri-  
stiani, quam christi ipsius sacrarium, atq; templum, in  
quo sanctissime Triadis numen inhabitet. Sic enim in-  
quit ille, ego & pater ad eum uenimus, et mansionem  
apud eum faciemus. Et alibi, habitabo in eis & in-  
ambulabo. Paulus uero non semel christianas mentes,  
sancti spiritus fana, atq; delubra appellat. Cū igitur  
Deus ipse, in eorū animis, qui christi uiam sequuntur,  
quasi sedem, atq; domicilium collocarit: ut eos præ senti  
numine incendat ad studium diuinę uirtutis imitandę:  
ridiculum est, aliquam humane uirtutis speciem, isti  
præcellentiſsimę comparare.

**Q**uid autē de nobilitate dicam? Nam si uere, sa-  
pientes homines, nobilitatem uirtute metiuntur:  
eamq; nihil aliud putāt, quam gentē, eximijſ uirtutibus  
illustratam: ea profecto gens que diuinis uirtutibus ex-  
culta est, à diuina progenie aliena esse nō poterit. Itaq;  
non timide, & titubanter, sed maxima uoce, ac elato  
animo dicimus, christianum genus, diuino satū editum  
esse. Atq; non ita satū, ut illa Heroum natio, quę  
est apud Homerum. Illi enim, cum propter egregiam  
aliquam actionē, inter omnes excellerēt, facile euentie-  
bantur



bantur nobilitatem: generisq; principiū, ad falsa quēdam, et impia numina referebant. Nos uero, non Iouem, aut Liberum, sed summū, atq; prepotentē Deum uere patrem nominamus. Neq; licet cuiquam de tanta claritate sine nefario scelere dubitare: cum id, innumeris sacrarum literarum testimonijs, compertum, & exploratum habeamus. In primis Ioannes Diuinitus testificatur, eos qui Christum receperunt, isto preclaro beneficio affectos fuisse, ut filij Dei efficerentur. Ita ut iam nullo modo, in illa serie, quę sanguinis communionē continetur, aut in illa familia, in quam adoptati fortasse sunt, censerentur: sed in diuina stirpe atq; sobole numerari debeant. Videte (inquit alio in loco) quantum beneficium contulit in nos pater, ut filij Dei nominemur. Quid autē Paulus? Quā multis in locis: quā preclare, atq; magnifice, de ista eximia nobilitate disserit: ueluti cum Christum fratrem nostrum maiorem nominat: cum nos spiritus diuini beneficio, in Dei familiam adoptatos esse dicit: cū maximis uocibus illum rerum omnium conditorem, parentem nostrum appellat. Sed quod iam grauius, quā ipsius Christi testimonium requirimus? Nunciabo (inquit) nomen tuum fratribus meis, in medio ecclesię laudabo te. Et alibi, nolite uocare uobis patrem super terram: unus est enim



# DE NOBILITATE CHRISTIANA.

pater uester coelestis. Tum postremo illud, ascendo ad patrem meum, & patrem uestrum, Deum meum, & Deum uestrum. Aetas me deficeret, si uellem omnia testimonia colligere: diuinam istam generis claritatem confirmantia. Sed hæc satis superq; sunt, ad alia præsertim properantibus. Illud autē admonere non alienum puto: non esse plures, atq; diuersas nationes, in quibus diuina claritas eniteat. Quamuis enim sanguine disiuñctæ, conditione dispares, locis infinite sint: postquam tamen omnes unum in locum congregatæ sunt, ut apud Christum imperatorē sacramento dicant: omnes repente eodem agnationis, et propinquitatis uinculo constringuntur. Nam et sanguinis necessitudinē, quo antea discretæ erant, reliquerūt: et in diuinā familiam adoptatæ, in qua nullum est generis discrimen, omnes eadem gentilitatis iura tenuerūt. Postquā enim aquis salutaribus expiati, magna ex parte abiecerunt illam uetustam peccati consuetudinē: et primi parentis imaginē deposuerunt: amisq; priore uita, quasi iterū nati, in nouam ingredi coeperūt: facta est continuo mentis humanæ renouatio, & ornatus incredibilis exortus est: ita ut uix iam uestigiū ullum infirmitatis humanæ relinquatur. Non igitur ille nobis dies natalis celebrandus est, quo in lucem istam editi sumus, ad omnes uitæ misérias et acerbitates nati.

Ille



Ille inquam, ille est natalis dies incredibili lætitia, et uoluptate celebrāndus, quo die nobis diuina lux oblata est: salus atq; libertas Christi optimi maximi beneficio constituta. Nec enim tam eorum parentum liberi appellandi sumus: per quos ista misera mortaliq; uita fruimur: quā ipse Deus, a quo diuinum istud uitę genus habemus: & per quem immortalitatem aliquando consequemur. Iecirco quamuis genus mixtum, et uariū ex omnibus fere nationibus, locis, moribus, natura, diuinitatibus ad istam sanctissimi fœderis societatem ascitum sit: una tamen gens ex omnibus gentibus efficitur: eadem omnibus sacra sunt: eadem gentilitatis stirps & origo. Generis principium (ut est superius ostensum) ipse Deus est: qui nutu condidit, atq; continet uniuersa: in quem omnia cupiditate incredibili referuntur. Ipse enim nos generauit: diuinisq; muneribus ornauit: & in hæreditatem immortalis glorię uocauit: omnibus denique ornamentis cœlestibus affecit. Quid iam altius animo fingi potest, aut magnificentiū, quā humo excitatum esse genus humanum, ut ascendat ad quendam diuinitatis gradum, atque amplitudinem? Ostendet iam qui uolet, imagines suas: nobilitatis seriem a stirpe repetat: Herculem aut Heroum aliquem generis sui Principem, & autorem



DE NOBILITATE CHRISTIANA.

leuissimo orationis genere confirmet: aut si commodum est, dicat se Ioue prognatum patre: dum modo nobis uere liceat, immortalem Deum parentem nominare: quod quidem maxime licet, cum intus inclusum nūmen sentiamus, quod istius diuinæ claritatis tanquam pignus habemus. Nullū enim certius, aut gratius testimonium dici potest: quā illud spiritus sancti donum, in christianos homines magnificentissime collatum: quo inflammatur studio rerum diuinarum: et in omni genere uirtutis uigilantes efficiuntur: quod animis pax, et gaudium, et caritatem incredibilem conciliat. Istud igitur presentis numinis subsidium, eiusmodi est, ut nos infirmo animo atque spe esse non sinat. De quo ut commodius differamus ipsius christiani nominis ratio, atque dignitas explicanda est: cuius originem paulo altius repetemus. Illud autem cum sit uulgatissimum, non necesse est admonere: Christi nomen, ab uocatione ductum. Siquidem *ΧΡΙΣΤΟΣ* apud Græcos, idem ualeat, quod ungi apud Latinos.

**F**uit olim unguentum quoddam sanctum, et religiosum, incredibili ceremonia constitutum: quo solebant ungi designati sacerdotes, Reges, atque prophetae. Nemini autem unquam fas fuisse, in sacerdotium uenire, aut ad regiam dignitatē ascendere, nisi isto sacro



cro ungueto fuisset antea delibutus, uulgatius est, quàm  
 ut cuiusquam explicatione egeat. Quo pacto autem  
 prophete, etià illo perfunderentur, ex regum historijs  
 intelligimus. Illic enim imperat Deus Heliç, ut ungat  
 Azaelem atq; Ieum: et eorum alterũ Sirie regno, al-  
 terũ Samarię preficiat. Addit deinde, Heliçũ autẽ  
 filium Saphat, unges prophetam pro te. Itaq; neq; re-  
 gnum administrare, neq; sacerdotiũ inire, neq; uatibus  
 etiã interdũ diuina mente aliquid in posterũ presenti-  
 re, aut arcani quippiam interpretari licebat: nisi prius  
 fuissent, unguento illo rite perfusi, atq; cõsecrati. Non  
 quidem quod esset ea uirtus in cassia, aut cinamomo,  
 aut in reliquis odoribus oleo cõmistis, ut sine illis existi-  
 memus, neminẽ ad honores summos peruenire potuisse.  
 Sed nimirũ, aliud unguenti genus erat occultũ, atq; di-  
 uinum, cuius istud à Mose compositũ umbram et ima-  
 ginem gerebat: sine quo, nemo pro dignitate regnũ tue-  
 ri potest: nemo sanctissimis sacerdotij muneribus caste  
 fungitur: nemo deniq; diuino motu animi futura perspicere.  
 Nec est enim aliud hoc genus unctionis, quàm diuini  
 numinis præsens auxilium: et coeleste munus, apud men-  
 tes castas et puras, diuina benignitate collocatũ: cuius  
 uirtute, multi in terris positi, cœliũ iura sunt quodam-  
 modo consecrati. Hoc est illud unguentũ, quo Christus  
 fuit



DE NOBILITATE CHRISTIANA.

fuit copiosissime perfusus: quemadmodum scriptum est. Spiritus domini super me, eo quod unxerit me. Daniel autem non modo de hac unctione prædixit: sed tempus etiam septuaginta hebdomadarum præfinitum esse monstrauit: intra cuius temporis fines, futurum erat, ut elueretur omnis peccati macula: et sceleris improbitas expiaretur: et sanctorum princeps ungeretur: non unguento aliquo, cuius breuem, et fluxam uoluptatem sensu corporis usurpamus: sed illo cuius uoluptatem sempiternam, mente sentire possumus. Vt planius alio in loco demonstratur. Quem unxit Deus (inquit ille) spiritu sancto, et uirtute. Cum autem omnia munera, quæ fuerant præcis temporibus adumbrata, et diuersis hominibus distributa, fuissent excellenter, atque simul, omnia in Christum conferenda: nam et regnum illius sempiternum, atque summum sacerdotium diuinis oraculis prædictum erat: et eximius propheta fuerat multis ante seculis nominatus: cum igitur omnibus gloriæ ornamentis, atque summis honoribus fuisset supra omnes mirabiliter honestandus: par fuit, ut præ omnibus eiusdem hereditatis, atque gloriæ consortibus ungeretur. Vt est in psalmorum libro. Dilexisti iustitiam, et odisti iniquitatem, propterea unxit te deus deus tuus, oleo lætitiæ, præ consortibus tuis. Myrrha gutta, et cassia, distillauerunt a uentribus tuis. His itaque odoribus,



ribus, et unguētis affluens, unde etiā Christi nomen habet: rex regū factus, summū item sacerdotiū consecutus, et omnium diuinorū consiliorum particeps, atq; administrator effectus, ita gubernat uniuersa, ut etiā pacem nobis à Deo patre cōciliat: et omnē sapientiē disciplinam, & res ab humana scientia remotissimas, mentibus nostris inspiret. Omnia igitur illa potestatis, sanctitatis, atq; diuinitatis ornāmēta, uno Christi nomine continentur. Cum autē ex eo quod in rege Christo redundauit: ad illos etiā defluxit, qui eius uiam, et auctoritatē secuti sunt: quos fratres, socios, bonorū omnium cōsortes appellat: iure, atq; merito factū est, ut christi nomē obtineāt: et uel quod uenerētur Christum, uel quod eiusdem unctionis participes existāt, christiani nominentur. Sic enim est apud Ioannem. Vos unctionem habetis à Sancto, & nostis omnia. Et paulo inferius. Vnctio quam accepistis ab eo, manet in uobis: et non necesse habetis ut quisquam doceat uos: sed unctio eius docet uos de omnibus. Cum autem uirtus istius unctionis eiusmodi sit, ut reges creet: sacerdotes constituat: mentes diuinis motibus inflāmet: dubium nō est, quin omnes uere christiani, istorū ornamentorum omniū partem consequantur. Non enim solum regnū possident: et ad sacerdotiū delecti sunt ut inquit Ioannes in apocalypsi: sed habent



DE NOBILITATE CHRISTIANA.

etiam magnā occultarum, atq; diuinarum rerum notitiam. Rectius enim, ut hic de regni illius futuri immortalis atq; diuini, opibus reticeam, Regem appellaueris eum, qui in cupiditatibus moderandis, et uitij animi coercendis, diuinis legibus utitur: omniaq; dirigit, ad Christi regiam disciplinam atq; normam: quā principem dedecori, atq; turpitudini tanquā uile mancipium seruientem. Rectius sacerdotē illum, cuius sancta atq; pura precatio, lōge multumq; priscū illum sacrificium, uel matutinum, uel uespertinum, ad religionem antecellit: quā Caiapham, qui manibus consceleratis sacra nefaria peregit. Rectius uatem illū, qui diuino afflatu multa cognoscit, quę sunt supra hominis ingenij: certissimamq; salutis uiam exploratā habet: quā Balaam, qui cupiditate cæcus perniciem sibi paratam non uidit. Diuinitus igitur illud Moysis elogiū, ab apostolorum principe, cū de dignitate christianorū differeret, usurpatum est. VOS (inquit) GENVS ELECTVM, REGALE SACERDOTIVM. Vide autē quomodo cum regia dignitate sacerdotiū copulauit. Nulla enim ratione uult has dignitates a se inuicem disjungi. Nec enim caste fungi poterit sacerdotio, q neq; se, neq; alios iuste rexerit: nec is qui iustitiā regie colit, honore sacerdotis carere poterit. Non quidem, ut continuo sacra

omnia



omnia possint administrari, per illū, qui honeste uixerit. Sic enim omnium munerū confusio induceretur: & omnes dignitatis gradus tollerentur: qua quidem re nulla capitalior esse potest. Erit tamen sacerdos, omnis qui iustitiā excoluerit, ad illud sacri genus rite peragendum, quod est, exhibere propriū corpus hostiam uiuentem, sanctam, Deo placentē, et cultum, ē pia mente atq; ratione depromptum. Quid deinde sequitur? GENS SANCTA, POPVLVS ACQUISITIONIS, VT VIRTUTES ANNUNCIETIS EX EO, QVI DE TENEBRIS VOS VOCAVIT IN ADMIRABILEM LUCEM. Iam quod dicit sanctum, quod ē tenebris ereptum, & in lucem admirabilem, hoc est in diuinarum rerum, atq; cœlestium notitiā uocatum, spiritus sancti beneficium est, numine suo mentem interiorius illustrantis, et cōmouentis, atq; ad summa omnia perducentis. Hoc autem cuiusdam diuinitatis esse, prophetiæ q; dignitatem attingere, quis nō uidet? Nec est enim aliud prophetiæ munus, quā rerum occultarum, quarum uel inuestigatio, uel inuentio, supra naturam humanam est, per diuinū numen facta demonstratio. Cum igitur tam multa nobis supra sensus hominis à Deo in lucem prolata sint: dubitamus, quin uersetur in animis nostris præclara quædā diuinitio: atq;



# DE NOBILITATE CHRISTIANA.

atq; certissima multarum rerum presensio? Quid enim aliud est fides, qua insigniti, atq; fundati sumus uniuersi, quam certissimū argumentum earū rerum, quas indispisci speramus: animis nostris per diuinū numen infusum? Ita fit, ut numinis ipsius instinctu, nobis ea polliceamur, quę humanā cogitationem longe superāt: quod iam sine dubio pertinet ad officiū uaticinij. Non uulgari igitur aliquo Dei optimi maximi dono, atq; munere, hoc christianorū nomen commēdatum est: sed multis, atq; præstantissimis ornamētis affectum. Sicest enim diuino spiritu afflatum, ut regiam dignitatē obtinere, præclarissimum sacerdotiū habere, et diuinę mentis uiribus ad futuram immortalitatem excitari possit.

**S**ed quoniam de nominis tam sancti atq; augusti origine, & dignitate diximus, pauca etiam de illius antiquitate dicenda sunt. Non quidem quod magnopere inter sit, ad christianę gentis celebritatē, quā multas imagines suorum enumerare ualeat: aut quam multis ætatibus ab illa fuerit claritatis possessio retenta. Cum enim generis principium ad Deum referat: inuidiam nouitatis non formidat. Sed ne uideātur exclusi, non pauci, qui in ista familia principem locum tenuerunt: & quorum diuina uirtus multis in locis enituit, sermonem etiam de tempore instituendū putauī. Non est enim



est enim cur huius nominis ortum, ex Antiochię gestis repetamus, in qua primum (ut est apud Lucam) christiani uulgo nominati sunt. Quamuis enim tum primum uulgari cœpisset: multo tamen antequā Iesus oriretur in terris, uersata est inter homines huius nominis dignitas & amplitudo. Siue enim quod Christi disciplinam & imperium sequantur, christiani nominati sunt: siue ab unctione illa cœlesti nomen istud ductum est: siue (quod magis reor) utrunq; ualuit ad huius nominis rationē, quod scilicet, et in Christi uerba iurarent, & eiusdē unctionis participes extiterint: quis erit tam amens, ut Mosē ab hac familia sciungat? Qui Christi contumeliā in se accipere maluit, quā regio luxu circumfluere. Quis Iacob, qui Christum scalis innixū summa religione ueneratus est? Aut Isaac, qui ut hostia Deo consecratus, Christi supplicium adumbrauit? Aut Abraham, qui Christi diem uidit, & eius aspectu fuit eximia, atque incredibili uoluptate persusus? Quis porro Dauid, ab ista gentis serie discernendum putet? Cum quo fœdus illud, de Christo ex eius stirpe generando, quondam cum maioribus ictum, sanctissime renouatum est. At quem uirum? Qui omni nitæ ratione, se præstitit in omni christiana uirtute excellentem. Infinitum esset, si omnes illos

quā



DE NOBILITATE CHRISTIANA.

qui ante legem fuerūt, et lege instituti sunt, enumerare contendam. Hoc unum dico, quod est ab omnibus testatum: neminē unquam fuisse eximia pietate atq; uirtute uirum, qui christum toto animo cōplexus non fuerit. Res per illum gerendas, uates diuino numine concitati cecinerūt: ad illius studium, et cupiditatem, sanctissimi reges exarserunt: illius imaginē, multi uiri omni genere uirtutis ornati, quamplurimis signis expresserunt. Et quemadmodum cū in speciem triūphi, hierosolymā inuectus est, innumerabili turba circumfluent, cuius pars antecedens uestibus uiam sternebat: pars uero sequens maximo plausu gratulationē significabat: una tamen uox omnium audiebatur, quæ illius uirtutem inuictam celebraret: sic etiam et prisca illi heroes, uiam Christo munierunt: & posteri Christum ardentissimo studio sectati sunt: & omnium uoce, unius regis, atq; domini laudes in cœlum efferuntur. Hoc illud exemplum fuit, quod Mosi proponebatur ad imitandum. Inspice inquit illi Deus et fac, secundū exemplum quod tibi in monte monstratū est. Nec Mosi solum, sed omnibus illis in quibus fuit singularis pietas, atq; summa sapientia, qui omnes illas opes animi quibus floruerunt, per Christum unicum rerū humanarum perfugium consecuti sunt: quem fide persuasit uenturum sperabāt: quem

tam



iam animo ut præsentem intuebantur: & ex cuius uoluntate omnia pietatis atq; religionis officia seruabāt. Vt autem illud omittam, quod non omnino illius aspectu caruerunt: non enim semel sese conspiciendum illis sanctissimis hominibus exhibuit: ut Mosi cū multis in locis, tum in illo rubi incendio atq; flamma: ut Esaie in illa sede regia atq; diuina collocatus: ut multis alijs quos non est facile percensere: ut igitur hic non persequar, quomodo multi ex illis, Christum in aliqua forma latentem aspexerūt: illud certe constat, omnes illos ad christiana disciplina rationem uitæ officia omnia perpendisse. Cum enim animaduertas, Mosem supplices manus ad Deum tendentem, et pacem atq; ueniam inimicis implorantem: dubitas, quin ad Christi præcepta omnes actiones uitæ direxerit? Vt interim de reliquis sileam, qui magnitudine animi, incredibili mortis contemptione, singulari clementia, & reliquis uirtutibus, Christi disciplinam egregie præstiterunt. Quid enim opus est singulorum res gestas exponere? Qui in uitam Samuelis inspiciet: qui res ab Ezechia gestas animaduertet: qui Iosiam, qui uates illos omnes intuebitur: et reliquos eiusdem ordinis homines considerabit: intelliget plane, illos magis ad legis finem, hoc est ad Christum, quam ad ipsam legem officia uitæ accommodasse.



DE NOBILITATE CHRISTIANA.

modasse. Si igitur christianos dictos esse placet, ex eo quod Christi disciplinam sequantur: nemini dubiū esse potest, quin & illi qui Christum nasciturum prospexerunt: et in illius doctrina, et beneficio omnem spem salutis repositam habuerūt. christiani nominari possint. Si uero mauis, nomen ab unctione deduci: neq; sic ulla causa est, cur dubitemus fuisse illis nomen hoc insigne communicatum. Sic enim de Abraham, et eius liberis scriptum est, nolite tangere christos meos, & in prophetas meos nolite mali quippiam moliri. Quos christos Deus appellat, satis perspicuum est, non legis unguento, quod nondum fuerat institutum, sed illo diuino fuisse delibutos, et ea de causa christos appellatos. Sed quid attinet de isto spiritus sancti dono, atq; munere plura dicere? Nunquid parū manifestum est, neminem, postquam illa criminis plaga iniecta est generi humano, potuisse ullam ueræ uirtutis actionem suscipere? Ergo quicunq; uirtutis atq; pietatis religionem coluerunt, id nō uiribus suis, sed diuino numine assecuti sunt. Quicunq; enim illorum hominū memoria, ingenij, atq; naturę opibus diffusus, ad Deum confugit: ab illoq; misericordiam, atq; clementiā implorauit: facile experius est, diuinę benignitatis magnitudinem: animumq; antea perculsum, et afflictum, diuino presidio recreari, et ad  
omne



omne uirtutis genus incitari sensit. Nihil itaq; memorabile, nec in rep. constituenda, nec in sacrorū religione atq; cultu, nec in rebus bellicis effectū est: nisi spiritus sancti numine mentē principis alicuius excitāte, et comouente. Vnde illud est, factus est super lepte spiritus domini, et irruit spiritus domini in Sansonem, et insiluit spiritus domini in Saulē, et eiusmodi sexcenta, sacrarum literarū monumentis aeternitati cōmendata. Dubitas igitur illos homines, in christianorū ordinem, atq; dignitatē renocare: qui eodem quo nos diuini spiritus munere, affecti fuerunt: et qui omnia salutis praesidia, in Christo constituenda putarunt: cuius unius beneficio ad eam quā adepti sunt, dignitatem, peruenire poterant. Nec enim est aliud humanę calamitatis subsidium: nec aliunde spes salutis ostēdi potest. Omnes igitur illi, qui ab humili conditione seruitutis abhorrētes, usq; eo progressi sunt, ut adoptionis spiritu fruerētur: gentiles, atq; maiores nostri sunt. Ipseq; Abraham parens noster est. Magisq; ab illo nati sumus, cum illius similitudo ad nos peruenerit: nosq; simili pietate, illius fidem referamus: quā ij, qui se ortos ab illo putant: neq; tamen domestico exemplo, à scelere, et impietate reuocantur. Cum enim in ista diuina cognatione, omnia sint à sensu corporis, ad mentis dignitatem conferenda:



# DE NOBILITATE CHRISTIANA.

non multum refert, cuius sanguine procreatus sis: sed cuius uestigijs ingressus, uitam instituas. Merito igitur, animi illorum, qui inani nobilitatis opinione tuebant, à Christi præcursore comprimuntur. Non dicatis (inquit) patrem habemus Abraham. Potens est, enim Deus, de lapidibus istis suscitare filios Abraham. Deinde uehementer illis comminatur. Iam inquit securis ad radicem arboris posita est. Fuit illis quidè securis iniecta: qua, à generosa stirpe excisi sunt. Nos autem rursus inserti in illam sumus. Illi itaq; qui se summo loco natos arbitrabantur: ad summam ignobilitatem redacti, conuitia illa merito, atq; iure sustinent, generatio praua atq; adultera, et germina uiperarum, & alia complura. Nos autem qui obscuro, et humili loco nati eramus, in Abrahami familiā translati sumus: & in maioribus nostris, omnes illos reges atq; principes numeramus. Non tamen id miseri homines intelligunt. Sed quemadmodum se Iudeos appellant, cum non sint: ita Abrahami nomine gloriantur: cum à florentissimi illius generis dignitate, iam multis seculis, sint deiecti: et nunc uagi, et exules errent: undiq; exclusi, & ornamentis omnibus spoliati. Nos, nos inquam uere Iudæi sumus, modo generis antiqui dignitatem iustitia atq; pietate tueamur. Nam si carnem non  
circunci-



circumcidimus: animi circumcisionem libenter amplectimur. Pascha uero si non agni sanguine consecramus: Christum pro nobis immolatum ueneramur: cuius sanguine insigniti, omnem à nobis pestem, et uastitatē depulsam esse confidimus. Et si à fermento non abstinemus, uetusti tamen sceleris contagionem formidamus. Quid multis opus est? omnes illas ceremonias, ab antiquis institutas, summa religione recipiendas arbitramur. Omnia tamen, ut christiana dignitas exigit, ab illa corporis consuetudine, quæ iam temporibus ita postulantibus sepulta est: ad diuinam uirtutem intus inclusam, esse conferenda putamus. Illum autem Iudam generis, atq; nominis principem habemus: de quo diuinitus scriptum est, iuda te laudabunt fratres tui: manus tua in ceruicibus inimicorum tuorum: adorabunt te filij patris tui. Quod quidem uaticinium ad Christum spectare, nemo sanus ambigit. Vtrum igitur illi potius, qui disciplinæ ueteris umbram tantum inanem consecretantur: & salutem diuina clemētia constitutam, & à lege contestatam repudiant, Iudæi appellandi sunt? an illi potius, qui illius disciplinæ sapientiam, literis occultatā, summa religione colunt? Vtrum deinde est æquius, asseuerare, illos ab Abrahamo ortos esse, qui ab illius uirtute degenerarunt: et in Deum  
m. contuma-



DE NOBILITATE CHRISTIANA.

contumaces, atq; rebelles extiterunt? An illi potius, qui *Abrahami* gloriam adamarunt: & ueræ religioni libentissime paruerunt? Quemadmodum igitur illi uiri excellentes, christiano uitæ splendore nobilitati sunt: ita & nos, qui illorum uestigia persequimur, iudaici nominis laudem & gloriam obtinemus. Nullum itaq; iam discrimen generis, nulla sacrorum distinctio, nulla dissimilitudo uitæ relinquitur. Siquidem omnia quæ hostili odio antea dissidebant, omnium necessitudinum uinculo constricta sunt: per summum illum patris interpretem, qui non solum humanis diuina conciliavit: sed etiam diuersissima hominum studia, & dissimillimam uitæ rationem ad summam concordiam adduxit: & ex rebus maximo intervallo distinctis, incredibilem concentum effecit. Si igitur *Abraham* gentilis noster est, quis prohibet, quo minus eos etiam, qui illo longe uetustiores fuerunt: & eiusdem fidei atque religionis consortes extiterunt: in eiusdem familiaræ dignitate contineri existinemus? Quid autem dico uetustiores? Immo uero ab uniuersitatis primordio, licet huius gentis celebritatem repetere. Quid enim hic referam diuinos illos homines, ad omnia summanatos? qualis *Abel* fuit, cuius oppressi, et occisi sanguis, eas uoces mittebat, quæ in cælum penetrarent:

atq;



atq; ad aures diuinas peruenirent. Qualis item fuit ille, qui à Deo raptus est, nec amplius in terris apparuit. Quales alij permulti quos Mosis testimonio diuinitus celebratos animaduertimus. Quid igitur antiquius? Quid uetustius christianæ gentis splendore dici potest? quæ iam ab illo tempore quo iste rerum ornatus, & pulchritudo constituta est, in summa dignitate fuit: quæ singulari fide, eximia uirtute, incredibili sanctitate continuata, usq; ad Christi aduentum permansit: et quæ antea firmo animo atq; spe se omnia consequi posse per Christum confidebat: omnibus nunc ornamentis Christi beneficio redundat. Quid enim iam illi ad laudem & gloriam deesse potest? Nam si uirtute decus excolitur, in sola christiana gente ueræ uirtutis decus, et solidæ dignitatis lumen elucet. Si maximorum hominum gloria, genus commendatur: innumera multitudo est, eorū qui huius claritatis possessionem perenni uirtute tenuerunt. Si antiquitate conciliatur amplitudo: nihil est in hominum genere, quod quidem sit antiquius.

**S**ed quoniam non est satis differere de uniuerso genere uirtutis: nisi etiam aliquam partem persequere: non alienum erit, posteaquam de christiana uirtutis dignitate generatim diximus: et antiquitatem nobis



DE NOBILITATE CHRISTIANA.

litatis ostendimus: nunc de singulis disputare. Non quidem de omnibus, esset enim infinitum: sed de ijs tantum, quæ magis cursum ad decus & gloriam aperire, atq; ad nobilitatis splendorem uiam munire uidentur. Quod si uirtus est genus maximis uirtutibus illustratum: maximæ autem uirtutes appellantur illæ, quibus qui sunt præditi, non utilitati suæ consulunt: sed communi saluti prospiciunt: quales sunt iustitia, liberalitas, & animi magnitudo: certe, uel ea solum ratione perspicuum est, in solis christianis esse summam nobilitatem: cum soli sint illis uirtutibus cumulati, quæ genti ueram claritatem et splendorem pariunt. Vt autem ab illa uirtute, quæ omnium habetur maxima: principium sumamus: illi soli possunt colere iustitiam, qui nulla cupiditate impediuntur: nullo motu iracundiæ, à mentis statu deducuntur: nullius odio, aut offensione commouentur. Qui postremo, non hominum rumori seruiunt, sed ipsa recte factorum conscientia sustentantur. Quando enim animus fuerit ira, aut cupiditate, aut reliquis eiusmodi morbis implicatus, non facile cohiberi poterit: quin uel appetat alienum: uel manus afferat alicui: uel quauis alia ratione faciat iniuriam. Quin etiam ille, qui omnes hominum rumores intuetur: & ea de causa, in iustitiam incumbit: non iustitiam tuetur, sed simulatione



latione, & inani iustitię ostentatione laudem aucupatur. Propterea enim quod innocentię nomen cupit obtinere: tantisper dum testes habuerit, sese in officij regionibus cōtinebit: infamię autem timore sublato, non dubitabit, iura omnia commodi alicuius gratia uiolare. Quare ut ij, quorum mentes humi defixę, et uarijs animorū tempestatibus agitatę sunt, qui res humanas admirantur, et in illis omnia ponunt, iniuria abstinere nulla ratione possunt: ita illi, qui mētes inuictas a cupiditate, et ab omni perturbatione liberas habent, qui negligunt humana, et in diuina suspiciunt, iniuriam nemini conflare possunt. Nec enim nūc de ijs loquor, qui nihil habēt christianorum pręter nomen: cum re ipsa sint ab omni pietatis religione remotissimi: sed de ijs tantum, qui uerę christiani sunt: Christiq; moribus et institutis uiuunt. Quo enim modo eiusmodi hominem ad iniuriam inferendam impelles, qui neq; cupiditati seruire, neq; libidine incēdi, neq; ægritudine ulla frangi potest. Num existimas illum pręmijs ad iniquitatem pellici? At omnia humana contemnit, & pro nihilo ducit. Num supplicij metu? Sed frustra illi comminaberis: qui iniustitię turpitudinem instar omnium suppliciorum putat. Odio fortasse inquires, aut offensione aliqua cōcitatus, inferet iniuriā. At nullum odiū maius esse poterit eo,  
m iij quod



DE NOBILITATE CHRISTIANA.

quod in improbitatem conceptum perpetuo continebit: nec ulla offensione laceſſitus, animū inducet, ut optimi domini a: q; parentis uoluntatē offēdat. Quid autem (ut uno uerbo dicā) iniquitatis ſuſcipiet iſ: cuius omne uite ſtudio, in omnium hominum caritatem comparatum eſt? Qui inimicitias perſequi facinus neſarium putat: iniuriā ulciſci ſcelus, atq; flagitium. Qui id quod proxime accedit, ad diuinā beneficentiam: eam mentem habet, ut inimicis etiam benigne faciendum putet. Eſt enim Dei maxime proprium, indigniſſimis etiā miſericordiam impertiri: neſtis et impuris hominibus, huius lucis uſuram largiri: flagitioliſſimis quibusq;, magnorum interdum commodorum facultatem tribuere. Qui non ſtatim, ut quiſq; facinus aliquod neſarium ſuſcipit, in ſcleratorum poenam detrudit: nec agit præcipientem in æternæ miſeriæ regionem: ſed ſpatium dat reſipiſcendi: & incredibili clementia uocat ad ſanitatē: ut tandem in uiam redeuntibus ignoſcat. Huius autem diuinę benignitatis imitandæ, tanto ſtudio efferuntur, ij qui ſequuntur Chriſti diſciplinam, ut uel in ea, ſummam religionis eſſe ponendam ſtatuant. Iccirco, neq; conuiſijs laceſſiri commouentur: neq; uexati maledictis incēduntur: nec iniurijs prouocati ultionē ullam machinantur. Immo quod plane diuinum eſt, certamen  
illud



illud sibi propositum existimant, ut inimicorū improbi-  
tatem, beneficiorū magnitudine uincāt: et eorum etiam  
saluti cupiant esse consultum, à quibus per summū sce-  
lus oppugnantur. Istos igitur existimas, ad iniquitatem  
impelli posse, qui neq; cupiditate frāgi, neq; timore de-  
bilitari, neq; odio ullius immoderato incendi possunt?  
Qui etiā in hostes omnia mansuetudinis officia confe-  
runt? Qui postremo tūc se putant maximum lucrū fa-  
cere, cum omniū commoditatibus inseruiūt? Nam quid  
ego de liberalitate dicam? cū illud constet, omnia ferme  
uiuendi pręcepta, quę à summo illo doctore nobis tradi-  
ta sunt, ad misericordię, atq; beneficentię rationē maxi-  
me pertinere. Nec enim, ad ullius uirtutis officiū studio  
maiorē nos instruit: neq; frequentius aliquid inculcat:  
neq; rursus uitii aliquod acrius reprimit, atq; uehemen-  
tius, quā auaritię et crudelitatis immanitatem. Atq;  
adeo, cum ponit ante oculos, illius extremi iudicij seue-  
ritatem: et ostēdit, qui meritis in cœlum euocandi sunt:  
qui rursus in impiorū sedem, atq; tenebras detrudendi:  
non alia officia enumerat, quā ea, quę ex clementia et li-  
beralitate depromuntur: nec nominatim alijs cōmina-  
tur, quā feris et inhumanis hominibus. Hosti tē inquit  
me non recepistis: nudum non operuistis: infirmum non  
uistastis: et reliqua oīa eiusmodi. Quod quidem non sic  
m iij est acci-



DE NOBILITATE CHRISTIANA.

est accipiendum, ut putemus, aditum ad gloriam esse reliquis uirtutibus interclusum: aut reliqua facinora, non esse supplicio acerbissimo punienda. Quid est igitur in causa, cur alia non cōmemoret? An ob id, quod quemadmodū nulla uirtus est, quę magis dei bonitatem referat, quā humanitas et beneficentia: ita nihil est tētrius: nihil odiosius, nihil magis diuinis placitis alienum, quā crimen auaritię et immanitatis? Cum igitur futuri iudicij rationē exposuisset: nō necesse habuit omnia officiorum genera persequi: sed ea tantum uoluit oratione complecti, quę sunt in omni uita prestantissima. Nec enim quidquā in terris fieri potest, quod Deo sit acceptius: quam ferre opem miseris: prębere per fugiū afflictis: tribuere misericordiam perculsis: beneficijs iuuare quamplurimos: bene de uniuerfis promereri. Nullū est remedium presentius, ad omnes morbos animi depellendos: nulla in cōlū uia expeditior. Omnes igitur qui non solum nomine christiani sunt: sed qui uita etiam, atq; moribus cum Christi disciplina congruunt: huic uni uirtuti precipue incumbunt: eandē perpetuo studio colendam putant: in ea deniq; magnum robur, atq; firmamentum salutis ponendum arbitrātur. Tum demū se existimant, illius institutum atq; exemplum sequi, qui diuinis et immortalibus opes nobiscum cōmunicauit: cum omnes suas  
opes



opes in utilitatem omnium conuertunt. At uide quātus sit christianę liberalitatis splendor: quanta dignitas, et amplitudo. Satis amplam sibi beneficentię laudē uulgo quesisse uidetur, ij qui ex eo quod sibi superat, alijs gratificatur. Maxima deinde pars, ipsius liberalitatis officia, adeo angustis regionibus definit: ut nemini se quippiam debere, nisi sibi, atq; suis arbitretur. Si uero beneficia in alienos conferenda sint: apud eos collocat, qui uidentur posse referre gratiā cumulatius. At uero, qui se Christi disciplinę penitus dediderūt: non solum in pecunię abundantia, sed etiā, in angustijs, omnia benignitatis officia tuentur. Deinde neminē putant alienum, cui possint opitulari. Postremo nō tam in eos benefici sunt, a quibus possunt officij fructum repetere: quā in illos, qui propter omnium rerum inopiam, et egestatem, minime idonei sunt, ad gratiam referendam. Nec ij sunt ullo modo, qui pecuniam tantū, qua quidem nihil est homini christiano uilius, profundant: reliqua uero consilij, uirtutis, industrię, diligentię officia negligant. Immo quicquid ingenio, labore, studio, uigilantia, perfici potest, semper pro aliorum salute libentissime suscipient: nec ullo capitis periculo ad aliorū hominum, præsertim christianorum pericula propulsanda, impediuntur unquam. Tanta est enim inter eos, qui Christi præ-  
ceptis



# DE NOBILITATE CHRISTIANA.

ceptis conformati sunt, in religione colenda conspiratio: tanta officiorum omnium societas: tanta denique amoris coniunctio: ut nemo propriam salutem, aliorum saluti putet antepponendam. Non igitur est cur admiremur, tantam multitudinem extitisse eorum, qui ut aliorum indigentiam subleuarent, patrimonia sua profuderunt: cum multi etiam, ut aliorum salutem constituerent, uitam propriam fortissime dimiserunt. Quid autem necesse est in tanto numero, aliquos per censere. Ab omnibus enim ista caritatis officia, in ecclesie primordio colebantur: & nunc non ab uniuersis deservuntur. Sunt enim, sunt non pauci, qui non modo contemnunt omnes opes & facultates: uerum etiam si res ipsa postularet, uitam pro aliorum incolumitate libenter abicerent. Semper enim christianae uirtutis atque probitatis lumen eluxit. Patuit aliquando latissime, et quamplurimos illustrauit: aliquando autem pauciores: semper tamen eundem splendorem retinuit: atque in perpetuum retinebit. Nec enim ab hominibus ortum habet: sed a Deo rebus humanis allatum est. Nunquam igitur deerunt, qui non modo communem salutem omnibus suis commoditatibus anteponant: sed etiam uitam libentissime pro omnibus impendant. Fuit autem hoc in ista coelesti disciplina, ut alia omnia admiratione



tione longe dignissimum. Cum enim homines, ad amoris coniunctionem nati sint: euenit tamen, ut uitijs, atq; cupiditatibus impediti, rarissime sese ad amicitiae studium applicarent. Itaq; per tot secula, uix duo, aut tria amicorum paria, reperta sunt, à quibus amicitiae ius, sancte coleretur: quæ etiam fabulis magis, et antiquitatis opinione celebrata, quàm certa fide, comperta & illustrata sunt. At postquam mentes humane, huius doctrinæ lucem aspicere potuerunt: tanta continuo fuit inter homines amoris consensio, tam sanctum inter omnes foedus amicitie factum est, ut nemo quippiam ab alijs scitum, atq; segregatum haberet: sed quilibet eorum omnes suas fortunas, in omnium usum conferebat. Quid autem dico fortunas, cum manifestum sit, omnium uoluntates ita conglutinatas fuisse: ut nihil quisquam sentiret: quod non esset ab uniuersis comprobatum: nihil expeteret, quod non in omnium salutem redundaret? Multitudinis autem credentium (inquit Lucas) erat cor unum, et anima una. Neq; quisquam, eorum quæ possidebat, aliquid suum esse ducebat: sed erant illis omnia communia. Vides igitur illam illustrem atq; præclarā amicitiae speciem, quæ uirtutis opinione conciliatur: cuius imago fabulis adumbrata admirationē incutiebat: ad quā uix duo aut tria hominum



# DE NOBILITATE CHRISTIANA.

Hominū paria peruenerunt: non iam institutam à pau-  
 cissimīs, sed ab omni Christianorum multitudine incre-  
 dibiliter excultam. Tanta enim facta est animorum  
 coniunctio, ut non modo eisdem moribus, & institutis  
 uiuerent: uerum etiam uniuerſi, una mente atq; uolun-  
 tate constarent. Deniq; in solis christianis uerum lu-  
 men amicitie, mirabiliter eluxit. Quemadmodum enim,  
 in multis fuisse uirtutis conatum animaduertimus: in  
 nullo tamen qui religionis expers esset, uirtutis perfe-  
 ctionem inspicimus: ita quamuis multi imaginem ami-  
 citie tenuerint: ipsius tamen ueræ amicitie splendor  
 in solis christianis extitit. Cum enim amicitia à uir-  
 tute nascatur, necesse est, ut uera atq; perfecta amici-  
 tia, in ijs tantum sit, in quibus perfecta uirtus insidet.  
 Sed satis sit in hoc libro de iustitia, liberalitate, et fon-  
 te liberalitatis amicitia breuiter disputasse. Nunc re-  
 liquam partem orationis, qua de fortitudine christia-  
 na latius differendum est, propter aliquorum improbi-  
 tatem, qui uirtutis huius laudem hominibus christia-  
 nis minime concedunt, deinceps persequemur.



# LIBER TER- TIVS.



*Diuina christiani nominis ornamenta, iustitiam atque benignitatem, non quidem eo genere orationis quod rerum magnitudo postulabat: sed eo quod ingenij nostri tenuitate excoli potuit, superiori libro persecuti sumus. Restat igitur princeps amplissime, ut de magnitudine animi, atque constantia, paulo fusius disputemus: cuius quidem uirtutis ea dignitas est, ut nulla orationis ubertate exprimi possit. Semper enim summam admirationem excitauerunt mortem contemnentes: corporis cruciatus animo maximo perferentes: nullis doloribus a mentis statu et a uitae dignitate discedentes. Nam cum omnes istius uitae iucunditate ducamur: atque naturae blandimenta consectemur: quicumque mortem contemnit, naturam ipsam plane uincit. Quantum autem apud omnes nationes admirationis, atque dignitatis habeat, ista mortis contemptio: illud uel maximum indicium facit: quod nulla uirtus aequae doctorum hominum monimentis celebratur: nulla simili genere laudis effertur. Iusti et moderati homines modiocriter laudantur: fortes uero atque magnanimi syderibus ipsis inferuntur. Socrates,*



DE NOBILITATE CHRISTIANA.

crates, qui ut temporibus illis, fuit unicum continentię, atq; moderationis exēplum: nullo genere uirtutis æque illustratus est: atq; illa constātia, quam adhibuit, in retinenda dignitate: cum iudicum sententijs ad mortem mitteretur. Ipsi illi, qui difficillimā aliquam fortunam subeuntes, omnibus fortunis atq; solacijs spoliati iacēt: si in salutis desperatione sibi manus asserant, quāquam in eo genere mortis, insit quædam timiditatis suspicio: non enim uidentur tam retinendæ constantiæ causa, quā calamitatis effugiendæ, ad letum properasse: illi tamen ipsi, qui sic à uita, uoluntate sua demigrant: eximij sepe laudibus celebrantur. Tantum enim dignitatis habet animi uirtus, ut eius etiam falsa simulatio admirationem commoueat. Quod si ita est, quis poterit oratione cōplecti, christianę uirtutis constantiam, atq; magnitudinem? Etenim si uires eloquentissimorum hominum, cum ipsius humanę uirtutis laudes exornare uolunt, rei magnitudine interdum obruantur: quod orationis genus, incredibile, atq; diuinum erit, quo possit quisquam dicēdo partem aliquam tantæ dignitatis explicare? Nos autem, quanquam nec ingenio, nec exercitatione ualeamus: posteaquam semel à nobis res tanta suscepta est: ne sit maius in omitendo desidię crimen, quā fuit audacię in susciēdo, quantum



quantum in nobis situm erit, huius etiam uirtutis præstantiam latius explanare conabimur.

**A**Tq; primum quantū inter illam, et humanam fortitudinem intersit, animaduertendum est. Principio, si finem respicias, qui pro Christo dimicāt, ipsum uerum uirtutis finem assequuntur: qui autem diuitias, aut gloriam popularem sibi proponunt: neq; summum illud bonum intuentur: cupidi magis et ambitiosi, quàm fortes appellādi sunt. Deinde, pleriq; se periculis obijciunt, non iudicio, sed aliquo animi furore concitati, ex odio, inuidia, aut cupiditate concepto. At christiani, cum solam improbitatem odio persequantur: erga ipsos homines habet animum ab omni ira, inuidia, cupiditate liberum atq; solutum. Illi postremo nunquam se periculis obijciunt, nisi aut in summa spe, aut in rerū omnium desperatione. Nemo enim, nisi aut aliquam spem salutis et cōmodi sequeretur: aut omnino a spe salutis decideret: pericula sibi subeunda existimaret. At nostri, quā multis in locis, ad certam perniciem atq; mortem abdueli, cum ijs uitę amēnitate frui licuisset: ita ut altera ex parte nulla spes salutis ostēderetur: ex altera si a mentis sentētia destitissent, multa ad uitę incūditatem proponerentur: tamen ad certum mortis acerbissimę supplicii profecti, omnia uitę blandimēta repudiarunt:

Et neq;



DE NOBILITATE CHRISTIANA.

Et neq; minis, neq; promissis, à fidei, atq; pietatis religionem depelli potuerunt. Iam quantum illud est, quod cum ex omni pene memoria hominum, pauci admodum fuerint: qui disciplina, et exercitatione, perpetuoq; uitæ studio id assecuti sint, ut oblatam mortem æquo animo ferrent: repente multitudo innumerabilis extiterit, non modo uirorum, atq; mulierum, sed etiã puerorum, atq; propemodum infantium, pro Christi religione, uerbera, cruces, ignes, mortem postremo atrocissimam, inuictæ et alacri animo perferentium. Cum omnes orbis terrarum principes, tanquam pro salute, atq; dignitate contenderet, ut sanctissimæ religionis memoriam, ex animis omnium deleant: cum ipsi dæmones, autores sceleris et impietatis, animos illorum, quos impurissima superstitione obligatos in potestate continebant, ad immanitatem inflammarent: cum omnia exquisitissima suppliciorum genera, ad christiani nominis perniciem excogitarentur: cum uis, et furor, in omnibus terrarum angulis, in quibus Christi nomen auditum esset, uersaretur: cum ista omnia ad christianæ pietatis interitum comparata essent: tamen tantâ uim habuit uera nobilitas, et illustris animi uirtus: ut non modo illa constanti, perpetua, inuicta pietatis defensione, hostium petulantiam libere confutaret: sed etiam sese pro Christi



Christi confessione, in cædem & flammam ultro atq;  
libenter obijceret. Abducebatur ad necem, et crucia-  
tum: uerba, cruces, unci, & inaudita tormentorum  
genera constituebantur: neq; satisfacere crudelitati po-  
terant illi impuri homines scelere furiosi, si statim spi-  
ritum auferrent innocentibus: longo cruciatu contuma-  
ciam illam, non à superbia, sed ab inclita uirtute du-  
ctam comprimere cupiebant. Nec enim tam sacrorum  
causa laborabant: quàm inuidia illius eximie uirtutis,  
qua omnes minas suas, irrideri atq; contemni cerne-  
bant. Nullis tamen, neq; minis, neq; terroribus, neq;  
exquisitis supplicijs, christiana uirtus frangi aut  
debilitari poterat. Cumq; tortores, atq; adeo tormen-  
ta ipsa deficeret: illi tamen heroes inuicti, in eadem sem-  
per mentis constantia permanebant. Cum uero rur-  
sus ex interuallo carnifices ad corpora sanctorum omni  
cruciatu laceranda redirent: ipsi sanctissimi homines,  
animo miradum in modum confirmato, atq; renouato,  
ad eadem supplicia reducebantur. Neq; interim uox  
ulla ab illis exprimebatur, nisi quæ Christi diuinæ lau-  
des celebraret. Quid iam clarius, aut magnificentius,  
dici, aut animo concipi potest? Gloriosum omnibus ui-  
detur, in corporis cruciatu seruare constantiam: at isti  
non modo constanter, sed etiam cum summa uoluptate



DE NOBILITATE CHRISTIANA.

cruciatū omnem perferebant. Certissima namq; trium-  
phi spes, & corporis dolorem mitigabat: & animum  
ingenti lætitia cumulabat. Rarum etiam fortitudinis  
exemplum, laudibus in cœlum extollitur. At in chri-  
stianorum gente, neq; ætatis ratio, neq; sexus imbecil-  
litas, neq; generis, aut ordinis conditio, decori atq; glo-  
riæ impedimento fuit. Quid enim hic primores gen-  
tis referam: cum pueri etiam, atque uirgines innume-  
rabiles, nulla crudelitatis supplicia pro Christo recu-  
sarint? Quam multi serui, ut ueram animi libertatem  
tuerentur, omnes acerbitates suppliciorū despexerunt?  
Quam multi milites, quod genus hominum plerumq; ab  
omni studio sanctitatis abhorret: mortem pro Christi  
laude susceptā, omnibus coronis et triumphis antetule-  
runt? Nec est necesse omnes Mauricios, Sebastianos,  
Catharinas, Agathas, Gordianos enumerare. Hoc  
satis constat, unnumerabilem, atq; propemodum infini-  
tam multitudinem fuisse, quæ ad illius uirtutis eximie  
laudem peruenerit: cuius imaginem, uix homines excel-  
lenti ingenio præditi, post longam exercitationem te-  
nuerunt. Quod satis indicio esse potest, longe aliud uir-  
tutis & constantiæ genus istud esse, ab eo, quod phi-  
losophorum præceptis & literis continetur: quod non  
humana disciplina, sed diuino munere atq; dono fuit  
christianis



christianis mentibus instillatum: summum christiani nominis, atq; nobilitatis ornamentū, certissimūq; sanctissimæ religionis testimonium. Non desunt tamen, qui nostrorū uirtuti, nō dico Catones, et Brutos, quos quidam in loco deorum immortalium uenerantur: sed Cleombrotū etiā fortasse, quī se amentia præcipitem è turri deiecit: aut Empedoclē, qui simili insania uexatus, se ipsum in ætne incendiū demisit: aut quemuis aliū anteponet. Itaq; nostri ab illis Cornelius, Cyprianus, Laurentius, Stephanus, atq; adeo Paulus ipse, diuini uiri, et omni uirtutis genere præstantissimi, in numero uirorum fortium nullo modo habentur. Quin etiam impurus quidā scriptor, atq; nefarius, in libris, in quibus et suæ ciuitatis historiā, et multas quæstiones ad reip. statū pertinentes heirusco sermone cōplexus est, non putauit dissimulandum, quid de nostrorum sacrorum religione, sentiret. Inquit enim christianam religionem illam magnitudinem animi, quæ in antiquis elucebat, funditus sustulisse. Romani imperij ruinā, laudis et gloriæ labem, uirtutis etiā militaris interitum, huic sanctissimæ summi et æterni dei religioni assignandū putat. Tum postremo, ut aliqua ex parte uitet offensionem bonorum, inquit, id non uitio religionis, sed interpretum, qui illam male intellexerunt accidisse: cum tamen



DE NOBILITATE CHRISTIANA.

non posset ostendere, quæ fuerit illa peruersa interpre-  
ratio, quæ tantorum malorum causam præbuerit. Sed  
ut infixio aculeo honeste posset quacunq; ratione disce-  
dere: ineptissimam illam medicinam iusti doloris adhi-  
buit. Parcerem mortuo, si non plures nunc monimen-  
tis inquinatissimis: quam olim uita contemptissima læ-  
sisset. Sed quando tam indignum cōiūm, christianæ  
nobilitati, illius defuncti scripta faciunt, non dubitabo,  
Christi præsidio tectus, cū hominis consclerati ma-  
nibus conflagrare. Quod tamen non studio pugnandi fa-  
ciam: sed ut eorum amentia, atq; sceleri resistam, qui in  
eadem mentis cæcitate uersantur. Late enim dissemi-  
natum est malum istud: multosq; funesta contagione  
grauiter infecit.

**P**rimum igitur illud requiro, quid in nostris ho-  
minibus uiderit: quod posset ulla ratione cōtemnere.  
Nam si magnitudo animi perspicitur ex rerum huma-  
narum despicientia: et ex quadam elatione, nihil nisi di-  
uinum, & inclitum cogitante: nihil certe illustrius esse  
nostris potest: qui cum se intelligerent, in diuinam fami-  
liam uocatos, omnes res mortales, infra se positas esse  
duxerunt: omniaq; uitæ consilia, ad dignitatem & im-  
mortalitatē retulerunt. Si fortitudinis est comes inui-  
cta patientia: quis nostrorū animum non admirabitur,

cum



cum uiderit ipsas etiam uirgines, pro Christi nomine, acerbissima supplicia, & omnes corporis cruciatus appetuisse? Quantis laudibus celebratur *Leæna* meretrix, quod multis tormentis lacerata, conscios coniurationis non indicarit? Quantis *Anaxarchus* eadem ipsa de causa? Quantis denique *Syracusanus* ille *Thra*so, quod nullis supplicijs adduci potuerit, ut socios coniurationis perderet. Hos certe *Machiauelus* ipse, sic enim appellatur iste preclarus autor, cum quo mihi res est, nullo modo contemnendos putabit: propterea quod expertes ueræ religionis extiterunt, quam solam laudis expertem esse uult: et coniurationis participes fuerunt, cuius expediendæ rationem in summa laude ponit. At quam obscura est illorum constantia, si ad nostrorum uirtutem conferatur. Si enim causam respicias: illi tyrannorum odio à quibus læsi erant, supplicia perferebant: nostri Christi amore, à quo diuinis beneficijs ornati fuerant, tormenta omnia leuia putabant. Si cruciatus magnitudinem consyderes, atque diuturnitatem: in nostros, non usitata, ut in illos, sed noua et inaudita genera tormentorum inuenta fuerunt: quæ diutissime uiuorum corpora lacerarent, atque contunderent. Illi deinde in desperatione omnium fortunarum, dignitatis speciem aliquam retinuerunt: nostri cum sibi utrum uellent liberum



DE NOBILITATE CHRISTIANA.

fuiſſet: non inuiti tamen, mortem claram cum ignominioſa uita commutarunt. Si ad numerum aduertas: ridiculum eſt, pauciſſimos infinitis opponere. Hanc tu diſciplinam, e qua tam præclara documenta uirtutis extiterunt, contemnīs? Hac inſtitutione, quæ infirmam etiam naturā mulierum, imbecillam ætatem puerorum, incredibili conſtantia armauit: quæ tantam multitudinem in laudis & gloriæ ſtudium incitauit: abiectos animos, atq; demissoſ effici contendes? Quæ eſt iſta mentis peruerſitas, ut uirtutis umbram admireris: ueram uirtutis effigiem pro nihilo habendam putes? Sed nimirum illud eſt. Faciem tantum crucis aſpicias: uirtutem illam excellentem, ſub ſpecie crucis occultatam non intueris. Nec enim mens anguſta, tenebris oppleta, & ſordibus inquinata, tantæ lucis ſplendorem ſuſtinere ullo modo poteſt. Chriſti enim diſciplina (ut inquit Paulus) perditis & proſtigatis hominibus inſcitiae et humilitatis ſpeciem præbet: moderatis uero, diuinoq; beneficio confirmatis oſtendit ſapientiae cœleſtis, atq; diuinæ uirtutis amplitudinem. Atq; quemadmodum in Chriſti perſona, omnes illam faciem uidebant: in qua (ut erat Eſaiæ uaticinio prædictum) non erat ſpecies neq; decor: non tamen omnes illam gloriam diuinitatis, quam Ioannes uidit: inſpexerunt.



runt: sic etiā, multi propter similem mentis caliginem, christianorum uitā inuaniſſimis ornamentis nudatam deſpiciunt: illam uero excellentem chriſtianæ dignitatis lucem aſpicere nulla ratione poſſunt.

**Q**uod autem ad Romanorum imperium attinet (ut etiā de hoc licet extra cauſam eſſe uideatur aliquid dicamus) homo rerū ciuiliū peritiſſimus, non legit apud uiros doctiſſimos, eſſe quaſdam ciuitatum cōmutationes, et uiciſſitudines: naturalesq; ortus et interitus omnium rerumpub. neq; fieri poſſe, ut aliquid infra lunam ſit immortale, atq; ſempiternum. Omnia quemadmodum naſcuntur, ita et concidunt aliquando neceſſe eſt: et importunitate mortis, cuncta demolientis tandē obruantur. Quot ciuitates, quam multæ gentes, et nationes poſtrate atq; ſepultæ iacent: quæ olim imperio, et rerū geſtarum gloria erat florentiſſimæ? Quis Aſiriorum, atq; Perſarum imperium deleuit? Quis Athenienſium opes euertit? Quis Macedonū potentiam excidit? Nihil aliud certe fuit in cauſa: quā natura rerum humanarū: qua nihil eſt in terris imbecillius. Et enim ſi Cyrus Aſiriorum imperium non deleuiſſet: ſi Alexander nō fregiſſet potentiam Perſarum: ſi Romanorum armis, macedones, atq; cuncta græcia minime corruſſet: tamen neceſſe erat, ut omnia iſta imperia,



DE NOBILITATE CHRISTIANA.

uel aliorum uiribus conciderent: uel ætate consenescentia tandem interirent. Quare fit, ut nemo sapiens admiretur mortiferos, et exitiales rerum. exitus. Contra uero, nihil magis admiratione dignum esse putant: quàm alicuius ciuitatis imperiosæ diuturnitatem. Iccirco, magis quærendum arbitrantur, cur sparta tam multis annis in ijsdem moribus, & eadem reip. disciplina permanserit: quàm cur atheniensium gloria & opes tam cito perierint. Hoc autem etiam eo est in repub. Romanorum mirabilius, quo maior fuit in illa ciuitate gloria, & imperij magnitudo, quam in omnibus alijs, quæ unquam fuerunt. Mediocria enim facile se sustentant: summa uero sua mole dissipantur, & ruunt. Cum ista igitur sit omnium ciuitatum conditio, ut nemo sanus earum interitum admiretur: diuturnitatis uero causam, quasi rei alicuius incredibilis, summo studio inuestigandam putet: hic uir ciuili prudentia (ut sibi quidem uidetur) cumulatissimus luget Romæ labem, et ruinam: et quasi futura esset immortalis, nisi Christi religio impedimento fuisset, ita ipsum Dei filium in crimen uocat. Quæris homo amentissime, quid aliud Romanas opes euerterit? Primum id respondeo, quod quemamodum illa ciuitatis felici auspicio consita, deinde adulta, rebusq; gestis florēs, deinde corroborata



roborata legibus & institutis, ad imperij maturitatem  
 atq; ad summā amplitudinem peruenit: ita necesse fuisse,  
 ut adepta senectutem, uitæ tandem extremum diem  
 morte conficeret. Deinde illud addo, artes omnes quibus  
 illud imperium partum fuerat: & quibus retineri  
 poterat: multo ante Christi ortum de manibus amissas  
 fuisse. An tu cum in Romanos mores immensa luxu-  
 ria, & effrenata diuitiarum cupiditas inuasisset: cum  
 legum atq; senatus autoritas omnino concidisset: cum  
 plebis animi ad spem prædæ turbulentis & furiosis  
 concionibus erecti, impetum facerent in fortunas locu-  
 pletum: cum impunitate armata crudelitas, cæde &  
 sanguine ciuium, urbem cruetaret: cum ij qui armis plu-  
 rimum poterant, non de patriæ libertate, sed de sua do-  
 minatione cogitarent: cum essent omnia ista tela in  
 reipub. corpus immissa: existimas fieri ullo modo po-  
 tuisse, ut illa diutius permaneret? Adde deinde, si  
 commodum est, uenalia comitia: iudicia redempta:  
 nundinationes prouinciarum: imperia extraordinaria,  
 & infinita: summam reipub. ad certos homines domi-  
 nandi cupiditate præcipites delegatam: intelliges, fieri  
 non potuisse, quin illius ciuitatis opes funditus euerse  
 corruerent. Quid autem hic referam Syllani, atque  
 Mariani temporis arma? Quæ cladibus innumeris  
 reipub.



DE NOBILITATE CHRISTIANA.

rempub. uexarunt: & omni crudelitate lacerarunt: ac tandem contagione illius discordiæ ad posteritatem continuatæ, uiam tyrannidi munierunt. Dubitas igitur, quin tam multis uulneribus afflicta ciuitas, fuerit aliquando diro & acerbo funere à suis ciuibus effeenda? Itaq; si à sapientibus uiris interrogas, quo tempore Roma perierit: respondebunt opinor, iam ex eo tempore quo obsoleuerat uetusta disciplina Romanorum, illam rempub. nullam fuisse. Nec enim rei euentum expectant, qui futura certissime ex antecedentibus causis assequuntur. Si ab imperitis quæras: illam Cæsaris dominationem proferent. Nec est enim quisquam tam sine mente, qui putet, post legum interitum, & perditam libertatē, et totius ciuilis status conuersionem, ullum antiquæ reip. uestigium permanere. Tibi autem quid uenit in mentem illius imperij ruinam christianis moribus assignare: cum tam causa illius excidij, quàm euentus ipse, Christi regis ortum multis annis præcesserit? Quod si querat aliquis, quid post tyrannidem constitutam, illas opes romanas, ab uniuerſa ciuitate in unum collatas comminuerit: primum illa repetam, quæ antea commemorauī: illas artes omnes, quæ. P. R. gloriam, & imperium quæſerant, iamdiu inclinatas, tandem præcipites concidiſſe. Nam, iam pridem pro frugalitate,



frugalitate, infinita luxuria, pro militari duritia, summa totius corporis et animi mollities, pro metu legum, audacia, libido, cupiditas immensa, Romanorum animos oppresserat: hominesq; patrię amantes ad intestina bella concitabat. Deinde mores immanes imperatorum, et naturam importunam, cum summa luxuria, & inaudita libidine coniunctam, excisionem rebus omnibus intulisse dicam. Nec est enim cur hic tam funestas reip. pestes enumeremus: cum illud constet, multos propter crudelitatem atq; flagitia fuisse, tum à ciuibus suis, tum à militibus, non raro etiam ab æmulis imperij contrucidatos. Cum autem illa consuetudo interficiendi principis inueterasset: neq; modo improbis tyrannis, sed moderatis etiam imperatoribus essent insidię comparatę: illudq; imperij nomen minime sanctum hominibus fuisse: in eum locum res deducta est, ut nihil esset imperatore Romano uilius. Tandem, cum. S. P. Q. R. autoritas penitus extincta esset: & militaris licentia simul cum auaritia in immensum crenisset: factum est, ut milites pecuniarum foedere quibus libuisset, imperium addicerent. Cum igitur neque generis, neq; uirtutis, rationem ullam haberent: sed quasi constituta auctione, illi qui plura promississet, imperium uenditarent: erat impurissimo cuiq;



DE NOBILITATE CHRISTIANA.

cuiq; aditus ad summam reipub. potestatem. Talibus igitur custodibus summæ rerum præpositis, necesse erat, ut omnia reipub. ornamenta funditus interirent: præsertim cum sæpe numero, ne unquam deesset occasio civilis tumultus excitandi: eodem tempore, diuersis in locis imperatores multi crearentur: si illi imperatores potius, quàm inaudita portenta, atq; prodigia appellandi sunt. Opes itaq; Romanæ partim civili discordia, tetrâq; seditionibus nullum exitum habentibus consumptæ sunt: partim maximis bellis, & acerbissimis, quæ per orbem terrarum contra Romanum imperium oriebantur, deletæ, communem rerum humanarum conditionem subierunt. Hic autem quid habes in quo nomen Christianum accusare possis? Si enim Christi disciplina contemptû legum, si luxuriam, si petulantiam, si immoderatâ dominandi cupiditatem, si accerbissimam ciuium inter ciues dissensionem, si postremo uim, furorem, et amentiam, in Romanos mores inuexisset: iure, atq; merito diceres, omnia detrimenta fuisse per illa rebus Romanis importata. Illa enim sunt, quæ non modo Romæ, sed omnibus etiâ imperiosis ciuitatibus, pestem, atq; perniciem intulerunt. Sin autem, nihil est magis moribus christianis alienum: quibus nihil placet, nisi iustum, tranquillum, atq; moderatum



moderatum: qui pudorem, & innocentiam sanctissime  
colunt: et discordiam civilem omnibus malis peius ode-  
runt: qui omnes actiones turbulentas, atq; temerarias  
execrantur: ista tamen eris uel stulticia, uel impudentia,  
ut christiani nominis dignitatem coneris ista calumnia  
deformare? Poterit ne ulla disciplina magis civilem  
statum constituere, quàm illa quæ instruit ad iustitiam,  
æquitatem, mansuetudinem, patriæ caritatem, atq; uir-  
tutis constantiam? At hæc quidem omnia in christia-  
nis moribus summa reperiuntur. Possem enumerare  
quam multi christiani imperatores extiterint, per quos  
occidens imperium fuerit ab innumeris calamitatibus  
recreatum, et in pristinum dignitatis splendorem resti-  
tutum. Possem ostendere illius fines, per uiros ueræ re-  
ligionis cupidissimos, fuisse magis quàm unquam antea  
propagatos. Possem postremo conuincere, omnia ma-  
la quibus postea circumuentum fuit, non religionis stu-  
dio, sed contemptu potius religionis accidisse. Sed  
quoniam ad finem propero, illud tantum dicam. Non  
solum homines ipsos, uerum etiã omnes humanas artes,  
atq; disciplinas, omnes nationes, et imperia, mors inse-  
quitur: omniaq; tandem concidunt: & obliuionis tene-  
bris obruuntur. Solum Christi regnum est, quod nul-  
lis hostium uiribus excindi: nullius opibus labefactari,  
nullis



DE NOBILITATE CHRISTIANA.

nullis intestinis seditionibus conuelli unquam poterit. Persarum opes corruerunt: Græcorum potentia funditus eversa est: Romanorū imperium est depressum atq; comminutum: omnia quæ sunt, fuerunt, postea uenascuntur, quoquo modo tandem interibunt: regnum uero Christi omnibus diuinis ornamentis amplificatum, florescet seculis infinitis: immortalisq; gloria atq; sempiterna circumfluet. Sic enim sacris oraculis predictum est, potestas eius, potestas æterna, quæ nunquam auferetur: Et regnum illius quod nunquam dissipabitur. Et alibi, placuit ergo mihi prædicare signa eius quia magna sunt, & mirabilia eius quia fortia, et regnum eius quia sempiternum. Tum etiam illud, regnum tuum regnum omnium seculorum, dominatio tua à generatione in generationem. De isto etiam regno est id intelligendum quod in regum historia legitur. Sic enim loquitur Deus cum Dauide. Firma erit domus tua, & regnum usq; in æternum. Quod etiam ex Luca perspicui potest. Dabit (inquit) ei dominus sedem David patris eius, & regnabit in domo Iacob in æternum, & regni eius non erit finis. Desinant igitur iam homines imperiti de Romanæ reip. occasu impie cõqueri. Desinant illius ruinæ crimen in diuinum beneficium impij, & scelerate conijcere. Intelligant aliquando



quando solum Christi nomen esse, cui nulla unquam ætas finem sit allatura: nempe cuius gloria, laus, uirtus, splendor, opes, facultates sint immortales atq; diuinæ. Reliqua omnia fluxa et lubrica cum sint, exiguo uitæ curriculo circumscribuntur. Solum igitur christianum nomen, cum diuinis præsijs innitatur, erit in omni æternitate florentissimum.

**S**equitur ut etiam de uirtute militari aliqd dicamus: quàm iste christianis moribus, et institutis lōge alienam putat. Qui conuenit inquit ille cum istius uirtutis celebritate gloriæ contemptus, qui christianis omnibus præscribi solet? Nemo enim nisi laudis studio inflammatus fuerit: pericula sibi subeunda putabit. Iam quod asserit neminem, nisi qui studio laudis adductus sit, fortem fieri posse: non credo facile concessuros illos philosophos fuisse: qui simul et de contemnenda gloria conscripserunt: et fortitudinis innumera præcepta tradiderūt. Nam si illa mutuo sese perimere existimarent: nunquā essent tam amentes, ut eadē opera homines à cupiditate laudis abducendos: et in studiū uirtutis incitandos esse ducerent. Virtutem autē illam esse statuerunt: quæ non ex uulgi rumore pēderet: sed quæ præclaras actiones ipsius honestatis causa susciperet. Hic autē sic argumentatur, quasi sola laudis cupiditas ad uirtutē acuat: et non alij multo



# DE NOBILITATE CHRISTIANA.

multo potiores sint, uirtutis et industrię stimuli quibus bonorum animi, dies et noctes concitati, pericula libenter, & studiose suscipiant: nempe insignis in patriam beneuolentia: incredibilis ipsius dignitatis amor: egregia deinde legum, atq; religionis obseruantia: quę quidem omnia sunt in christianorum institutis perfectissima. Quid, si laudis etiā studiosissimi sunt? Tamen ista erit quisquam uel furore, uel impudentia, ut hoc nomine dignitatem illorum imminuere conetur? Sunt illi quidem ab inanitis laudis cupiditate remotissimi: immortalis tamen, et uerę glorię cupiditate uehemēter incensi. Despiciunt hominum famam: ad ueram tamen laudem quę Christi omnia conspicientis testimonio cōtinetur, ardentius incumbunt. Non cupiunt homines rerū suarum spectatores habere: nempe qui sciant se angelis inspectantibus, omnia pręclara facinora suscepturos. Hoc magni animi est: hoc generosi, atq; magnifici, non pendere ex imperitę plebis opinione: infima omnia negligere: cęlestia tantum, atq; diuina contemplari. Quid enim iste dicat in christianis moribus humile, atq; demissum, non satis intelligo. Si superbiam, et insolentiam, si mores immanes, si animos contumaciter elatos, atq; inflatos animi magnitudinem indicare putat: fateor nihil in terris esse christi. morum natione contemptius: nempe



nempe quæ summa contentione in studio moderationis, mansuetudinis, lenitatis euigilet. Si uero uirtutes omnes, ut etiam eruditissimi homines prodiderūt, uno coniunctionis uinculo continentur: nec ulla pugna inter illas esse potest: tantum abest, ut mansuetudinis, atq; modestiæ laus splendori fortitudinis aduersetur: ut etiā nullo modo à se inuicem diuelli, atq; disungi queant. Itaq; nemo uir fortis esse potest: nisi idem sit mansuetus atq; moderatus. Longe enim fallitur opinione, qui animi impetum, non æquitatis, & humanitatis studio, sed cupiditate, atq; furore concitatum, fortitudinem appellandam potius, quàm importunæ cuiusdam belluæ feritatem putat. Iste autem præclarus autor, qui principes ad communis salutis perniciem instruit: qui imperij opes non tam æquitate, et clementia, quàm perfidia & crudelitate stabilire docet: appellet sane quo uelit nomine, furorem illum cunctam barbariem scelere & immanitate superantem: dum modo, nemo sanus tam stultæ atq; nefariæ opinioni assentiatur. Nos uero, nunquam ita amentes erimus, ut illam animi moderationem, quam sacre literæ appellant humilitatem, ut clementiam, et mansuetudinem, cuius nobis idem autor extitit, qui & eximie fortitudinis exemplum, ipsam fortitudinem impedire dicamus. Nam cum omnes uirtutes inter se con-

glutinatæ



DE NOBILITATE CHRISTIANA.

glutinata sint: tum uel maxime animi moderatio, atq;  
fortitudo. Vtraq; enim ab eadem animi magnitudine  
profecta, eandem propemodum retinet dignitatem.  
Nec enim maioris animi est, impetum hostium susti-  
nere: quàm cohibere iracundiam: et omnem perturba-  
tionem reprimere: nec ulla offensione ab humanitate,  
& à mentis constantia deturbari. Non itaq; ferme  
fuit, uir egregie fortis, quin etiam laudem mansuetudi-  
nis sibi ascriuerit. Quanta gloria fuit illa Themisto-  
clis, cum esset in consilio Græcorum, à reliquis ducibus  
cōiitijs indignissime uexatus: ille uero petulantia illam  
non conuitio, sed patientia comprimendam putaret?  
Quid hic Pericle referam? Quid Iulium Cæsarem?  
et alios cōplures, qui non maiore studio uirtutis impera-  
toriae nomen, quam mansuetudinis et patientiæ laudem  
uenabantur? Contra uero, ut quisq; maxime angusti  
animi est, atq; demissi, ita est ad iracundiam et ferita-  
tem maxime propensus. Omnes illi barbari, qui à disci-  
plina fortitudinis abhorrent, ita crudeles habiti sunt: ut  
loquendi consuetudo crudelitati ipsi Barbarici nomen  
ascripserit. Quid de mulierum natura dicam? Quibus  
ut nihil est imbecillius, ita nihil ad iniuriam persequen-  
dam concitarius. Quod si modestia, atq; mansuetudo,  
uirtutis splendorem nō excludit: sed cum ab eadem ani-  
mi ma-

de muliere



mi magnitudine nascatur, ipsam fortitudinē exornat: ista tamen crit quisquam demētia, ut christianam mansuetudinem, imbecillitatem uocet, præceptis fortitudinis repugnantem? Quæ malum est ista peruersitas, atq; impius furor, ut ea quorum tenuem umbram in alijs suspicimus: in nostris uera & summa contemnamus? Magnanimi semper habiti sunt, qui contumelia lacerati, & iniuria lacesiti, ira non efferuntur. At nostri illam disciplinam à Christo acceperunt: ut humanitate conuitia, beneficijs iniuriã ulciscantur. Ergo (dicet aliquis) cū ita mansueti sint: nunquam impetum hostium à suis finibus depellent: neq; sceleri armis resistent: sed quemuis furorem beneficio compensabunt. Hoc qui dicit, minime expendit officiorum momenta: nec intelligit alia alijs personis, locis, temporibus, causis conuenire. Christiani ipsi, qui in priuatis offensionibus, & iniurijs moderationem atque patientiam amplectantur, ijdem in publicis periculis acerrimi & uehementes publicæ salutis, atq; libertatis uindices existunt: præsertim ubi simul agitur dignitas religionis. Tunc enim mansuetudinem indignum flagitium, patientiam scelus nefarium arbitrantur. Hac mente præditus fuit diuinus ille Moses, quem sacra litteræ perhibent, fuisse inter omnes mortales mitissimum:



DE NOBILITATE CHRISTIANA.

qui tamen & hostium copias singulari uirtute repres-  
sit: & læsi numinis offensionem multorum supplicio  
placauit. Talis fuit etiam David, quem unum diuina  
oracula laude mansuetudinis unice commendant. Hic  
tamen incredibili uirtute maximos, & fortissimos ho-  
stium exercitus profligauit: et ingentes alienigenarum  
strages edidit. Sic etiam multi christiani principes, ad  
omnem rationem humanitatis commodissimi, bellicæ  
fortitudinis gloria, laudem mansuetudinis æquarunt.  
Quid? ipse Christus nonne satis exemplo suo nos ad-  
monuit, quatenus esset utendum mansuetudine: quo rur-  
sus in loco seueritatis persona suscipienda esset: cum sa-  
cilegos, qui sacras ceremonias polluebāt, flagris seue-  
re et acriter insecutus est? Non igitur cur quisquam  
christianam mansuetudinem aspernetur: cum ita cum  
uera fortitudine coniuncta sit: ut nihil possit esse copu-  
latius. Vtraque enim ab eodem fonte manat: & altera  
alteram incredibiliter illustrat.

**N**uc ad postremum egregij scriptoris argumen-  
tum ueniamus: quod totum in religione consistit: et  
in illis antiquis ceremonijs omni scelere contaminatis.  
Tantam enim uim habuisse putat illam hostiarum cæ-  
dem, atque pecudum stragem, ut repete ex timidis, feros  
& audaces efficeret. Nos itaque qui nec hostias cædi-

mus:



mus: nec quadrupedum sanguine aras cruentamus: nec  
 exta inspicimus: magnis ad uirtutem instrumentis hoc  
 religionis incommodo priuari. Hic profecto nescio,  
 quid uel ad impietatis furorem, uel ad mentis cecita-  
 tem, et stultitiā addi possit. Nefariam superstitionem,  
 cum sanctissima Dei immortalis religione comparare,  
 facinus est, inexpressibile atq; nefandum: existimare au-  
 tem illum, qui pecudum carnificinam intrepido uultu  
 conspexerit: continuo fortem euasurum, extremae de-  
 mentiae argumētum. Cur enim isto autore non conqui-  
 rimus omnes lanios? Cur non etiā carnifices (hos enim  
 oportet magis efferos esse, à quibus hominū corpora  
 laniātur) ad arma similiter euocamus? Ut scilicet illa  
 uirtute, quā aut sanguine pecudū, aut supplicio dam-  
 natorū adepti sunt: in hostes irruant: et à nobis omnia  
 pericula propulsent. Quid si ostendo omnia in illis sa-  
 crificijs, et ceremonijs, ad imbecillitatē atq; formidinem  
 spectauisse: nec aliquid fuisse, quod animum cōfirmare  
 posset? Primum precatōnes illę, priscis atq; solennibus  
 uerbis institute, quantū anxietatis habebant? In quibus  
 si quid titubatum fuisset: si quid preposteris uerbis, aut  
 sinisteris omnibus effatum: putabant continuo omnes  
 Deos. P. R. iratos fore. Deinde quā illa formido  
 erat hominibus anili superstitione implicatis iniecta,



# DE NOBILITATE CHRISTIANA.

cum non satis ex animi sententia litabatur? Cum exta-  
 dirum aliquod & triste minabantur exitium? Cum  
 uero accidiſſet, ut multas eodem tempore hoſtias im-  
 molarent: & caſus ita tuliffet, ut aliarum exta darent  
 illa ſigna, quibus homines exiſtimabant, Deos omnia  
 ſecunda promittere: aliarum uero triſtia denuncia-  
 rent: neceſſe erat, ut eſſent incredibili metu ſuſpenſæ  
 mentes illorum: qui neq; ſecundis extis propter uarie-  
 tatem, et inconstantiam confirmari poterant: neq; rur-  
 ſus dira, propter religionem, qua erant penitus imbuti  
 contemnere. Quid oſtenta, prodigia, aruſpicum re-  
 ſponſa? quantam uim habebant ad animos debilitandos  
 atq; frangendos? Cum nihil omnino, neq; natura, neq;  
 fortuitu accidiſſet: quod non interpretarentur, deorum  
 id conſilio fieri, cladem aliquam portendentium. Itaq;  
 uel alitis inuolatus, uel terre fremitus, uel dextrum ful-  
 men, uel quæuis eiſmodi monſtra, atq; conſicta in-  
 terdum prodigia, terrorem atq; metum miſeris homi-  
 nibus inculiebant. Quid autem ſoliſtima tripudia com-  
 memorem? quæ cum eſſent coacta, nec illis quidem ſu-  
 perſtitioſis hominibus, & auſpicio ualde deditis fir-  
 mam ſpem facere poterant. Si uero pulli caſu ali-  
 quo non paſcerentur: eaq; res ad militum animos per-  
 uanaret: quaſi de perniciæ ſua à dijs ipsis præmoniti  
 attoniti



attoniti religione manus cum hoste conserebant, ancipiti formidine perturbati, atq; impediti. Multis itaq; in locis proditū memorię est, exercitus fusos, atq; cęsos esse, quod uitio cōtra hostes educti fuissent. Quod quidem minime mirum est. Cum enim essent illa religione perfunsi, ut crederent, non sine deorū consilio, et numine, cladē atq; pestem denunciatiū, pullos iniectam offam neglexisse: ob idq; omnium mentes cōciderent: manusq; metu obturpuissent: neq; solita spē atq; audacia pręhū commississent: necesse erat, ut cladem aliquam insignem acciperent. Inde adeo factū est, ut omnes illis religionibus ualde dediti, quos fanaticos appellabant, in timore perpetuo, et cura mētis ancipiti uersarētur. Quid? qđ multi uiri strenui, leuissimis ostentis permoti, magnam multis in locis timoris significationē dederunt? Lacedæmoni (ut de gręcis etiā aliquid dicamus) cum bellum aliquod suscepissent: regesq; ipsi in patrię finibus de more sacrificarent: si casu non litabant: exercitus continuo domū reducebant. Cumq; essent Lacedæmonij moribus et institutis ad duritię, atq; uirtutem militarem educati: tamen ea imbecillitate ducta ex sacrorum impura religione tenebantur, ut bellum intermitterent. Iam si strepitus aliquis auditus fuisset: omnia belli cōsilia ab illis deserta, et omissa iacebant. Quid autē queso



DE NOBILITATE CHRISTIANA.

aliud (ut Lacedæmonios omittamus) Atheniensium  
opes euerit, quàm anilis quædam, et misera superstitio?  
Cum enim imperator sane fortis Nicias, et Clasi, et  
exercitui, simul cū Demosthenē præfectus esset, et Sy-  
racusas oppugnaret: intelligeretq; civitatē illam et suis  
uiribus, et totius græciæ auxilio munitā capi non posse:  
Demosthenesq; instaret, ut classem à portu deduceret:  
ne præcluso exitu ab hostibus, omne robur Athe-  
nienſium, quod in illa classe continebatur misere peri-  
ret: id Nicias ipse comprobabat: religione tamen im-  
peditus salutare consiliū executus non est. Paucis enim  
illis diebus lunę lumen, ipsius terre, ut certis temporibus  
fieri necesse est, interiectu defecerat. Id Nicias ostētum  
ratus, ad religionū interpretes deferendum statuit. Illi  
nefas esse respondent, intra triginta dies classe naviga-  
re: aut quippiam aliud moliri. Interea sicuti magnis mo-  
libus ipsius portus fauces obstruunt: et exitum multis  
navibus obiectis intercludunt. Clasis igitur illa, in qua  
flos atticę iuventutis, et Atheniensium robur inerat: cū  
iam frustra Classē hostium perrumpere, et è portu  
progredi conaretur: inepta illa Nicię superstitione mi-  
serrime dissipata, atq; depressa est: omnisq; nobilitas  
occisione consumpta. Hęc tu sacra impia, has religio-  
nes impuras, et aniles ad uirtutē erudire et instituere di-  
ces?



ces? quæ homines etiã impigros et audaces horribili formidine replebãt: mentem à constãtia deducebant: consilia salutis impediebant? Eam tu gratiã Christo optimo maximo refers: cuius munere, atq; beneficio, tam impia, tam impura, tam dementi superstitione leuati, atq; liberati sumus, ut illam etiam Christi religioni anteponas? Nam si animi christianis institutis informati, fracti, languidi, atq; demissi efficiuntur: illis uero antiquis et impuris ceremonijs, quibus diuini honores habebãtur impiorum hominũ simulachris, ad uirtutem incitabantur: illa certe uidentur his nostræ religionis institutis omnino præferenda. At uide in quanta erroris opinione, atq; amentia uersatus sis. Qui uere christiana religione imbuti sunt: non alitis uolatu, nõ occinis cantu, non extis tristitia minantibus permouentur. Non terremotu, non fulmine, non prodigijs ullis, aut monstis conturbantur. Nihil est deniq; quod animum hominis christiani conuellere, aut labefactare possit. Sic est enim institutus, ut si orbem terrarũ bellis ardere uideat: si omnia sibi pericula intendi: si cuncta incendio conflagrare, atq; pene consumi: ipse tamen optima spe plenus constantiam retineat: nec ullo unquam horrore perfundatur. Primũ quia credit esse se fortissimis copijs constipatũ, atq; communitum. Didicit enim e sacris



DE NOBILITATE CHRISTIANA.

cris literis, esse quosdam coelestes exercitus: qui piorum  
hominum salutem tueantur: et ab illis, cum commodum  
est, omnem impetum, atq; furorem hostium propulsant.  
Hoc enim se praesidio uallatum esse sensit Iacob: cum  
castra Dei se conspiciere testificatus est. Rursus cum  
Syriae exercitus Helisei capiti immineret: ipsiusq; mi-  
nister formidine perterritus opem imploraret: noli ti-  
mere, inquit Heliseus: plures enim nobiscum sunt. Sub-  
iungit deinde sacra historia. Cumq; orasset Heliseus  
ait, domine aperi oculos pueri huius: ut uideat. Et ape-  
ruit dominus oculos pueri, et uidit, & ecce mons plenus  
equorum, et curruum igneorum, qui cingebat Heliseum.  
Atq; ne quis in paucos illud diuinum praesidium col-  
latum esse putet: alibi de uniueris qui pietatem colunt,  
Deumq; caste, et pure uenerantur, sic scriptum est. Ca-  
stra posuit angelus domini in circuitu timentium eum.  
His igitur testimonijs qui firmissimam fidem adiungit:  
seq; diuino praesidio munitum esse credit: trepidare metu  
non potest: sed elato animo, atq; confidenti, id quod  
alio in loco scriptum est usurpabit. Si consistant aduer-  
sum me castra, non timebit cor meum. Si insurgat ad-  
uersum me prelium, in hoc ego sperabo. Item illud. Hi in  
curribus, illi in equis, nos autem in nomine domini spem  
repositam habemus: ipsi confracti ceciderunt: nos autem  
erecti



erecti uictoriam reportauimus. Hæc igitur inquam  
 spes gentem christianam imbecillo animo esse non sinit.  
 Deinde immortalitatis cogitatio, atq; certa gloria  
 futurae præsensio, quantam uim habet, ad constan-  
 tiam stabiliendam? Refert Cesar Gallos illa Dru-  
 idum disciplina, quæ persuadere nitebatur, non interire  
 animas: sed ab alijs ad alios post mortem transire: fuisse  
 uehementer ad uirtutem excitatos. Itaq; metu mortis  
 neglecto, intrepide sese in quodcunq; capitis periculum,  
 atq; uitæ discrimen inferebant: cū nihil aliud esse mor-  
 tem opinarentur, quàm mutationem uitæ: atq; in alia  
 corpora migrationem. Ita ne tandem? Prisci illi Galli  
 immortalitatis opinione uanissima ex immuni quadam  
 superstitione concepta, nulla pericula recusabant: chri-  
 stiani, qui non imbecilla opinione, sed constanti fidu-  
 cia credunt, se postquam ex hac uita excesserint: fore  
 beatissimos: mortem horrebunt? Quid est enim ma-  
 gis in christiana religione celebratum: quam omnes  
 eos qui coluerint iustitiam & pietatem: posteaquam  
 è corpore, quasi è uinculis emissi fuerint: in cœlum  
 euoluturos: ut immortalis gloria æuo sempiterno per-  
 fruantur? Quid deinde est magis animis nostris in-  
 fixum, quàm fore aliquando, ut corpora quæ iam peni-  
 tus consumpta, sunt, instaurentur: atq; cœlesti splen-  
 dore



DE NOBILITATE CHRISTIANA.

dore collustrata, rursus cū animis ipsis inuiolabili foedere coniungantur: ut sic, diuinitus renouati omnibus summis et æternis uoluptatibus animo et corpore potiamur? Hoc qui persuasum habuerit, nunquā mihi crede, ab ista uita innumeris erumnis, atq; calamitatibus inquinata, inuitus et iniquo animo discedet. Quid autē postremo dicam de amore illo immenso, et incredibili, quo illi qui uere Christi sacris imbuti sunt: quotidie magis inflammantur? Illud certe perspicuum est, nulla re magis incitari, ac incendi animos, ad omnia capitis pericula subeunda: quam beneuolētia, et caritate. Nihil est enim amanti difficile: nihil non suaue et iucundū, quod pro re quam habet carā suscipiatur. Mortē ipsam quæ omnibus horribilis est, et maxime pertimescēda, ultro etiam appetendā interdum putat: non modo contemnendam. Quod si tantū ualeat amor leuissimis sæpe de causis inter homines cōciliatus, ut contemptū mortis etiam inducat: quid de illius caritatis magnitudine dicā, quæ munere spiritus diuini, puris et integris mentibus cōcessa est? Eius certe uī cōcitata christiana nobilitas omnem uitæ suauitatē, in laboribus et periculis ponendā esse duxit, omnes corporis uoluptates, et fluxos honores, omniūq; rerum affluentiam aspernata. Illa Christi cupiditate uehementer incensa, neq; minus, neq; terroribus, neq;

inauditis



inauditis supplicijs, à pietate dimoueri potuit. Illa postremo faciebat, ut omnia tormenta quæ pro Christo, quem unice & ardentè amabat, patiebatur, leuia, atq; iucunda putaret. Quin etiam nihil uidebatur christianiis æque optabile, et expetendum: atq; pro Dei immortalis religione, uitam in summis totius corporis crucibus amittere. Quod minime mirandum est. Nam cum amor omnem animi cogitationem auertat à formidine: necesse est, ut summum, atq; diuinum amorem, incredibilem constantiam, atq; diuinam consequatur. Vtra igitur tandem religio ad uirtutem facilius incitabit? Ea ne quæ hostiarum fœoris, aut alitum uolatu, aut apium examine, atq; confectis monstris suspensam tenent hominum imbecillitatem? An illa, potius quæ animos ita cõfirmat, ut neq; totius orbis cõuersione labefactari possint? Illa deinde, quæ dementi superstitione ipsam humanæ uirtutis exercitationem sæpe numero impediuit? An illa potius quæ infirmam naturam mulierum, & teneram ætatem puerorum, incredibili uirtutis constantia roborauit? Illa postremo quæ nulla firma spe mentes humanas confirmare poterat? An illa quæ diuini auxiliij ostensione, certissima spe immortalitatis, diuini numinis amore, atq; studio, ad diuinam uirtutem erudiuit: & ad omnium rerum humanarum despicientiam instru-



# DE NOBILITATE CHRISTIANA.

xit? Sed quid opus est hominis istius impurissimi, uel impietatem, uel amentiam multis argumentis conuincere, cum utrunq; sit adeo manifestum, ut nihil facilius deprehendi possit. Impietatis scelus cum istis maculis uelit aspergere christianam dignitatem: quod nunquam fecisset, si aliquam præclaram opinionem de Christi numine habuisset. Furoris amentia cum tam falsis, ineptis, male coherentibus rationibus nefariam illam sententiam confirmet. Atq; scio quidem me longius oratione prouectū, quàm fortasse necesse fuit. Hoc autem si quis uitiosum putabit: uelut ut partim tribuat hanc ueniam iusto dolori, quo sum mirabiliter elatus: partim existimet, id instituto nostro minime alienum fuisse. Cum enim de christianæ claritatis splendore sermonem instituissem: betruscus autem ille scriptor, eandem impurissimo genere orationis obscurare conatus esset: non dissimulandum putui: præsertim cum eorum numerum qui uel scriptis illius incitati, uel sponte sua, eiusdem sceleris atq; furoris affines sunt: late & uarie diffusum intelligerem. Nunc autem, posteaquam illorum petulantiam confutauimus: ostendimus q̄ id quod erat satis apertum, nihil angustum, atq; demissum, sed ampla omnia atq; diuina in christianis institutis reperiri: omnemq; sanctissimæ



sanctissimæ huius disciplinæ rationem ad animi magnitudinem, & contemptionem mortis excitare: non alienum erit, quando de fortitudine militari fecimus mentionē: illorum etiā orationem paucis refutare, qui uniuersum militiæ genus, ut rem impiam, atq; sceleratam, Christi q; præceptis aduersantē execrantur. Primum autē cur detestentur belli gerendi rationem, cum pro æquitate, religioneq; suscipiur, non satis intelligo: cum eam innumeris sacrarum literarum testimonijs laudari mognopere uideamus. Quod isti non negant, sed quid inquirunt? Multa fuisse in antiqua lege contenta, quæ tamen erant magis temporis causa ferenda: quam laude celebranda: ut facere diuortium: ut exteris gentibus foenerari: ex quo etiam genere esse dicunt bellum mouere. Sed quid habet simile, uel foenus, uel diuortium, cum militari uirtute? Illa enim non præscripta, sed hominum imbecillitati concessa sunt: at belli gerendi præceptum, qui detrectabat, inexpiabile scelus in sese concipiebat. Vbi enim legimus fuisse poena, aut execratione sancitum, si quis ubi primum aliqua offensione interposita licuisset ab uxore nō discederet: aut ab alienigenis foenus non exigeret? At multis in locis animaduertimus, uiros spiritu diuino cōcitatos, extremo supplicio sanxisse eorū ignauiam, qui prodire in aciem recusarēt.

Quid



DE NOBILITATE CHRISTIANA.

Quid autem hic Deboram cōmemorem? Quæ numine sancti spiritus afflata, male precatur ijs, qui prælia domini pro uirili parte non suscipiunt: eorumq; desidiam acriter, atq; uehementer insectatur. Rursus obijciunt nobis circuncisionem, agni immolationem, antiqua sacrificia: quæ summa olim religione seruabantur: & post Christi aduentum coli desierunt. Quasi militia ad sacrorum ceremonias, atq; mysteria pertineat: & non potius reipub. gerendæ causa constituta sit. Illa namq; sacra, in quibus erant adumbrata signa iustitiæ, atq; salutis per Christum optimum maximum constituendæ: posteaquam res ipsæ, quæ signis illis indicabatur aduenit: iure atq; merito repudiata sunt. Hoc autem de bellica uirtute existimari non potest: cum non in ceremoniarum rationem cadat: sed causa publicæ salutis custodiendæ exulta sit: & ad civilem disciplinam pertineat. Confundere autem ea quæ sunt secernenda, aut extremæ dementiæ est: aut summæ temeritatis argumentum. Cum uero reip. status stabiliri non possit, nisi armorum præsidio fulciatur: siquidem omnes artes pacis sunt in tutela militaris disciplinæ: qui militiam tollit: is rempub. funditus euerit. Quod si christianis moribus fieret: aliqua ratione inducti criminarentur homines furiosi rempub. aliquam per christianos mores fuisse



fuisse sublatam. Quæ calumnia quantum sceleris, atq; uanitatîs habeat, iam est superius explanatum. Non uult enim Christus ciuilem statum conuelli: sed confirmari potius, atq; constitui. Quemadmodum igitur securim è manibus magistratum nõ extorsit: ita neq; militem gladio spoliavit: ut ille scilicet autoritate legum armatus improbitatē in reip. uisceribus hærentē legum seueritate comprimeret: hic armis tectus pestem reip. imminētē uirtute repelleret. Ob id Ioannes nunquam deterruit homines ab armorū studio, sed potius militibus ipsis, innocentia, et moderationis iura præscripsit. Et Paulus eos magistratus, qui securi feriūt nocentes, et facinorosos homines: Dei ministros appellat. Nihil esset quidem magis optādum homini christiano, quàm ut omnes mortales sese cōtinerent à scelere, et cupiditate. Cum uero id semper contingere non possit: & pro continentia, effrenata libido, pro iustitia, aut externauiis, aut intestinus furor exoriat: tum necessario, aut impetus hostium est armis, et uirtute depellendus: aut audacia ciuium ferro etiam reprimenda. Id inquit christiana mansuetudine est alienum. Quasi uero ullum genus crudelitatis maius esse possit, quàm in cōmuni periculo esse dissolutū, atq; negligentem. Præcepit Christus ne ullatam iniuriam ulciscamur. Est quidem perfecta cumulatæq; uirtutis, ubi nobis iniuriæ priuatim



DE NOBILITATE CHRISTIANA.

inferuntur: mirant et singularem animi patientiam ostendere: ubi uero, aut communis salus, aut religionis dignitas agitur: inuidium robur contra furorem, atque scelus assumere. Pacem nobis unice commendauit. Illam sane pacem, quam nobis ipse largitus est: quæ non humano otio continetur (quis enim suspicari potest humanam istam securitatem nobis concessisse, cum discipulos suos omnibus fluctibus humani furoris obiecerit) sed eam, qua in Dei gratiam, qui nobis grauiter inferus erat: & acuius religione uoluntates nostræ dissidebant: reducti sumus. Has igitur inimicitias sanguine suo (ut multis in locis Paulus testificatur) Christus extinxit: pacemque nobis sempiternam impetrauit. Hac autem frui uel maxime licebit: cum bellum acerbum, & graue, pro publica salute, aut religionis studio geremus. Nisi forte putamus Abraham istius diuinæ pacis fructu caruisse: eo tempore, quo domestica seruorum manu comparata, maximum et fortissimum exercitum est adortus: et quatuor reges incredibili uirtute deuicit: hostibusque partim cæsis, partim fustis prædam detraxit: aut Gedeonem cum trecentis tantum uiris fortissimis septus, innumerabiles copias hostium trucidauit. Quid Iesum Moysis successorē? Quid Ieptem? Quid alios uiros excellētes, tam sanctitatis studio, quàm bellicæ laudis gloriæ præstantes commemorem? Is ne  
omnibus



omnibus dicemus Deum iratū fuisse, quando in hostes irruerant? An potius tum maxime diuinæ pacis fructum tulisse, cum bella sanctissima cōtra sceleratos homines suscipiebant? Quid nobis inquit cum illius ueritatis exemplis? Illi quidē Hebræi fuerunt: nos uero christiani sumus. Pergitis ne uos diuinos illos homines à christianorum ordine, atq; dignitate sciungere: qui ut est demonstratum superius, egregij Christi cultores extiterunt: & eodem diuini spiritus dono, atq; munere, quo nos affecti sumus: ornati fuerunt? Quid enim aliud significat illa conclamatio, gladius Dei & Gedeonis: & illud rursus, factus est super Iephte spiritus domini: et eiusmodi innumerabilia, nisi non absq; Christi numine, quod illis fortissimis hominibus præsens aderat: tata bella suscipi, atq; profligari potuisse? Quid deinde illud? de coelo dimicatum est contra eos: & stellæ manentes in ordine suo, & in cursu suo aduersus Syfaram pugnaverunt: nisi coelestes exercitus, Christo imperatori, quem dominum exercituum sacræ literæ appellant, commissos, pro pijs contra nefarios & impios pugnam capeßere? Non est igitur cur hæc uirtutis exempla, à sanctissimis illis hominibus, ad sempiterni temporis memoriam relictā negligamus. Non enim à nobis aliena, sed p̄pria et domestica sunt: ad quorum imitationem nos ipsos aliquando excitemus.



DE NOBILITATE CHRISTIANA.

oportet. Neq; quisquam tam imbecilla mente sit: ut putet, id Christi placitis aduersari: quod ipsius pæsidio perfectū esse scimus, et ad quod gerendum, ipsius prope uoce fortissimos homines incitatos fuisse cōpertum habemus. Vt enim uetustiora prætermittā, Constantinus imperator, non tam numero militū, aut robore exercitus, aut bellandi sciētia quā Christi pæsidio Maxentium superauit: quem ita prima impressione metu perterruit: ut in fugam turpissimam uersum, ad exitiumq; præcipitem, Tiberis alueo demergi compelleret. Illum aut eximium terrorē hostiū animis, ipse christi numen iniecerat. Cum enim Constantinus, iam de christiana religione præclare sensisset: uidit eo ferme tempore, quo erat cum hoste congressurus, æthere puro atq; sereno, crucis speciem diuino splendore coruscantē: uocemq; e cœlo missam accepit: quæ illi uictoriam denunciabat: si modo crucem, tanquam summi atq; æterni Dei uexillū sequeretur. Inde igitur omnibus regijs insignibus, crucis signum anteposuit: in illo omnem spem nō modo uictoriæ, sed immortalitatis, et æternæ gloriæ collocauit: illo insignitus, innumerabiles hostiū exercitus fudit: imperiumq; Romarum latissime propagauit.

**Q**uid de Theodosio dicam? Qui cum Eugenio ita confligit: ut facillime se Christi presentis auxilio superiorem esse cerneret. Fuit autem in hoc imperator



rator ille mirabilis: qui quo tēpore reliqui corpora somno et cibo reficiunt: is cibi abstinentia, et uotis summa religione susceptis animū confirmabat. Cuius quidem pietatis, atq; religionis fructum eximium tulit. Nam ubi primum signis collatis manum cum hoste conseruit: excitati repente turbines uehementissimi, aduersas copias hostium peruerterunt: et tela ab illis in Theodosij exercitum coniecta, maximo impetu repulerunt. Illius autem insignis uictoriæ meminit Claudianus dum ita ad Theodosium scribit.

Onimum dilecte Deo, cui fundit ab antris

Aeolus armatas hyemes: cui militat æther:

Et coniurati ueniunt ad classica uenti.

Quid Carolus martellus? Sine Christi presentis auxilio suspicari possumus, ab exiguis inijs, ad tantam gloriæ magnitudinem peruenisse? Præsertim cum eas res gesserit, quæ uiribus humanis perfici nullo modo potuissent. Incredibile fortasse multis uidebitur, quod est traditū memoriæ, fuisse uno prælio ad trecenta septuaginta millia arabū, uirtute et auspicijs Martelli ipsius occisa: eo præsertim tempore, quo gens illa plurimū armis poterat: et cūctæ Africæ, atq; Hispaniæ exitiū et uastitatē intulerat. Minus uero nihil minus dignū admiratione uidetur. Nihil est enim tam arduum, atq; munitum, quod nō excellens uirtus, religionis studio confir-



DE NOBILITATE CHRISTIANA.

mata, expugnet, et conterat. Simili religionis studio incensus Carolus magnus, omnia grauissima bella cōtra christiani nominis hostes suscepit: nec ullum unquā periculum christiana reip. denegauit. Non immerito igitur illius uirtutes, quibus tanquam gradibus in coelum ascēdit, omni genere monumentorū, immortalitati consecratę sunt. Pari religionis ardore multis post ætatibus multi principes Itali, atq; Galli, duce Gothifredo uiro singulari animi uirtute, et egregia pietate florētissimo, expulsis Turcis, atq; Saracenis, Ciliciam, et Syriam, omnemq; illam Asię partem armis receperūt: et Hierosolymam, cuius liberandę studio, omnia quę sunt in uita cara, atq; pertucunda reliquerant: immensosq; labores susceperāt: ingenti armorum contentione recuperarūt. In quibus hominibus, nescio quid primum admirer: eximiam ne uirtutem? An insignem potius pietatē? Virtutis enim magnitudo tāta fuit, ut omnem Barbariem, quę tantū numero, atq; robore ualebat, ut etiam de uniuerso nomine christiano ex hominū memoria delendo cogitaret: ita repulerint, ut longe à Syrię finibus submouerent. Singularis pietas in eo perspecta est, quod nec ulla necessitate coacti, nec iniuria lacesiti, bellum cunctis hostibus christiani nominis intulerunt: ut Christi monumenta, atq; uestigia, terris illis ad insignem diuini beneficij memoriam impressa, uenerari, maculamq;



eulamq; illam sanctissimi sepulchri, à Barbaris oppressi, quę in christiana gente infederat, delere possent.

**Q**uid autē de rebus ab hispanis ardētissimo animo, atq; singulari pietate gestis sermonem instituā? Quę quidē eiusmodi fuerūt, ut nemo sanus suspicari ualeat, eas sine christi presentis auxilio, cuius amore, hispanorū natio libētissime sese in uitę discrimen inferebat, perfici potuisse. Cum enim tota Arabia, et Africa influēs in Europā, Hispanos armis oppressisset cęde ac infinita crudelitate consumpsisset: paucissimi ex illo naufragio collecti tanta uirtute hostium impetum represserūt: ut magnā etiam Hispanię partem in libertatē uindicarent. Posterius deinde maiorum exempla ita secuti sunt: ut cum pauci admodum essent: Africa uero ingentē uim hominū sepe numero effunderet: quę Saracenis Hispaniā incolēibus subsidio occurrebat: nō modo tantę multitudinis incursiones, atq; furētes impetus sustinerent: uerum etiā omnem Barbariam ex hispania tandē exterminarēt. Cuius facinoris cōfecti, Ludouice clarissime, laus incredibilis penes Fernandum regem auum tuū constitit, uirū inuictissimum, et in omni genere laudis excellentem. Si quęrat autē aliquis causam cur ea gēs, quę florentē, et integrā Hispaniā oppresserat: ab eiusdē Hispanię reliquijs fuerit expulsa, atq; profligata: non aliā reperiet, quam religio-



DE NOBILITATE CHRISTIANA.

nis studium: quod quidem antea erat pene extinctum: et post illam plagā nostris gentibus inflictam, fuit mirabiliter excitatū, atq; renouatum. Illo igitur incredibili ardore pietatis incitati, cū omnia præclara facinora pro Christi nomine suscepissent: res illas immortalitate dignissimas effecerunt. Infinitū esset, si uellē recensere, quā multis in locis immensas hostiū copias exigua manu fuderint, atq; deleuerint: quoties signis clarissimis sibi suppetias e coelo uenire senserint: quod quidem minime obscurum fuit, in Alfonso, primo Lusitanie Rege, principe uestri generis, atq; nominis. Is enim uir, excellenti uirtute, et incredibili pietate præditus, cum omnem ætatē in sanctissimis bellis, pro religionis dignitate susceptis consumeret: uideretq; quadam die se cum parua manu, maximis exercitibus oppositum: animaduertit in coelo Christi speciē, diuino fulgore circumlucentem: illoq; aspectu cōfirmatus, quinq; reges una die debellauit. Quid de eius filio Sancio dicā? Cuius ut alia præclara facta prætermittā, illud certe fuit insigne ad memoriā nominis sempiterni: cum ingentes maurorum copias in Lusitaniā erumpentes, ut inde Hispaniam uniuersam in ditionē suam redigerent: non repressit solum: sed etiam singulari uirtute domuit, atq; penē cōtriuit. Non est autē necesse, aliorum regum, qui ab istis nati sunt, ætates atq; tempora persequi. Id certe nostrorum  
annalium



annalium literis, atq; testimonio constat: neminē ferme ex illis fuisse: qui nō egregiam: tum uirtutis, tum etiā pietatis laudem fuerit adeptus. Itaq; Mahometanis omnibus magna belli contentione superatis, ac ē Lusitanic finibus expulsis, exercitum etiā in oras Africę, non tam numero, quā uirtute inuictum induxerunt: clarissimisq; partis uictorijs, et multis ciuitatibus expugnatis, magnā mauritanic partem armis occupauerūt. Non est autē facile explicatu, quanto animi ardore, et alacritate prelia illa a nostris cōmissa sint: qui ita in hostiū acies irruebant, ut etiā mortem appetere uiderentur. Intelligebant enim huius uite cursum exiguo spatio circumscribi: et animi cogitationem in illā immortalem gloriam referere: quę proposita est omnibus qui fortiter & pie moriuntur. Illa autem firmissima spe immortalitatis, et studio religionis incensi, nihil interdum ardentius optabant: quā ut uitā fluxam, et breuem, quam erant paulo post naturę concessuri, pro Christi nomine deuouerent. Illorum igitur opera factum est, ut omnes illę nationes, quę numero, et impetu poterant rursus in Hispaniam redundare: ita recisę sint: ut magis nostrorum tela suis capitibus intenta pertimescant: quam nos illorum furorem metuamus. Postremo, quantum illud est? quod uastum & immensum mare longissima, & maxime pertimescenda nauigatione



DE NOBILITATE CHRISTIANA.

gatione transmiserunt: omnesq; ferme solis obeuntis, et orientis, a quilonis, austrisq; partes armis peragrarunt. Quid enim hic cōmemorem *Æthiopiam deuictam: Arabic, & Persidos*, urbes munitissimas expugnatas: *indiam durissimo bello superatam: instructissimas classes & maximos exercitus profligatos: Turcarum potentiam in illis partibus nostrorum uirtute representam, atq; conuulsam?* Nunquid hæc omnia eiusmodi sunt, ut sine Dei immortalis ope præsentissima fieri potuisse suspicemur? Equidem nunquam tantū *Emmanuelis patris tui, regis inuictissimi, atq; omnis n. emorice facile Principis uirtuti prudentiæq; tribuam: nunqua adeo Regis omnium iustissimi, atq; clementissimi Ioannis fratris tui diuinum animi consilium, et uirtutem incredibilem admirabor: nunquam deniq; ita nostrorum audaciam, & domesticam natiuamq; indolem amabo: ut res tantas, humana prudentia atq; uiribus, & non potius diuino consilio & numine gestas existimem. Nec enim calliditate Mauri, neq; uiribus Persæ, neq; apparatu bellico Turcæ, neq; numero Arabes à nostris uinci potuerunt. Sola tamen pietate, atque sanctissima Christi religione, quæ in nostris semper eluxit, superati, atque dissipati sunt. Hæc una rem Lusitanam auxit: regibus nostris decus immortale peperit: infinitamq; alienigenarum multitudinem,*



tudinem, eorum imperio parere assuefecit. Sed quid  
 attinet pluribus exemplis uti: cū nihil sit clarius, aut illu-  
 strius, tum ex sacrarum literarū testimonijs, tum etiam  
 ex infinitis rebus, ad æternam memoriam consecratis,  
 quam illud genus belli, quod aut pro salute publica, aut  
 religionis incolumitate suscipitur, ita Christo acce-  
 ptum esse, ut etiam præsentī numine illius administre-  
 tur? Quod si Christi religio non impedit exercitatio-  
 nem militarem: immo potius eandem mirandum in mo-  
 dum illustrat, atque confirmat: cum omnem formidi-  
 nem firmissima spe immortalitatis eripiat: et ad ueram  
 gloriam incredibiliter inflammet: relinquitur non lau-  
 de solum integritatis, innocentie, modestie, liberalita-  
 tis, atq; iusticie, florere præ ceteris christianam natio-  
 nem, uerum etiam gloria uirtutis militaris, et omnibus  
 fortitudinis ornamentiis esse præstantissimam. Illud enim  
 in omni uita tenendum est, quod fuit antea demonstra-  
 tum: eam tantum esse uirtutem nominandam, quæ in illud  
 summum bonum, et ultimum omnium rerum expetenda  
 rum intuetur: & officia uitæ non humana cupiditate,  
 sed diuina uoluntate dirigit. Vnde facile colligi po-  
 test, nec in rebus bellicis, ullam egregiam animi uir-  
 tutem præstirisse eos, qui omnes umbras falsæ gloriæ  
 consecrati sunt: ad ueram tamen lucem, & splendo-  
 rem peruenire non potuerunt. Soli qui ad Christum  
 aspirant,



DE NOBILITATE CHRISTIANA.

aspirant, cum respiciant in uerum finem, cuius causa uitæ dimicationes, & pericula capitis adire non gloriosum modo, sed etiam suauissimum, atq; incundissimum esse putant: fortes et magnanimi sunt existimādi.

**E**Xtremum illud est, ut agitemus animo, quantum Enomen, quanta dignitas, atq; maiestas sit christianæ nationis: quam ille princeps Deus ab omni contagione sceleris expiata sibi adoptauit: amplissimis gloriæ insignibus ornauit: et beneficijs immortalibus, atq; diuinis affecit. Quam nulla mortalis affinitas attingit: nempe quæ solū Deum tutorē, atq; parentē agnoscat. Quam Christus optimus maximus ita sibi cōiunxit, ut diuinorum etiā ornamentorū societate deuinciret. Nos enim illius unctionis diuinæ participes effecti: nobis regnum atq; sacerdotium largitus est: nostris animis rerum cœlestium noticiam inspirauit: & ad omne uirtutis genus mirabiliter, atq; diuinitus instruxit. Qui igitur laudem, qui dignitatem, qui gloriam quærit: in studium christianæ uirtutis incumbat: uerā iustitiam, absolutā liberalitatē, perfectam animi moderationē, et reliquas uirtutes, quæ nobis à domino præscriptæ sunt, ardentem amplectatur: eamq; fortitudinē retineat, cui soli conuenit huius nominis decus et amplitudo. Quid enim aliud est in uita constans, excelsum, atq; magnificum? Quid nō potius fluxū, demissum, et turpiter abiectum?

Siue



Sive enim diuitiarū inconstantia respiciamus: sive honoris et humane glorię leuitatem: sive quendā fucatum generis, et nobilitatis splendorē: sive postremo uirtutis humane speciem simulatā atq; fallacē: nihil reperiemus quod mentē ualeat explere: aut animū uoluptate diuturna possit allicere. Omnia namq; sunt angusta, fluxa, mortalia, erroris, et inanitatis plenissima. Sola christiana nobilitatis ornāmēta ampla sunt, immortalia, diuina: quę nulla unquā uis eripiet: nulla uetustas obliuione obruet: nulla calamitas extinguet. Et quanquā humani pectoris angustię non possint capere tantā dignitatem: illi tamen qui Christi beneficio ab hominibus exierunt: et in diuinam familiā traducti sunt: eam diuino presidio cōfirmati facillime sustinebūt, et tuebuntur. Licet enim in terris uersentur, coelitum tamen iura retinent: et sunt iam quodammodo in deorum numero collocati.

**H**abes à me munus princeps clarissime, non quidem doctrina et ingenio perpolitū: quorū utrunq; mihi deesse moleste fero: sed certe tuis studijs, et animi magnitudini consentaneum. Cum enim uirtutibus humanitatis, liberalitatis, cōstantię, fortitudinis, mirabiliter ornatus sis: tum illud est in tuis moribus amplissimum, quod omnia uite cōsilia pietate, et religione christiana metiaris. Nec enim regius, atq; domesticus splendor ita tibi unquam animos extulit: ut non multo plus glorię



DE NOBILITATE CHRISTIANA.

gloriæ atq; decoris in christiani nominis dignitate ponendū statueres. Nec ita præclaras actiones suscepisti ut popularis laudis auram respiceres. Nec eo animo ut iam multis periculis obieciſti: ut aliquod humanū premium tibi proponeres. Sed cū alta quadam mente præditus sis: in omnibus rebus quæ abs te singulari consilio, et increbibili uirtute efficiuntur: siue illæ ad pacis ornamenta, siue ad belligeræ rationem pertineant: ostendis facillime te humana negligere: et diuina studio ardentissimo contueri. Non immerito igitur te omnes boni diligunt: omnis nobilitas intuetur: omnis Hispania laude, atq; prædicatione celebrat. Nemo enim est, qui modo tenuerit, quem nō habeas suauitate morum, ingenij diuinitate, incredibili pietatis ardore, tibi admirabiliter deuinctum. Et quanquam uirtutis spectatæ conditio sit longe difficillima: siquidem non leue negotium est, hominū expectationi, iam propter præclare gesta concitatæ respondere: ea tamen est animi tui magnitudo, ut omnium de te opinionem facillime uincere, atq; superare ualeas. Nec enim Christus optimus maximus tibi omnia præclara facinora ad illius gloriam dirigenti, deerit unquam: sed numine suo te proteget: atq; sempiternis ornamentis decorabit.



FINIS.



**D**Abis nobis ueniam lector optime, si aliquid nos  
effugerit, in colligendis erratis quod tibi negotium  
exhibeat. Nemo est enim tam linceus, quem nihil pror-  
sus effugiat. Hoc tamen te admonitum uelim, nos non  
omnia persequi uoluissse: sed ea tantum que facilius po-  
tuisent perturbare mentem legentis. Interim uale.

## Errata.

- Charta. 5. a fronte Linea. i. pro create lege creare.  
Charta. 7. a fronte Linea. i. pro atq; lege neq;  
Charta. 9. a fronte Linea. xxi. pro admiabiles lege admirabiles.  
Charta. 8. a fronte Linea. v. pro predictile lege prediui.  
Charta. 25. a fronte Linea. vlti. pro Reges lege Regem.  
Charta. 31. a tergo Linea. xxij. pro perpererunt lege pepererunt.  
Charta. 37. a tergo Linea. xxi. pro interite lege interire.  
Charta. 46. a fronte Linea. vlti. deest negatio, est n. legendū nō sibi.  
Charta. 50. a fronte Linea. i. pro uidebat lege iudicabat.  
Charta. 52. a tergo Linea. x. pro rationi lege ratione.  
Charta. 52. a tergo Linea. xiiij. pro repugnare lege repugnare.  
Charta. 54. a fronte Linea. xi. por excellentes lege excellentes.  
Charta. 54. a tergo Linea. xxi. pro susti lege sustinet.  
Charat. 55. a tergo Linea. xvij. pro cupiis lege cupiditatis.  
Charta. 56. a fronte Linea. xvi. pro deesse lege deesse.  
Charta. 60. a tergo Linea. iij. pro esse lege esset.  
Charta. 72. a fronte Linea. vlti. lege concui ignem.  
Charta. 76. a tergo Linea. iij. p melchidechi lege melchisedechi.  
Charta. 80. a fronte Linea. xxij. pro fallicime lege facillime.  
Charta. 80. a tergo Linea. xi. pro domilium lege domicilium.  
Charta. 100. a fronte Linea. xvi. pro erat lege erant.  
Charta. 100. a tergo Linea. xxij. pro ciuitatis lege ciuitas.  
Charta. 107. a fronte Linea. xxij. pro omnibus lege o minibus.  
Charta. 109. a fronte Linea. xv. pro tristitia lege tristia.  
Charta. 110. a tergo Linea. vlti. pro minus lege minis.  
Charta. 111. a tergo Linea. xvij. pro puuilege putauit.







